

SUPPLEMENTUM AD MISSALE

FESTA PROPRIA

DICÉCESIS PATRIARCHALIS

HIEROSOLYMITANÆ

Cum licentia S. C. Rituum : sub die 31 Aug. 1935 (N. 25/928.)



Dominica infra Octavam Epiphaniæ
SANCTÆ FAMILIÆ
JESU, MARIÆ ET JOSEPH
Duplex I classis

Missa ut in Missali.

Die 13 Januarii

De die Octava Epiphaniæ
Duplex majus

Missa ut in Octava Epiphaniæ
hac die.

COMMEMORATIO RELATIONIS
PUERI JESU DE ÆGYPTO

Oratio

Protector in te sperántium, Deus, qui Unigénitum tuum Redemptórem nostrum ex Ægypto referri voluísti; concéde nobis fámulis tuis, beatíssima semper Vírgine ejus matre María et sancto Joseph intercedéntibus, ut ab ómnibus mentis et cónporis periculis liberáti, ad cælestem pátriam pervenire mereámur. Per eúmdem Dóminum.

Secreta

LAUDIS tibi, Dómine, hóstias immolámus, suppliciter deprecántes, ut, qui cum beatíssima matre Vírgine María et sancto Joseph ex Ægypto redux esse voluísti, éxsules nos ad cælestem pátriam benígnus perdúcas. Qui vivis.

Postcommunio

LARGÍRE sénsibus nostris, omni-potens Deus, ut per temporálē Filii tui relationem, quam mystéria veneránta testántur, vitam te nobis dedísse perpétuam confidámus. Per eúmdem Dóminum.

Die 16 Januarii

S. THEODOSII

Cœnobiarachæ Abbatis

Duplex

Missa Os justi, de Communi Abbatum, præter sequentia :

Oratio

OMNÍPOTENS sempitérne Deus, qui errántibus veritatis lumen osténdis, respice, per intercessiónem sancti Theodósii Abbátis, qui profide cathólica nec minas nec mortem timuit, ad ánimas diabólica fraude déceptas, ut ad veritatis tuæ rédeant unitátem. Per Dóminum.

Et fit Commemoratio S. Marcelli I Papæ et Martyris.

Oratio

PRECES populi tui, quásumus, Dómine, cleménter exáudi : ut beáti Marcélli Mártiris tui atque Pontificis méritis adjuvémur, cujus passióne lætámur. Per Dóminum.

Secreta

SANCTÍFICA, misericors Deus, hæc múnera, et præsta; ut sicut Unigénitus tuus holocáustum pro nobis fieri dignátus est; ita, beáti Theodósii Abbátis exémplo nos júgiter exhibeámus tibi hóstiam laudis. Per eúmdem Dóminum.

Pro S. Marcello

Secreta

SUSCipe, quásumus, Dómine, múnera dignánter obláta : et beáti Marcélli Mártiris tui atque Pontificis suffragántibus méritis, ad nostræ salútis auxílium provenire concéde. Per Dóminum.

Postcommunio

QUÁSUMUS, Dómine, ut beáti Theodósii Abbátis deprecatió-nibus, sacraménta quæ súmpsimus; nobis ad mundi despéctum et ad

fidei firmitátem proficiant. Per Dóminum.

Pro S. Marcello Postcommunio

SAtiásti, Dómine, famíliam tuam munéribus sacris : ejus, quásimus, semper interventione nos réfove, cujus solémnia celebrámus. Per Dóminum.

— Die 20 Januarii —

S. EUTHYMII MAGNI Abbatis

Duplex majus

Introitus Eccli. 42, 15-16



N sermónibus Dómini ópera ejus; sol illúminans per ómnia respéxit, et glória Dómini plenum est opus ejus. **Ps. 95, 1** Cantáte Dómino canticum novum; cantáte Dómino, omnis terra. **V.** Glória Patri.

Oratio

Deus, qui ómnia pro te relinquéntibus in hoc sǽculo céntrum, et in futúro vitam aetérnam promisísti : concéde propítius, ut sancti Euthýmii Abbátis intercesióne, peritúra contemnámus, et ad sola mansúra suspirémus. Per Dóminum.

Et fit Commemoratio Ss. Fabiani et Sebastiani Mm.

Oratio

INfirmitátem nostram résponce, omnípotens Deus : et, quia pondus própriæ actiōnis gravat, beatórum Mártýrum tuórum Fabiáni et Sebastiáni intercéssio gloriósa nos próteget. Per Dóminum.

Léctio Epístolæ beáti Pauli Apóstoli ad Ephésios. **Eph. 1, 3-12**

BEnédictus Deus et Pater Dómini nostri Jesu Christi, qui benedixit nos in omni benedictiōne spi-

rituáli in cæléstibus in Christo, sicut élégit nos in ipso ante mundi constitutiōnem, ut essémus sancti et immaculáti in conspéctu ejus in caritaté. Qui prædestinávit nos in adoptiōnem filiòrum per Jesum Chri-stum in ipsum : secúndum propó-situm voluntátis suæ, in laudem glóriæ grátiæ suæ, in qua grati-ficávit nos in dilécto Fílio suo, in quo habémus redemptiōnem per sán-guinem ejus, remissiōnem peccató-rum secúndum divítias grátiæ ejus, quæ superabundávit in nobis in omni sapiéntia et prudéntia; ut notum fáceret nobis sacraméntum voluntátis suæ, secúndum beneplácitum ejus, quod propósuit in eo, in dispensatiōne plenitúdinis tém-porum, instauráre ómnia in Christo, quæ in cælis et quæ in terra sunt in ipso. In quo étiam et nos sorte vocáti sumus prædestináti secún-dum propósitum ejus, qui operátur ómnia secúndum consílium volun-tátis suæ : ut simus in laudem glóriæ ejus nos, qui ante sperávimus in Christo.

Graduale Ps. 91, 13 et 14 Justus ut palma florébit : sicut cedrus Líbani multiplicábitur in domo Dómini. **V. Ibid., 3** Ad annuntiándum mane misericórdiam tuam, et veritátem tuam per noctem.

Allelúja, allelúja. **V. Is. 52, 7** Quam pulchri super montes pedes annun-tiántis et prædicántis pacem : an-nuntiántis bonum, prædicántis sal-lutem. Allelúja.

† Sequéntia sancti Evangélii secún-dum Lucam. **Luc. 18, 18-22**

IN illo témporte : Interrogávit Iesum quidam princeps, dicens : Magíster bone, quid fáciens vitam aetérnam possidébo? Dixit autem ei Jesus : Quid me dicis bonum? Nemo bonus nisi solus Deus. Mandáta

nosti : Non occides, non mœcháberis, non furtum fácies; non falsum testimónium dices; honóra patrem tuum et matrem. Qui ait : Hæc ómnia custodívi a juventúte mea. Quo auditó, Jesus ait ei : Adhuc unum tibi deest : Omnia quæcúmque habes, vende, et da paupéribus, et habébis thesáurum in cælo; et veni, séquere me.

Offertorium Philip. 3, 7 Quæ mihi fuérunt lucra, hæc arbitrátus sum propter Christum detriménta.

Secreta

Tnténde múnera, quæsumus, Dómine, altáribus tuis pro sancti Euthýmii festivitaté propósita; et sicut illum Verbi tui Incarnati mystérium vindicáre fecísti, ita nos in veræ fidei professióne stábiles usque ad mortem permanére concédas. Per eúmdem Dóminum.

Pro Ss. Fabiano et Sebastiano

Secreta

Hostias tibi, Dómine, beatórum Mártyrum tuórum Fabiáni et Sebastiáni dicátas méritis, benignus assúme : et ad perpéturn nobis tríbue proveníre subsídium. Per Dóminum.

Communio Matth. 19, 28-29 Amen dico vobis : quod vos, qui reliquísstis ómnia et secúti estis me, céntuplum accipiétis, et vitam ætérnam possidébitis.

Postcommunio

Quæsumus, Dómine Deus noster, ut intercedénte beáto Euthýmio Abbáte, sacrosáncta mystéria, quæ frequentámus actu, subsequámur et sensu. Per Dóminum.

Pro Ss. Fabiano et Sebastiano

Postcommunio

Refécti participatióne múnneris sacri, quæsumus, Dómine Deus noster : ut, cuius exséquimur cul-

tum, intercedéntibus sanctis Martýribus tuis Fabiáno et Sebastiáno, sentiámus efféctum. Per Dóminum.

Die 23 Januarii

DESPONSATIO B. M. V.

CUM S. JOSEPH

Duplex II classis

Missa Salve approbata pro aliquibus locis, ut in Appendix Missalis.

Et fit Commemoratio S. Joseph Sponsi B. M. V., S. Raymundi Conf. et S. Emerentianæ Virg. et Mart.

Die 26 Januarii

S. PAULÆ Romanæ Viduæ

Duplex

Introitus

Ps. 72, 28



Ihi autem adhærere Deo bonum est, pónere in Dómino Deo spem meam : ut annúntiem omnes prædicatiónes tuas in portis filiæ Sion. **V. Ps. ibid.** Quam bonus Israël Deus his, qui recto sunt corde. **V. Glória Patri.**

Oratio

Deus, qui beátam Paulam fámulam tuam, spretis mundi délícias, post insígnia virtútum increménta, ibi voluísti nasci cælo, ubi Unigénitus tuus natus est mundo : concéde propítius, ut ejus exémpló terréna cuncta despiciéntes, cælestia cónsequi mereámur. Per eúmdem Dóminum.

Et fit Commemoratio S. Polycarpi Ep. et Mart.

Oratio

Deus, qui nos beáti Polycárpi Mártyris tui atque Pontíficis ánnua solemnitáte lætificas : concéde propítius; ut, cuius natalítia cólimus, de ejúsdem étiam protetióne gaudeámus.

**Deinde Commemoratio S. Eustochii
Virg.**

Oratio

Deus, qui beátam Eustóchium Virginem a sáculi delíciis ad Jesu Christi Fílii tui vestígia sequénda et exímium illíus Crucis amórem traduxísti : concéde, ut ejus imitatióne ita per bona temporália transeámus, ut consequámur aetérna. Per eúmdem Dóminum.

Léctio Epístolæ beáti Pauli Apóstoli ad Colossénses. **Coloss. 1, 9-14**

Fratres : Ideo et nos ex qua die audívimus, non cessámus pro vobis orántes, et postulántes ut impleámini agnitióne voluntátis ejus, in omni sapiéntia et intelléctu spiritáli; ut ambulétis digne Deo per ómnia placéntes. In omni ópere bono fructificántes, et crescéntes in sciéntia Dei; in omni virtúte confortáti secúndum poténtiam claritatis ejus, in omni patiéntia et longanimitáte cum gáudio; grátias agéntes Deo Patri, qui dignos nos fecit in partem sortis sanctórum in lúmine; qui erípuit nos de potestáte tenebrárum, et tránstulit in regnum Filii dilectionis suæ, in quo habémus redemptiónem per sanguinem ejus, remissióne peccatórum.

Graduale Ps. 118 Adháesi testimóniis tuis, Dómine : in corde meo abscóndi elóquia tua. **V. Ibid.** Bonum mihi lex oris tui, super míllia auri et argénti.

Allelúja, allelúja. **V. Judic. 5, 3** Audíte, reges, et áuribus percípite, príncipes : ego sum quæ Dómino canam, psallam Dómino Deo Israël. Allelúja.

Post Septuagesimam, omissis Allelúja et seq. Versu, dicitur

Tractus Ps. 118, 166, 168, 167
Exspectábam salutáre tuum, Dómi-

ne : et mandáta tua diléxi. **V.** Custodívit ánima mea testimónia tua; et diléxit ea veheménter. **V.** Servávi mandáta tua et testimónia tua; quia omnes viæ meæ in conspéctu tuo.

**† Sequéntia sancti Evangélii secún-
dum Matthéum. Matth. 13, 44-52**

In illo tempore : Dixit Jesus discípulis suis parábolam hanc : Simile est regnum cælórum thesáuro abscóndito in agro; quem qui invénit homo, abscóndit, et præ gáudio illíus vadit, et vendit univérsa quæ habet, et emit agrum illum. Iterum simile est regnum cælórum hómini negotiatóri, quærénti bonas margarítas. Invénta autem una pretiosa margaríta, ábiit, et vénidit ómnia quæ hábuit, et emit eam. Iterum simile est regnum cælórum sagénæ missæ in mare et ex omni génere píscium congregánti. Quam, cum impléta esset, educéntes et secus littus sedéntes, elegérunt bonos in vasa, malos autem foras misérunt. Sic erit in consummatiōne sáculi : exibunt Angeli et separábunt malos de médio justórum, et mittent eos in camínus ignis : ibi erit fletus, et stridor déntium. Intellexistis hæc ómnia? Dicunt ei : Etiam. Ait illis : Ideo omnis scriba doctus in regno cælórum, símilis est hómini patrifamilias, qui profert de thesáuro suo nova et vétera.

Offertorium Ps. 118 Meditábor in mandátis tuis, quæ diléxi valde, et levábo manus meas ad mandáta tua, quæ diléxi.

Secreta

Da nobis, quæsumus Dómine, per hæc sancta sacrificia, regnum tuum justitiámque ejus semper inquirere; pro quibus sancta Paula falláces sáculi pompas et illécebras abjécit. Per Dóminum.

Pro S. Polycarpo

Secreta

MUnera tibi, Dómine, dicáta sanctifica : et, intercedénte beáto Polycárpo Mártyre tuo atque Pontífice, per éadem nos placátus inténde.

Pro S. Eustochio

Secreta

MUnera nostra circúndet, Dómine Deus, misericórdia tua : ut ex eis in nos refúlgeat castimóniæ virtus, cuius pulchritúdine decoráta, beáta Eustóchium Virgo præfúlsit. Per Dóminum.

Communio Ps. 60 Inhabitábo in tabernáculo tuo in sǽcula; prótegar in velaménto alárum tuárum; quóniam tu, Deus meus, exaudísti orationem meam.

Postcommunio

INfunde nobis, Dómine, hujus virtute sacraménti, sanctam amóris tui suavitátem; ut sanctæ Paulæ intercessióne, superátis ómnibus mundi impedíméntis, tibi soli adhærere mereámur. Per Dóminum.

Pro S. Polycarpo Postcommunio

REfécti participatióne múnéris satrui, quæsumus, Dómine Deus noster : ut, cuius exséquimur cultum, intercedénte beáto Polycárpo Mártyre tuo atque Pontífice, sentiámus efféctum.

Pro S. Eustochio Postcommunio

ANgélico pane reféctis, largíre nobis, Dómine, continéntiæ domum; qui in fámula tua Eustóchio virgíneum decus et grátiam produxisti. Per Dóminum.

Die 30 Januarii

S. MATTHIÆ

Episc. Hierosolym., Conf. Duplex

Missa Státuit, de Communi Confessoris Pontificis, præter sequentia :

Oratio

OMnipotens sempitérne Deus, qui nobis in beáto Matthiá, Confessore tuo atque Pontífice, præsídium tribuísti; ejus méritis et præcibus concéde, ut quem protectórem venerámur in terris, intercessórem perpétuo sentiámus in cælis. Per Dóminum.

Et fit Commemoratio S. Martinæ Virg. et Mart.

Oratio

Deus, qui inter cétera poténtiae tuæ mirácula, étiam in sexu frágili victóriam martyrii contulísti : concéde propítius; ut, qui beátæ Martínæ Vírginis et Mártyris tuæ natalítia cólimus, per ejus ad te exémpla gradiámur. Per Dóminum.

Secreta

Deus, qui fontem ómnium bonorum nobis in hoc sacrificio aperíre dignátus es; da nobis, intercessióne beáti Matthiæ Pontificis, ita mentem nostram pietatis, humilitatis et poenitentiæ opéribus præparare, ut uberiórem inde grátiam hauríre mereámur. Per Dóminum.

Pro S. Martina

Secreta

SUscipe, Dómine, múnera, quæ in beátæ Martínæ Vírginis et Mártyris tuæ solemnítate deférimus : cuius nos confidimus patrocínio liberári. Per Dóminum.

Postcommunio

Maneat in nobis, Dómine, divíni sacraménti operátio, ut beáti Matthiæ Pontificis muniti præsídio, fidei veritáte tibi semper adhæreámus, et morum sanctitaté placeámus. Per Dóminum.

Pro S. Martina Postcommunio

AUXILIÉNTUR nobis, Dómine, sumpta mystéria : et, intercedénte beáta Martínæ Vírgine et Mártyre tua, sempitérna fáciant protectiōne gaudére. Per Dóminum.

FESTA FEBRUARII

Die 3 Februarii
(Ex heri)

S. CORNELII CENTURIONIS
Episc. Cæsarien., Conf.
Duplex

Introitus Eccli. 17, 18

 Leemósyna viri quasi si-
gnáculum cum ipso, et
grátiam hóminis quasi
pupillam conservábit : et
póstea resúrget, et retríbuet illis
retributiónem. ¶ Ps. 33 Benedícam
Dóminum in omni tempore; semper
laus ejus in ore meo. ¶ Glória Patri.

Oratio

O Mnípotens sempitérne Deus,
fidélium splendor animárum,
qui hanc festivitátem sancti Cornélii
Epíscopi et Confessóris, primítiis
géntium consecrásti; imple ejus in-
tercessióne mundum glória tua, et
súbditis tibi pópolis appáre per lú-
minis tui claritátem. Per Dóminum.

Et fit Commemoratio S. Blasii
Episcopi et Martyris.

Oratio

D Eus, qui nos beáti Blásii Már-
tyris tui atque Pontíficis ánnua
solemnítate lætíficas : concéde pro-
pítius; ut, cujus natalitia cólimus,
de ejúsdem étiam protectione gau-
deámus. Per Dóminum.

Léctio Actuum Apostolórum.

Act. 10, 25-48

T N diébus illis : Factum est, cum
introísset Petrus Cæsaréam,
óbvius venit ei Cornélius, et pró-
cidens ad pedes ejus adorávit. Petrus
vero elevávit eum dicens : Surge,
et ego ipse homo sum. Et loquens
cum illo intrávit, et invénit multos,
qui convénérant. Apériens autem
Petrus os suum, dixit : In veritáte,

cómperi, quia non est personárum
accéptor Deus, sed in omni gente,
qui timet eum, et operátur justítiam,
accéptus est illi. Verbum misit Deus
filiis Israël; annúntians pacem per
Jesum Christum : hic est ómnium
Dóminus. Huic omnes prophétæ
testimónium pérhibent, remissióne
peccatórum accípere per nomen ejus
omnes, qui credunt in eum. Adhuc
loquénte Petro verba hæc, cécidit
Spíritus Sanctus super omnes, qui
audiébant verbum. Et obstupuérunt
ex circumcisióne fidéles, qui véne-
rant cum Petro; quia et in natiónes
grátia Spíritus Sancti effúsa est.
Audiébant illos loquéntes linguis,
et magnificántes Deum. Tunc Pe-
trus : Numquid aquam quis prohi-
bère potest, ut baptizéntur hi, qui
Spíritum Sanctum accepérunt, sicut
et nos? Et jussit eos baptizári in
nómine Dómini Jesu Christi.

Graduale Rom. 10 Non enim est
distíncio judæi et græci; nam idem
Dóminus ómnium, dives in omnes
qui ínvocant illum.

Allelúa, allelúa. ¶ Omnis enim
quicúmque invocáverit nomen Dó-
mini, salvus erit. Allelúa.

Post Septuagesimam, omissis Alle-
lúa et Versu seq., dicitur

Tractus 1 Tim. 2, 4-6 Deus omnes
hómines vult salvos fieri, et ad agniti-
ónem veritatis veníre. ¶ Unus
enim Deus, unus et mediátor Dei
et hóminum homo Christus Jesus.
¶ Qui dedit redemptiónem semet-
ípsum pro ómnibus.

† Sequéntia sancti Evangélii secún-
dum Joánnem. Joan. 10, 15-18

T N illo tempore : Dixit Jesus discí-
pulis suis : Sicut novit me Pater,
et ego agnósco Patrem; et ániam
meam pono pro óvibus meis. Et álias
oves hábeo, quæ non sunt ex hoc

ovili, et illas opörtet me addúcere; et vocem meam áudent, et fiet unum ovile et unus pastor. Propterea me díligit Pater, quia ego pono ánimam meam, ut íterum sumam eam. Nemo tollit eam a me; sed ego pono eam a meíspo, et potestátem hábeo ponéndi eam; et potestátem hábeo íterum suméndi eam: hoc mandátum accépi a Patre meo.

Offertorium Job 16, 20 Oratio mea munda est, et ídeo peto, ut detur locus voci meæ in cælo; quia ibi est judex meus, et cóncius meus in excélsis; ascéndat ad Dóminum deprecatio mea.

Secreta

Protéctor noster áspice Deus, et respice in fáciem Christi tui, qui dedit redemptiónem semetípsum pro ómnibus; et fac ut, suffragántibus méritis sancti Cornélii Confessóris tui atque Pontíficis, ab ortu solis usque ad occásum magnificétur nomen tuum in géntibus, ac in omni loco sacrificétur et offerátur nómini tuo oblátio munda. Per eúmdem Dóminum.

Pro S. Blasio

Secreta

Munera tibi, Dómine, dicáta sanctifica: et, intercedénte beáto Blásio Mártyre tuo atque Pontifice, per éadem nos placátus inténde. Per Dóminum.

Communio Ps. 30, 17-18 Illúmina fáciem tuam super servum tuum, et salvum me fac in tua misericórdia; Dómine, non confúndar quóniam invocávi te.

Postcommunio

Purifica, quásumus Dómine, tuorum corda fidélium, ut sacris inténta doctrínis, et intélligant quod sequántur, et sequéndo fidéliter apprehéndant. Per Dóminum.

Pro S. Blasio Postcommunio

HÆC nos commúnio, Dómine, purget a crímine: et, intercedénte beáto Blásio Mártyre tuo atque Pontífice, cælestis remédii fáciat esse consórtes. Per Dóminum.

Die 11 Februarii

DEDICATIO ECCLESIAE CONCATHEDRALIS PATRIARCHALIS

**Dup. I cl. cum Octava communi
extra Quadragesimam.**

Missa ut in Missali.

**Et fit Commemoratio Apparitionis
B. M. V. in Missis lectis tantum, ut
in Missali.**

Die 13 Februarii

INVENTIONIS PUERI JESU IN TEMPLO Duplex majus Introitus

In excélsō throno vidi sedére virum, quem adórat multitúdo Angelórum, psalléntes in unum; ecce cuius impérii nomen est in aëternum. **Ps. 99** Jubiláte Deo omnis terra, servíte Dómino in lætitia. **V. Glória Patri.**

Oratio

Deus, qui húmilem Fílli tui pueritiam cælesti clarére sapiéntia voluísti; præsta, ut spíritu prudétiæ repléti, sincéra tibi humilitáte placeámus. Per eúmdem Dóminum.

(Extra Quadragesimam)

Commemoratio Oct. Dedicationis

Oratio

Deus, qui nobis per síngulos annos hujus sancti templi tui consecratiónis réparas diem, et sa-

cris semper mystériis repræsentas incólumes : exáudi preces pópuli tui, et præsta; ut, quisquis hoc templum beneficia petitúrus ingréditur, cuncta se impetrásse lætetur. Per Dóminum.

Léctio Actuum Apostolórum.

Act. 3, 22-26

Moyses dixit : Quóniam prophétam suscitábit vobis Dóminus Deus vester de frátribus vestris tamquam me; ipsum audiétis, juxta ómnia quæcúmque locútus füerit vobis; erit autem : Omnis ánima quæ non audíerit prophétam illum, exterminábitur de plebe. Et omnes prophétae a Sámuel, et deínceps, qui locúti sunt, annuntiavérunt dies istos. Vos estis filii Prophetárum, et testaménti quod dispósuit Deus ad patres nostros, dicens ad Abraham : Et in sémine tuo benedicéntur omnes familiæ terræ. Vobis primum Deus súscitans Fílium suum, misit eum benedicéntem vobis, ut convértat se unusquísque a nequitia sua.

Graduale Sap. 8 Habébo propter sapiéntiam claritátem ad turbas, et honórem apud seniores júvenis, et in conspéctu poténtium admirábilis ero. **V. Col. 2** In Christo sunt omnes thesáuri sapiéntiæ et sciéntiæ abscónditi.

Allelúja, allelúja. **V. Luc. 2** Stupébant omnes, qui Jesum audiébant, super prudéntia et respónsis ejus. Allelúja.

Post Septuagesimam, omissis Allelúja et sequenti Versu, dicitur

Tractus Ps. 79 Dómine Deus virtútum, convérte nos; et osténde fáciem tuam, et salvi érimus. **V. Cant. 2** Sonet vox tua in áuribus meis. Vox enim tua dulcis, et fácies tua decóra. **V.** Oleum effúsum nomen tuum, Jesu, ídeo adolescéntulæ dilexérunt te.

+ Sequéntia sancti Evangélii secún-dum Lucam. **Luc. 2, 42-52**

CUM factus esset Jesus annórum duódecim, ascendéntibus illis Jerosólymam secúndum consuetú-dinem diéi festi, consummatísque diébus, cum redírent, remánsit puer Jesus in Jerúsalem, et non cognovérunt paréntes ejus. Existimántes autem illum esse in comitátu, venérunt iter diéi, et requirébant eum inter cognátos et notos. Et non inveniéntes, regréssi sunt in Jerúsalem, requiréntes eum. Et factum est, post tríduum invenérunt illum in templo sedéntem in médio doctórum, audiéntem illos, et interrogán-tem eos. Stupébant autem omnes, qui eum audiébant, super prudéntia et respónsis ejus. Et vidéntes admiráti sunt, et dixit mater ejus ad illum : Fili, quid fecísti nobis sic? Ecce pater tuus et ego doléntes quærebámus te. Et ait ad illos : Quid est quod me quærebátis? Nesciebátis quia in his, quæ Patris mei sunt, opórtet me esse? Et ipsi non intellexérunt verbum, quod locútus est ad eos. Et descéndit cum eis, et venit Názareth; et erat súbditus illis. Et mater ejus conservábat ómnia verba hæc in corde suo. Et Jesus proficiébat sapiéntia, et ætáte, et grátia apud Deum et hómines. **Credo.**

Offertorium Joel 2 Filii Sion, exsultáte, et lætámini in Dómino Deo vestro, quia dedit vobis Doctórem justitiæ.

Secreta

DEvotiónis nostræ múnera tibi offérimus, Dómine, majestátem tuam humíliter deprecántes; ut, qui Filii tui temporálem puerítiam sapiéntiæ et sciéntiæ donis fecísti claréscere, corda nostra ad percipiénda ex ore ejus salútis documénta dispónas. Per eúmdem Dóminum.

(Extra Quadragesimam)
Commemoratio Oct. Dedicationis
Secreta

Annue, quæsumus, Dómine, pré-cibus nostris : (ut quicunque intra templi hujus, cuius anniversarium dedicationis diem celebrámus, ábitum continémur, plena tibi, atque perfecta cörperis et animæ devotio placeámus); ut, dum hæc vota præsentia reddimus, ad æterna præmia, te adjuvante, pervenire mereámur. Per Dóminum.

Præfatio de Nativitate Domini.

Communio Joan. 6 Verba vitae æternæ habes, et nos credidimus, et cognovimus, quia tu es Christus Filius Dei.

Postcommunio

Deus, cuius Unigenitus se véluti proficiētem sapiētia et grātia mortaliūm sensibus exhibere dignatus est; quæsumus, ut, quotidiāna nobis spirituāliū profectuum incremēta per hæc, quæ sūmpsimus, mystēria propitiū largiāris. Per eūdem Dóminum.

(Extra Quadragesimam)

Commemoratio Oct. Dedicationis

Postcommunio

Deus, qui de vivis et élctis lapidibus æternū majestati tuæ præparas habitaculum : auxiliare populo tuo supplicanti; ut, quod Ecclesiæ tuæ corporalib⁹ pròfit spatiis, spirituālib⁹ amplificetur augmentis. Per Dóminum.

Die 14 Februarii

(Extra Quadragesimam)

Die IV infra Octavam

DEDICATIONIS ECCLESIÆ
CONCATHEDRALIS
Semiduplex

Missa ut in Missali.

Et fit Commemoratio S. Valentini Presb. et Mart., ut in Missali.

Die 15 Februarii

(Extra Quadragesimam)

Die V infra Octavam

DEDICATIONIS ECCLESIÆ
CONCATHEDRALIS
Semiduplex

Missa ut in Missali.

Et fit Commemoratio Ss. Faustini et Jovitiae Mm., ut in Missali.

Die 16 Februarii

(Extra Quadragesimam)

Die VI infra Octavam

DEDICATIONIS ECCLESIÆ
CONCATHEDRALIS
Semiduplex

Missa ut in Missali.

Die 17 Februarii

(Extra Quadragesimam)

Die VII infra Octavam

DEDICATIONIS ECCLESIÆ
CONCATHEDRALIS
Semiduplex

Missa ut in Missali.

Die 18 Februarii

S. SIMEONIS

Hierosolym. II Episc., Mart.

Duplex II classis

Introitus

Hebr. 12, 1

PER patientiam curramus ad propositorum nobis certamen; aspicientes in auctoritem fidei, et consummatorem Iesum, qui proposito sibi gaudio sustinuit Crucem. Ps. 32, 1 Exsultate, justi, in Dómino; rectos decet collaudatio. **V.** Glória Patri.

Oratio

Deus, qui per stultitiam Crucis beatum Simeónem Mártyrem atque Pontíficem eminéntem Jesu Christi scíentiam docuísti; concéde nobis propítius, ejus exémplo et intercessióne; ut Crucem júgiter ferámus et dignos fructus pœnitentia faciámus. Per eúmdem Dóminum.

(Extra Quadragesimam)

Commemoratio diei Octavæ Dedicationis

Oratio

Deus, qui nobis per síngulos annos hujus sancti templi tui consecratiónis réparas diem, et sacris semper mystériis repræséntas incólumes : exáudi preces pópuli tui, et præsta; ut, quisquis hoc templum beneficia petiturus ingréditur, cuncta se impetrásse lætetur. Per Dóminum.

Léctio Epístolæ beáti Pauli Apóstoli ad Corínthios. **1 Cor. 1, 18**

Fratres : Verbum Crucis per eúntibus quidem stultitia est; iis autem qui salvi fiunt, idest, nobis, Dei virtus est. Scriptum est enim : Perdam sapiéntiam sapiéntium, et prudéntiam prudéntium reprobábo. Nonne stultam facit Deus sapiéntiam hujus mundi? Nam, quia in Dei sapiéntia non cognóvit mundus per sapiéntiam Deum, plácuit Deo per stultitiam prædicatiónis salvos fáceré credéntes. Vidéte vocatióne vestram, fratres, quia non multi sapiéntes secúndum carnem, non multi poténtes, non multi nóbiles, sed, quæ stulta sunt mundi élégit Deus, ut confundat sapiéntes; et infírma mundi élégit Deus, ut confundat fórtia; et ignobília mundi, et contemptibília élégit Deus, et ea quæ non sunt, ut ea quæ sunt destrúeret; ut non gloriétur omnis

caro in conspéctu ejus. Ex ipso autem vos estis in Christo Jesu, qui factus est nobis sapiéntia a Deo, et justitia, et sanctificatió, et redemptio : et quemádmodum scriptum est : Qui gloriátur, in Dómino gloriétur. Non enim judicávi me scire áliquid inter vos, nisi Jesum Chri-stum, et hunc Crucifixum.

Graduale 1 Petr. 4, 13 Communi-cantes Christi passiónibus gau-déte, ut in revelatióne gloriæ ejus gaudeátiis exsultántes. **¶** Si expro-brámini in nómine Christi, beáti éritis; quóniam quod est honóris, gloriæ et virtútis Dei, et qui est ejus Spíritus super vos requiéscet.

Allelúa, allelúa. **¶ Is. 66, 10** Lætámini cum Jerúsalem, et exsulta-té in ea omnes qui dilígitis Dó-minum. Allelúa.

Post Septuages., omissis Allelúa et Versu sequenti, dicitur

Tractus 1 Petr. 3, 13 Quis est qui vobis nóceat, si boni æmulatóres fuéritis? **¶** Sed et si quid patímini propter justitiā, beáti; timórem autem eórum ne timuéritis, et non conturbémini. **¶** Dóminum autem Christum sanctificáte in córdibus vestris.

† Sequéntia sancti Evangélii secún-dum Matthæum. Matth. 16, 24-27

TN illo témpore : Dixit Jesus discí-pulis suis : Si quis vult post me venire, abneget semetípsum, et tollat crucem suam, et sequátur me. Qui enim volúerit ánimam suam sal-vam fáceré, perdet eam : qui autem perdíderit ánimam suam propter me, invéniet eam. Quid enim prodest hómini, si mundum univérsum lu-crétur, ánimæ vero suæ detriméntum patiátur? Aut quam dabit homo commutatióne pro ánima sua? Fílius enim hóminis ventúrus est in

glória Patris sui cum Angelis suis : et tunc reddet unicuique secundum ópera ejus.

Offertorium Ps. 115, 3 Quid retríbuam Dómino, pro ómnibus quæ retríbuit mihi? Cálicem salutáris accípiam, et nomen Dómini invocábo.

Secreta

Suscipe, quæsumus Dómine, qui beátum Simeónem in oblatióne suæ vitæ imitatórem fidélem Unigeniti tui Fílii misericórditer effecísti, benignus sacrificium nostrum, ut virtútem passiónis ejus imitémur. Per eúmdem Dóminum.

(Extra Quadragesimam)

Commemoratio diei Octavæ Dedi-cationis

Secreta

Annue, quæsumus, Dómine, pré-cibus nostris : (ut quicúmque intra templi hujus, cuius anniver-sárium dedicatiónis diem celebrá-mus, ábitum continémur, plena tibi, atque perfécta córporis et án-i-mæ devotióne placeámus); ut, dum hæc vota præsentia réddimus, ad ætérna præmia, te adjuvánte, per-venire mereámur. Per Dóminum.

Communio Apoc. 3, 12 Qui vícerit, fáciam illum colúmnam in templo Dei mei, et scribam super eum nomen Dei mei, et nomen civitatis Dei mei novæ Jerúsalem, quæ descén-dit de cælo a Deo meo, et nomen novum.

Postcommunio

Domine Iesu Christe, qui ignem din terram misisti, ut corda nostra caritáte divína accendántur; concéde, quæsumus, ut cor nostrum ardens fiat ex consórto divíni convívii. Qui vivis.

(Extra Quadragesimam)

Commemoratio diei Octavæ Dedi-cationis

Postcommunio

Deus, qui de vivis et éléctis lapi-dibus æténum majestáti tuæ præparas habitáculum : auxiliare pópulo tuo supplicánti; ut, quod Ecclésiae tuæ corporálibus próficit spatiis, spirituálibus amplificétur augmémentis. Per Dóminum.

— Die 19 Februarii —

S. ZAMBDÆ

Episc. Hierosol., Conf. Duplex

Missa Státuit, de Communi Con-fessoris Pontificis, præter seq. :

Oratio

Concéde, quæsumus omnípotens Deus, ut qui protectiónis tuæ grátiam quærimus, intercedénte beato Zambda Confessóre tuo atque Pontífice, liberáti ex malis ómnibus, secúra tibi mente serviámus. Per Dóminum.

Et, in Quadragesima, fit Comme-moratio Feriæ.

Secreta

Hæc múnera, quæsumus Dómine, quæ in sancti Zambdæ Pontíficis festivitaté tuo conspéctui offérimus, vultu sereno súscipe, et ad promeréndum vitæ ætérnæ bravíum ejus præcibus nobis prodéssce concéde. Per Dóminum.

Postcommunio

Cælesti múnere nutriti, quæsumus, omnípotens Deus, ut sancti Zambdæ Pontíficis et Confessóris, cuius natalítia celebrámus, suffúlti suffrágiis, participémus et præmiis. Per Dóminum.

Die 26 Februarii

S. PORPHYRII

Episc. Gazen., Conf. Duplex

Missa Státuit, de Communi Confessoris Pontificis, præter seq. :

Oratio

Deus, qui Ecclésiam tuam sanctórum illúminas méritis et doctrínis; fac nos, intercedénte beáto Porphyrio Confessóre tuo atque Pontífice, fidei lúmine instrúctos, et devótam tibi gérere voluntátem, et majestáti tuæ sincéro corde servíre. Per Dóminum.

Et, in Quadragesima, fit Commemoratio Feriæ.

Secreta

SIT tibi, quásimus, Dómine Deus, nostræ devotiónis oblátio acceptábilis; ut, beáto Porphyrio Pontífice et Confessóre tuo intercedénte, et tuæ pláceat majestáti, et nostræ proficiat salúti. Per Dóminum.

Postcommunio

Mystériis divínis refécti, Dómine, quásimus; ut semper beáti Porphyrii Pontificis et Confessoris tui intercessióne protegámur, pro cuius ánnua veneratióne hæc tuæ obtúlimus majestáti. Per Dóminum.

Feria III
post Dom. Septuagesimæ

ORATIONIS D. N. J. C.

Duplex majus

Missal. Cor meum, ut in Appendice
Missalis.

Feria III post Dom. Sexagesimæ

SACRÆ COLUMNÆ

FLAGELLATIONIS D. N. J. C.

Introitus

Isai. 63



Orcular calcávi solus, et de géntibus non est vir mecum : aspérsum est sanguis eórum super vestímenta mea, et ómnia induménta mea inquinávi. Circumspéxi, et non erat auxiliátor : quæsívi, et non fuit qui adjuváret. **Ps. 68** Salvum me fac, Deus : quóniam intravérunt aquæ usque ad ániam meam. **V.** Glória Patri.

Oratio

Deus, qui pro salúte nostra in assúmpta carnis infirmitáte ad colúmnam alligári, et flagéllis cædi voluísti : concéde propítius; ut qui ejúsdem colúmnæ solémnia celebrámus, pretiósí sanguinis tui fructum cónsequi mereámur : Qui vivis et regnas.

Léctio Isaíæ Prophétæ. **Isai. 53**

Omnes nos quasi oves errávimus, unusquísque in viam suam declinávit : et pósuit Dóminus in eo iniquitátes ómnium nostrum. Oblátus est quia ipse vóluit, et non apéravit os suum : sicut ovis ad occisiónen ducétur, et quasi agnus coram tondénte se obmutéscet, et non apérriet os suum. De angústia, et de judício sublátus est : generatiómem ejus quis enarrábit? Quia abscíssus est de terra vivéntium : propter scelus pópuli mei percússi eum. Et dabit ímpios pro sepultúra, et dívitem pro morte sua : eo quod iniquitátem non fécerit, neque dolus fúerit in ore ejus. Et Dóminus vóluit contérrere eum in infirmitáte : si posuerit pro peccáto ániam suam, vidébit semen longáevum super terram, et

volúntas Dómini in manu ejus dirigéatur. Pro eo quod laborávit ánima ejus, vidébit et saturábitur : in sciéntia sua justificábit ipse justus servus meus multos, et iniquitátes eórum ipse portábit. Ideo dispértiam ei plúrimos, et fórtium dívidet spólia, pro eo quod trádidit in mortem ánimam suam, et cum scelerátis reputátus est. Et ipse peccáta multórum tulit, et pro transgressóribus rogávit.

Graduale Ezech. 16 Dabo te in sanguinem furóris et zeli, et denudábunt te vestiméntis tuis, et áufèrent vasa décoris tui, et congregábo inimícos super te úndique.
V. Ibid. Et requiéscet indignátio mea in te, et quiéscam, nec iráscar amplius.

Tractus Ps. 87 Super me confirmátus est furor tuus, et omnes fluctus tuos induxísti super me.
V. Ibid. In me transiérunt iræ tuæ, et terróres tui conturbavérunt me.
V. Ibid. Elongásti a me amícum et próximum, et notos meos a miséria.

In Missis votivis, infra annum.

Graduale Ezech. 16 Dabo te in sanguinem furóris et zeli, et denudábunt te vestiméntis tuis, et áufèrent vasa décoris tui, et congregábo inimícos super te úndique. **V. Ibid.** Et requiéscet indignátio mea in te, et quiéscam, nec iráscar amplius.

Allelúja, allelúja. **V. Ps.** 21 Ego autem sum vermis, et non homo, opprórium hóminum, et abjéctio plebis. Allelúja.

Tempore Paschali, omittitur Graduale et ejus loco, dicitur :

Allelúja, allelúja. **V. Ps.** 21 Ego autem sum vermis, et non homo, opprórium hóminum, et abjéctio plebis. Allelúja. **V. Ps.** 68 Intráverunt aquæ usque ad ánimam

meam, veni in altitúdinem maris, et tempéstas demérsit me. Allelúja.

† Sequéntia sancti Evangélii secundum Joánnem. **Joan.** 18

TN illo témpore : Pilátus exívit ad Judéos, et dixit eis : Est consuetúdo vobis, ut unum dimíttam vobis in Pascha : vultis ergo dimíttam vobis Regem Judæórum? Clamavérunt ergo rursum omnes dicéntes : Non hunc sed Barábbam. Erat autem Barábbas latro. Tunc ergo apprehéndit Pilátus Jesum, et flagellávit.

Credo.

Offertorium Job. 16 Conclúsit me Deus apud iníquum, et mánibus impiórum me trádidit. Confrégit me, convulnéravit lumbos meos, et non pepércit, et effúdit in terra víscera mea.

Secreta

UT semper tibi casto córpore ser-viámus, et mundo corde placeá-mus; tríbue nobis, omnípotens Deus, hæc sacrosáncta commércia illo hu-militátis spíritu pertractáre, quo pro peccátis nostris ad colúmnam flagel-lári vóluit Unigénitus Fílius tuus Jesus Christus Dóminus noster : Qui tecum vivit.

Præfatio de Cruce.

Communio Ps. 88 et al. Factus est opprórium vicínis suis : exaltásti déxteram depriméntium eum, lætificásti omnes inimícos ejus : avertísti adjutórium gládii ejus, et non es auxiliátus ei in bello.

Postcommunio

REspice, Dómine, de domo sancta tua, et da nobis inveníre grátiam ante fáciem judíci tui : ut, qui pre-tiósso córpore et sanguine Unigéniti tui sagináti sumus; ejus passiónis mérito in ætérrna justórum tabernácula récipi mereámur : Qui tecum vivit.

Feria III post Dom. Quinquagesimæ

COMMEMORATIO
PASSIONIS D. N. J. C.

Duplex majus

Missa Humiliavit, ut in Appendice Missalis.

— Feria VI post Cineres —

SACRÆ SPINEÆ CORONÆ
D. N. J. C.

Duplex majus

Missa Egredímini, ut in Appendice Missalis.

— Feria VI —
post Dom. I Quadrag.

SACRATISSIM. LANCEÆ
ET CLAVORUM D. N. J. C.

Duplex majus

Missa Fodérunt, ut in Appendice Missalis.

— Feria VI —
post Dom. II Quadrag.

SACRATISSIMÆ
SINDONIS D. N. J. C.

Duplex majus

Missa Humiliavit, ut in Appendice Missalis.

— Feria VI —
post Dom. III Quadrag.

SACRORUM
QUINQUE VULNERUM
D. N. J. C.

Duplex majus

Missa Humiliavit, ut in Appendice Missalis.

Feria VI post Dom. IV Quadrag.

MYSTERIORUM VIÆ CRUCIS

Duplex majus

Introitus

Hebr. 12, 1

 Urrámus ad propósum nobis certámen : aspi-cientes in auctórem fídei et consummatórem Je-sum, qui propósto sibi gáudio sus-tinuit Crucem, confusióne contémpta. Ps. 117, 1 Confitémini Dómino, quóniam bonus: quóniam in sáculum misericórdia ejus. ¶ Glória Patri.

Oratio

D Eus, qui nos ínclita Passióne Filii tui per viam Crucis ad ætéram glóriam pervenire docuísti : concéde propítius; ut quem piis ad Calváriæ locum sociámus afféctibus, in suis étiam triúmphis pépetim subsequámur : Qui tecum vivit.

Et fit Commemoratio Feriæ, ut in Missali.

Léctio Isaíæ Prophétæ. Isai. 53, 6

O Mnes nos quasi oves errávimus, unusquísque in viam suam de-clinávit : et pósuit Dóminus in eo iniquitátem ómnium nostrum. Oblátus est quia ipse vóluit, et non apé-ruit os suum : sicut ovis ad occisió-nem ducétur, et quasi agnus coram tondénte se obmutéscet, et non apé-riet os suum. De angústia, et de judício sublátus est : generatiómem ejus quis enarrábit? quia abscíssus est de terra vivéntium : propter sce-lus pópuli mei percússi eum. Et da-bit ímpios pro sepultúra, et dívitem pro morte sua : eo quod iniquitátem non fécerit, neque dolus fúerit in ore ejus. Et Dóminus vóluit contérere eum in infirmitáte : si posúerit pro peccáto ánimam suam, vidébit se-men longævum, et volúntas Dómini

in manu ejus dirigétur. Pro eo quod laborávit áнима ejus, vidébit et saturábitur : in sciéntia sua justificábit ipse justus servus meus multos, et iniquitátes eórum ipse portábit. Ideo dispértiam ei plúrimos : et fórtium dívidet spólia, pro eo quod trádidit in mortem ánimam suam, et cum scelerátis reputátus est : et ipse peccáta multórum tulit, et pro transgressóribus rogávit.

Graduale Hebr. 13, 12 Jesus, ut sanctificáret per suum sanguinem pópulum, extra portam passus est. ¶ Exeámus igitur ad eum extra castra, impropérium ejus portántes.

Tractus 1 Petr. 2, 22 Christus peccátum non fecit, nec invéntus est dolus in ore ejus. ¶ Qui cum maledicerétur, non maledicébat; cum paterétur, non comminabátur : tradébat autem judicánti se injúste. ¶ Qui peccáta nostra ipse pértulit in cónpore suo super lignum : ut peccátis mórtui, justítiae vivámus.

Sequentia

in Missis votivis omittenda

Christi mortem, Christiáne,
Sero plangas atque mane,
Et in planctu gáudeas.

Diligéntem pone mentem
Super Christum patiéntem,
Ut sibi condóleas.

Quam despéctus, quam dejéctus
Rex cælórum est efféctus,
Ut salváret sǽculum!

Esurívit et sitívit,
Pauper et egénus ivit
Ad usque patíbulum.

Recordáre paupertátis,
Et extrémæ vilitátis,
Et gravis supplicii.

Si potíris inde donis,
Esto memor passiónis,
Fellis et absýnthii.

Cum dedúctus est Imménsus,
Et in Cruce tunc suspénsus,
Fugérunt discípuli.

Manus, pedes perfodérunt,
Et acéto potavérunt
Summum Regem sǽculi.

Cujus óculi beáti
Sunt in Cruce obtenebráti,
Et vultus expálluit.

Suo cónpori tunc nudo
Non remánsit pulchritúdo,
Decor omnis ábfuit.

Propter hóminum peccáta,
Sua caro cruciáta
Fuit inter vérbera.

Membra sua sunt disténta,
Propter áspéra torménta
Et illáta vúlnera.

Inter magnos cruciáta
Est in Cruce lacrimátus,
Et emísit spíritum.

Suspirémus et fleámus,
Toto corde doleámus
Super Unigénitum.

Hinc nostrórum peccatórum
Gloriósus Rex cælórum
Nobis donet véniam.

Atque secum perferéntes
Crucem, ducat gestiéntes
Ad ætérnam glóriam. Amen.

**In Missis votivis per Annum, omissio
Tractu, post Graduale dicitur :**

Allelúja, allelúja. ¶ 1 Petr. 4, 13
Communicántes Christi passióníbus
gaudéte, ut et in revelatióne glóriæ
ejus gaudeátis exsultántes. Allelúja.

**Tempore Paschali omittitur Gra-
duale, et ejus loco dicitur :**

Allelúja, allelúja. ¶ Luc. 24, 7
Opórtuit Filium hóminis tradi in
manus hóminum peccatórum, et cru-
cifigi, et die tértia resúrgere. Allelúja.
¶ Adorámus te, Christe, et benedí-
cimus tibi, quia per sanctam Crucem
tuam redemísti mundum. Allelúja.

† Sequéntia sancti Evangélii secundum Joánnem. **Joann. 19, 12-20**

IN illo tempore : Quærébat Pilátus dimíttere Jesum. Judæi autem clamabant dicentes : Si hunc dimittis, non es amicus Cæsar. Omnis enim, qui se regem facit, contradicit Cæsari. Pilátus autem cum audíisset hos sermones, addúxit foras Jesum : et sedit pro tribunali, in loco qui dicitur Lithostrotos, hebráice autem Gábbatha. Erat autem Parascéve Paschæ, hora quasi sexta, et dicit Judæis : Ecce Rex vester. Illi autem clamabant : Tolle, tolle, crucifige eum. Dicit eis Pilátus : Regem vestrum crucifigam? Respondérunt pontifices : Non habémus regem, nisi Cæsarem. Tunc ergo trádidit eis illum, ut crucifigeretur. Suscepérunt autem Jesum, et eduxérunt. Et bájulans sibi Crucem, exívit in eum, qui dicitur Calváriæ, locum, hebráice autem Gólgótha : ubi crucifixérunt eum, et cum eo álios duos, hinc et hinc, médium autem Jesum. Scripsit autem et titulum Pilátus : et pósuit super Crucem. Erat autem scriptum : Jesus Nazarénus, Rex Judæórum. Hunc ergo titulum multi Judæórum legérunt : quia prope civitátem erat locus, ubi crucifixus est Jesus.

Credo.

Offertorium **Philipp. 2, 8** Christus Dóminus humiliávit semetípsum, factus pro nobis obediens usque ad mortem, mortem autem Crucis.

Secreta

Misericórdiam tuam, Deus, errantibus a salútis trámite per oblationem sui clemens Agnus obtineat : qui mundus ad victimam ductus, in ara Crucis ómnium máculas immolátus abstérsit : Qui tecum vivit.

Præfatio de Cruce.

Communio **1 Petr. 2, 21** Christus passus est pro nobis, relinquentes exéplum, ut sequámur vestígia ejus.

Postcommunio

Memória Passiónis Filii tui, misericors Deus, in sacris acta Mystériis : sic ómnium mentem viva perlúminet, ac firma pectus inflámmet; ut ipsius fidéliter obsequéntes móritis, post eum crucem nostram volénti semper ánimo perferámus : Qui tecum vivit.

FESTA MARTII

Die 5 Martii

S. GERASIMI Abbatis
Semiduplex

Missa Os justi, de Communi Abbatum, præter sequentia :

Oratio

Domine Iesu Christe, qui, per beatum Gerasimum Abbátem caritatis tuæ dulcédine perfúsus, fidèles tuos ad te diligéndum attrahere voluísti; concéde propítius, ut odore virtútum ejus allécti amórem tui júgiter appetámus. Qui vivis.

Et, in Quadragesima, fit Commemoratio Feriæ.

Secreta

Béati Gerasimi solemnitáte hæc tibi múnera deferéntes, quæsumus Dómine : ut ipsius precibus et exémplo terréna despiciámus, et inquirámus ætérrna. Per Dóminum.

Postcommunio

Quásimus, omnípotens Deus; ut, quos salutáribus dignátus es erudire mystériis, béati Gerasimi Abbatis intercessióne gloriósa, cælestibus reficias aliméntis. Per Dóminum.

Die 6 Martii

Ss. Perpetuae et Felicitatis Mm.

Duplex

Missa ut in Missali.

Commemoratio

S. CYRILLI CONSTANTIN.

Ord. Carm., Conf.

Oratio

Deus, qui beáto Cyrillo, Sacrum in Monte Carméli faciénti, angelico aspéctu futúri sǽculi statum revelásti; tríbue nobis, ejus imitátióne, terréna despícere, et ad aetérna júgiter aspiráre. Per Dóminum.

Secreta

Propitiáre, Dómine, supplicatióibus nostris, et has pòpuli tui oblationes benignus assúme; ut, intercedénte beáto Cyrillo Confessóre tuo, quod fidéliter pétimus, efficáciter consequámur. Per Dóminum.

Postcommunio

SIT nobis, Dómine, reparátio mentis et córporis cæléste mystérium; et præsta; ut beáti Cyrilli Confessóris tui, cuius exséquimur cultum, sentiámus effectum. Per Dóminum.

— Die 10 Martii —

S. MACARII

Episc. Hierosolym., Conf. Duplex

Missa Státuit, de Communi Confessoris Pontificis, præter sequentia.

Oratio

Deus, qui Ariánam pravitátem beáti Macárii Confessóris tui atque Pontificis doctrína et méritis repulisti; da plebi tuæ, ut ejus intercessióne ab omni errórum ac vitiórum labe liberáti, nunquam a tuæ

virtútis luce discédant. Per Dóminum.

Et fit Commem. Ss. XL Martyrum.

Oratio

Præsta, quæsumus, omnípotens Deus: ut, qui gloriósos Mártires fortes in sua confessióne cognovimus, pios apud te in nostra intercessióne sentiámus. (Per Dóminum.)

Deinde Commemoratio Feriæ.

Secreta

Deus, qui per sancti Macárii indústriam templum magníficum super Passiónis ac Resurrectiōnis Dómini nostri Jesu Christi loca ædificári disposuísti, respice propítius múnera et vota plebis tuæ; ut in aetérnum majestati tuæ habitaculum consúrgant. Per eúmdem Dóminum.

Pro Ss. XL Martyribus Secreta

Preces, Dómine, tuorum respice, oblationésque fidélium: ut et tibi gratiae sint pro tuorum festivitaté Sanctórum, et nobis cónferant tuæ propitiatiōnis auxílium. (Per Dóminum.)

Postcommunio

Jesu Christi Dómini nostri córpore et sanguine sagináti, per quem Crucis est sanctificátum vexillum, quæsumus, Dómine Deus noster, ut sicut per pietatēm sancti Macárii adoráre merúimus, ita perennitatis gloriæ salutáris potiámur effectu. Per eúmdem Dóminum.

Pro Ss. XL Martyribus

Postcommunio

Sanctórum tuorum, Dómine, intercessióne placátus: præsta, quæsumus, ut, quæ temporáli celebrámus actione, perpétua salvatiōne capiámus. (Per Dóminum.)

Die 11 Martii
S. SOPHRONII
Patriarchæ Hierosolymitani,
Conf. Duplex majus

Introitus Joann. 17, 3

HÆC est vita ætérna : Ut cognóscant te, solum Deum verum, et quem misisti Jesum Christum.
Ps. 131 Meménto, Dómine, David et omnis mansuetúdinis ejus.
V. Glória Patri.

Oratio

Deus, qui beátum Sophrónium Episcopum et Confessórem invictum contra hæresim Monotheítarum constituísti; da nobis, quos ex diversitaté géntium in confesióne tui nóminalis adunásti, et velle et posse quæ præcipis; ut una sit fides méntium et pietas actiónum. Per Dóminum.

Et fit Commemoratio Feriæ.

Léctio Epístolæ beáti Pauli Apóstoli ad Ephésios. Eph. 4, 1-7

Fratres : Obsecro itaque vos, ego vinctus in Dómino, ut digne ambulétis vocatióne qua vocáti estis; cum omni humilitáte, et mansuetudine, cum patiéntia, supportántes ínvicem in caritaté, solliciti serváre unitátem spíritus in vínculo pacis. Unum corpus, et unus spíritus, sicut vocáti estis in una spe vocatiónis vestræ; unus Dóminus, una fides, unum baptísma, unus Deus et Pater ómnium, qui est super omnes et per ómnia et in ómnibus nobis. Unicuíque autem nostrum data est grátia secúndum mensúram donatiónis Christi.

Graduale Ps. 109, 4 Jurávit Dóminus et non pœnitébit eum; tu es

sacérdos in ætérmum, secúndum órdinem Melchísedech. **V.** Dixit Dóminus Dómino meo : Sede a dextris meis.

Tractus Hebr. 10, 5 Hóstiam et oblatiōnem noluísti, corpus autem aptásti mihi. **V.** Ps. 7 In cápite libri scriptum est de me : ut fáciám, Deus, voluntátem tuam.

+ Sequéntia sancti Evangélii secúndum Joánnem. Joann. 17, 3-8

TIN illo témpore, locútus est Jesus : Hæc est vita ætérna : ut cognóscant te, solum Deum verum, et quem misisti Jesum Christum. Ego te clarificávi super terram; opus consummávi, quod dedísti mihi ut fáciám; et nunc clarifica me, tu Pater, apud temetípsum, claritaté, quam hábui prius quam mundus esset, apud te. Manifestávi nomen tuum homínibus, quos dedísti mihi de mundo; tui erant, et mihi eos dedísti; et sermónen tuum servavérunt. Nunc cognovérunt quia ómnia quæ dedísti mihi, abs te sunt : quia verba quæ dedísti mihi, dedi eis; et ipsi accepérunt, et cognovérunt vere quia a te exívi, et credidérunt, quia tu me misisti.

Offertorium Ps. 88 Invéni David servum meum, óleo sancto meo unxi eum; manus enim mea auxiliábitur ei, et bráchium meum confortábit eum.

Secreta

MUnera hæc pro unióne pópuli tui, tibi, Dómine, oblata sanctifica; per quæ unitatis et pacis in Ecclésia tua nobis dona concédas. Per Dóminum.

Communio Luc. 12 Fidélis servus et prudens, quem constítuit Dóminus super familiam suam, ut det illis in témpore trítici mensúram.

Postcommunio

HÆC tua, Dómine, sumpta sacra commúnio, sicut in te uniónem præsignat; sic, intercedénte beáto Sophrónio, in tua Ecclésia unitátis fidei et caritatis, quæsumus, ope rétur efféctum. Per Dóminum.

Die 15 Martii

S. LONGINI Militis, Mart.

Duplex

Introitus Threni 3; 32, 33, 25

Iserébitur secúndum multitudinem miseratiónum suárum; non enim humiliavit ex corde suo, et abjecit filios hóminum; bonus est Dóminus sperántibus in eum, ánime quærénti illum. Ps. 84, 2 Misericórdias Dómini in æténum cantábo; in generatióne et generatióne. **V.** Glória Patri.

Oratio

Domine, Jesu Christe, qui dixisti : Si exaltátus fúero a terra, ómnia traham ad meípsum; præsta, quæsumus : ut, per intercessióne beáti Longini Mártyris, tuæ circa nos pietatis semper víscera sentiámus. Qui vivis.

Et fit Commemoratio Feriae.

Léctio libri Sapiéntiæ.

Eccli. 18, 1-9

QUI vivit in æténum creávit ómnia simul. Deus solus justificábitur, et manet invictus rex in æténum. Quis súfficit enarráre ópera illius, quis enim investigábit magnália ejus? Virtútem autem magnitudinis ejus quis enuntiábit? aut quis adjíciat enarráre misericórdiam ejus? Non est minúere, neque adjícere, nec est invenire magnália Dei. Cum consummáverit homo, tunc incípiet; et cum quiéverit, aporiá-

bitur. Quid est homo, et quæ est grátia illius? et quid est bonum aut quid nequam illius? Númerus diérum hóminum, ut multum centum anni, quasi gutta aquæ maris deputati sunt; et sicut cálculus arénæ, sic exígui anni in die ævi. Propter hoc pátiens est Deus in illis, et effundit super eos misericórdiam suam.

Graduale Ps. 30, 3 Esto mihi in Deum protectórem et in locum refúgii; ut salvum me fácias. **V. Ps. 70, 1** Deus, in te sperávi; Dómine, non confundar in æténum.

Tractus Ps. 129, 1-4 De profundiis clamávi ad te, Dómine; Dómine, exaudi vocem meam. **V.** Fiant aures tuæ intendéntes, in oratióne servi tui. **V.** Si iniquítates observáveris, Dómine; Dómine, quis sustinébit. **V.** Quia apud te propitiatio est; et propter legem tuam sustinui te, Dómine.

† Sequentia sancti Evangélii secundum Joánnem. Joann. 19, 31-37

In illo tempore : Judæi ergo, (quóniam Parascéve erat), ut non remanérent in cruce cörpera Sábbato (erat enim magnus dies ille Sábbati), rogavérunt Pilátum ut frangeréntur eórum crura, et tolle-réntur. Venérunt ergo mítiles, et pri-mi quidem fregérunt crura, et alté-rius qui crucifixus est cum eo. Ad Jesum autem cum veníssent, ut vidé-runt eum jam mórtuum, non fregé-runt ejus crura. Sed unus mítitum láncea latus ejus apéruit, et continuo exívit sanguis et aqua. Et qui vidi-t testimónium perhíbuit, et verum est testimónium ejus. Et ille scit quia vera dicit, ut et vos credáatis. Facta sunt enim hæc, ut Scriptúra imple-réatur : Os non comminuéatis ex eo. Et íterum ália Scriptúra dicit : Vidé-bunt in quem transfixérunt.

Offertorium Sap. 16, 7-8 Qui convérsus est, non per hoc, quod vidébat, serpéntem æneum, sanabátur, sed per te ómnium Salvatórem, quia tu es qui líberas ab omni malo.

Secreta

Domine Jesu Christe, misericors et miserátor, qui percússos ab ignítis serpéntibus per aspéctum signi pósiti sanásti, et sanctum Longínus Mílitem per apértum latus tuum attraxísti; áttrahe nos omnes peccatóres, ut fervéntius corda nostra præparéntur flammis tuæ divinæ caritatis. Qui vivis.

Communio Ps. 30, 17-18 Illúmina fáciem tuam super servum tuum, et salvum me fac in tua misericórdia; Dómine, non confúndar, quóniam invocávi te.

Postcommunio

Deus, innocéntiæ restitútor et amátor, dírige ad te corda servórum tuórum: ut, spíritus tui fervóre concépto, per exémplum sancti Longíni Mártiris, et in fide inveniántur stábiles, et in ópere efficáces. Per Dóminum.

Die 17 Martii

S. JOSEPHI

ab Arimathæa, Conf. Duplex

Introitus



Cce ego celábo sculptúram ejus, ait Dóminus exercituum; et áuferam iniquitátem terræ illíus in die una. **Ps. 15, 1** Consérva me, Dómine, quóniam sperávi in te; dixi Dómino: Deus meus es tu, quóniam bonórum meórum non eges. **V.** Glória Patri.

Zach. 3, 9

Oratio

Deus, qui beátum Joseph ab Arimathæa elígere dignátus es, ut Corpus Jesu dilécti Filii tui de Cruce

depóneret, et honorífice in monuménto suo novo cónderet; concéde, quæsumus: ut, ejúsdem Fílli tui sanguine mundáti, et consepultí, ac morti ejus configuráti, in eo, per eum et cum eo in æténum vivámus. Per eúmdem Dóminum.

Et fit Commemoratio S. Patricii Episcopi et Confessoris.

Oratio

Deus, qui ad prædicándam géntibus glóriam tuam beátum Patrícium Confessórem atque Pontificem mítttere dignátus es: ejus méritis et intercessióne concéde; ut, quæ nobis agénda præcipis, te misérante adimplére possímus. (Per Dóminum).

Deinde Commemoratio Feriæ.

Léctio libri Sapiéntiæ.

Cant. 3, 9-11

Ferculum fecit sibi rex Sálomon de lignis Líbani; colúmnas ejus fecit argénteas, reclinatórium áureum, ascénum purpúreum; média caritaté constrávit propter filias Jérusalem. Egredímini et vidéte, filiæ Sion, regem Salomónem in diadémate quo coronávit illum mater sua in die desponsatiónis illíus, et in die lætitiæ cordis ejus.

Graduale Gal. 6, 14 Mihi autem absit gloriári, nisi in Cruce Dómini nostri Jesu Christi, per quem mihi mundus crucifixus est, et ego mundo. **V. 1 Cor. 2, 2** Non judicávi me scire áliquid inter vos, nisi Jesum Christum, et hunc Crucifixum.

Tractus Ps. 75, 2-4 Notus in Judæa Deus, in Israel magnum nomen ejus. **V.** Et factus est in pace locus ejus, et habitatio ejus in Sion. **V.** Ibi confrégit poténtias árcuum, scutum, gládium et bellum.

+ Sequéntia sancti Evangélii secún-dum Lucam. **Luc. 23, 50-53**

TN illo tempore : Ecce vir nōmine Joseph, qui erat decúrio, vir bonus et justus, hic non consénserat consilio et áctibus eórum, ab Ari-mathæa civitáte Judææ, qui exspectábat et ipse regnum Dei. Hic accéssit ad Pilátum, et pétíit corpus Jesu; et depósitum invólvit síndone, et pósuit eum in monuménto exciso, in quo nondum quisquam pósitus fúerat.

Offertorium Lev. 16, 2-5 Ingréssus Aaron tabernáculum, ut holocáu-stum offérret super altáre pro peccá-tis filiórū Israel, túnica línea in-dútus est.

Secreta

Intercessióne sancti Joseph, qui novum suum monuméntum de petra excísum tibi, Dómine Redémptor, magnanímiter pro sepultúra óbtulit; concéde, quásumus, ut corda nostra requiéti patefácta tibi offerámus. Qui vivis.

Pro S. Patricio

Secreta

Sancti tui, quásumus, Dómine, nos ubique lætíficent : ut, dum eórum mérita recólimus, patrocínia sentiámus. (Per Dóminum.)

Communio Marc. 15, 46 Joseph autem, mercátus síndonem, et dé-pónens eum invólvit síndone.

Postcommunio

Deus, qui a sancto Joseph in monuménto suo novo depóni et tértia die gloriósus resúrgere voluísti; fac nos, divíno mystério cóporis et sanguinis tui suscépto, ad resurrectiōnis tuæ glóriam perdu-cámur. Qui vivis.

Pro S. Patricio Postcommunio

Præsta, quásumus, omnípotens Deus : ut, de percéptis munéri-bus grátias exhibéntes, intercedénte

beáto Patrício Confessóre tuo atque Pontífice, benefícia potiéra sumá-mus. (Per Dóminum.)

Die 18 Martii

S. CYRILLI Ep. Hierosolym., Conf. et Eccl. Doct.
Duplex II classis

Missa ut in Missali.

Die 20 Martii

S. ALEXANDRI
Episc. Hierosolym., Mart. Duplex
Missa Státuit, de Communi unius Martyris Pontificis, præter sequen-tia :

Oratio

MAjestáti tuæ nos, quásumus Dómine, beáti Alexándri Mártyris tui atque Pontificis, supplicátió veneránta concílet, ut qui inces-sánter pro nostra fragilitáte delin-quimus, assíduis ejus précibus ex-piémur. Per Dóminum.

Et fit Commemoratio Feriæ.

Secreta

HAnc oblatiōnem, omnípotens Deus, beáti Alexándri Epíscopi et Mártyris mérita tibi reddant ac-céptam, ut ipsius subsídiis adjúti, glóriæ ejus consórtes efficiámur. Per Dóminum.

Postcommunio

Sumpsimus, Dómine, ætérnæ vi-tæ sacraménta, te humíliter de-precántes, ut beáto Alexándro Pon-tifice et Mártyre tuo pro nobis deprecánte, véniam nobis concílient et grátiam. Per Dóminum.

Die 26 Martii

(Ex heri)

S. BONI LATRONIS
Confessoris Duplex

Introitus

Gal. 6, 14

NOS autem gloriári opórtet in Cruce Dómini nostri Jesu Christi, in quo est salus, vita et resurréctio nostra; per quem salváti, et liberáti sumus. **Ps. 66, 2** Deus misereátrus nostri, et benedicit nobis; illúminet vultum suum super nos, et misereátrus nostri. **℣.** Glória Patri.

Oratio

OMnipotens et misericors Deus, qui justificas ímpios; te súpplices exorámus, ut nos benígo intítitu, quo Unigénitus tuus Beátum traxit Latrónum, ad dignam poenitentiam próvoce, et illam, quam ei promísit, tríbuas nobis glóriam sempitérnam. Per eúmdem Dóminum.

Et, in Quadragesima, fit Commemoratio Feriæ.

Léctio Isaiae Prophétæ.

Is. 59, 1-4

Cece non est abbreviáta manus Dómini, ut salváre néqueat, neque aggraváta est auris ejus, ut non exáudiat. Sed iniquítates vestræ divisérunt inter vos et Deum vestrum, et peccáta vestra abscondérunt fáciem ejus a vobis, ne exaudíret. Manus enim vestræ pollútæ sunt sanguine, et dígiti vestri iniquitáte; lábia vestra locúta sunt mendácium, et lingua vestra iniquitátem fatur. Non est qui ínvocet justitiam, neque est qui júdicet vere; sed confidunt in níhilo, et loquúntur vanítates; concepérunt labórem et peperérunt iniquitátem.

Graduale Philipp. 2, 8-9 Christus factus est pro nobis obédiens usque ad mortem, mortem autem crucis. **℣.** Propter quod et Deus exaltávit illum, et dedit illi nomen quod est super omne nomen.

Tractus Adorámus te, Christe, et benedícimus tibi, quia per Crucem tuam redemísti mundum. **℣.** Tuam Crucem adorámus, Dómine, tuam gloriósam recólimus passiónem; miserére nostri, qui passus es pro nobis. **℣.** O Crux benedicta, quæ sola fuísti digna portáre Regem cælórum et Dóminum.

☩ Sequéntia sancti Evangélii secundum Lucam. **Luc. 23, 39-43**

IN illo témpore : Unus de his, qui pendébant, latrónibus blasphemábát eum, dicens : Si tu es Christus, salvum fac temetípsum, et nos. Respóndens autem alter increpábát eum dicens : Neque tu times Deum, quod in eádem damnatione es; et nos quidem juste, nam digna factis recipimus; hic vero nihil mali gessit. Et dicébat ad Iesum : Dómine, meménto mei, cum véneris in regnum tuum. Et dixit illi Jesus : Amen dico tibi : Hódie mecum eris in Paradiso.

Offertorium Ps. 117, 16 Déxtera Dómini fecit virtútem; déxtera Dómini exaltávit me; déxtera Dómini fecit virtútem; non móriar, sed vivam, et narrábo ópera Dómini.

Secreta

HÆC oblátio nos, Dómine, quásimus, ab ómnibus purget offénsis, quæ in ara Crucis étiam totius mundi tulit offénsam. Per Dóminum.

Præfatio de Cruce.

Communio Luc. 15 Dico vobis : Gádium est Angelis Dei super uno peccatóre poenitentiam agénte.

Postcommunio

Domine Jesu Christe, Fili Dei vivi, qui in patibulo Crucis pendens, Latróni confitenti paradísi gáudia promisisti; te humíliter deprecámur, ut post óbitum nostrum paradísi jánuas nos gaudénter introíre concédas. Qui vivis.

Die 27 Martii

S. JOANNIS DAMASCENI

Conf. et Eccl. Doct.

Duplex II classis

Missa ut in Missali.

Die 29 Martii

S. BERTHOLDI

Ord. Carm., Conf. Duplex

Missa Justus, de Communi Confessoris non Pontificis, præter seq. :

Oratio

Prótegat nos, Dómine, sancti Bertholdi Confessoris tui veneranda solémnitas, qui sicut Carmelitárum Ordinem omni sanctitáte rexit et auxit; ita perpétuam ejus protectionem sentiámus. Per Dóminum.

Et, in Quadragesima, fit Commemoratio Feriæ.

Secreta

Obláta múnera, clementíssime Deus, propítius respice, et sancti Bertholdi Confessoris tui interveniente suffrágio, in salútem nobis provenire concéde. Per Dóminum.

Postcommunio

SAcris, Dómine, refécti munéribus, quæsumus; ut sancti Bertholdi Confessoris tui virtutes imitémur, cujus póscoimus méritis adjúvári. Per Dóminum.

FESTA APRILIS

Die 9 Aprilis

Ss. MARIÆ CLEOPHÆ
et Aliarum Christi Discipularum

Duplex majus

Introitus

Cant. 5, 1

Veni in hortum meum, soror mea sponsa; méssui myrrham meam cum aromátibus meis; comédi favum cum melle meo, bibi vinum cum lacte meo; comédite, amíci, et bíbete, et inebríámini, caríssimi. (T. P. Allelúa, allelúa.) Ps. 47, 2 Magnus Dóminus et laudábilis nimis, in civitáte Dei nostri et in monte sancto ejus. ♀. Glória Patri.

Oratio

Effunde super nos, Dómine, spíritum agnitionis et dilectionis, quo Beátas Mulieres implevísti; ut sédula eárum imitátiōne, tibi sincére obsequéntes, fide tibi et ópere placeámus. Per Dóminum.

Et, in Quadrag., Com. Feriæ.

Léctio Epistolæ beáti Petri Apóstoli.

I Petr. 4, 13

Fratres: Communicantes Christi passióníbus gaudéte, ut et in revelatiōne gloriæ ejus gaudeátis exultántes. Si exprobrámini in nómine Christi, beáti éritis; quóniam quod est honóris, gloriæ et virtútis Dei, et qui est ejus Spíritus, super vos requiéscit. Si quis patiátur ut christiánus, non erubéscat: Glorificet autem Deum in isto nómine. Qui patiúntur secúndum voluntátem Dei, fidéli Creatóri comméndent áimas suas in benefáctis.

Graduale. Ps. 59, 13-14 Da nobis, Deus, auxílium de tribulatiōne, quia vana salus hóminis. ♀. In Deo faciemus virtútem: et ipse ad níhil dedúcet tribulántes nos.

Tractus Ps. 47, 10-12 Suscépimus, Deus, misericórdiam tuam in médio templi tui. **¶** Secúndum nomen tuum, Deus, sic et laus tua in fines terræ : justitia plena est déxtera tua. **¶** Lætetur mons Sion et ex-sultent filiae Judæ, propter judicia tua, Dómine.

Tempore Paschali :

Allelúja, allelúja. **¶** **Cant. 6, 1** Diléctus meus descéndit in hortum suum ad aréolas arómatum, ut pascátur in hortis, et lília colligat.

Allelúja. **¶** Ego dilécto meo, et diléctus meus mihi, qui páscitur inter lília, allelúja.

† Sequéntia sancti Evangélii secún-dum Matthæum. **Matth. 26, 1-10**

Vespere autem Sábbati, quæ lucéscit in prima Sábbati, venit María Magdaléne, et álera María, vidére sepúlcrum. Et ecce terræ-mótus factus est magnus. Angelus enim Dómini descéndit de cælo, et accédens revólvit lápidem, et se-débat super eum. Erat autem aspéctus ejus sicut fulgur, et vestimén-tum ejus sicut nix. Præ timóre autem ejus extérriti sunt custódes, et facti sunt velut mórtui. Respóndens autem Angelus, dixit muliéribus : Nolite timére vos, scio enim quod Jesum, qui crucifixus est, quærítis : non est hic; surréxit enim, sicut dixit. Veníte, et vidéte locum ubi pósitus erat Dóminus. Et cito eúntes, dícite discípulis ejus quia surréxit; et ecce præcédit vos in Galilæam. Ibi eum vidébitis; ecce præ-díxi vobis. Et exiérunt cito de monuménto cum timóre et gáudio magno, curréntes nuntiáre discí-pulis ejus. Et ecce Jesus occúrrit illis dicens : Avéte. Illæ autem accessérunt et tenuérunt pedes ejus. Et adoravérunt eum. Tunc ait illis

Jesus : Nolite timére; ite, nuntiáte frátribus meis ut eant in Galilæam, ibi me vidébunt.

Offertorium Matth. 28, 2 Angelus Dómini descéndit de cælo, et dixit muliéribus : Quem quærítis, surréxit sicut dixit. (T. P. Allelúja.)

Secreta

Domine Jesu Christe, qui de cruce depósitus a piis Mulieribus ungi voluísti; concéde nobis, quæsumus, fámulis tuis, unctióne Sancti Spíritus aetérnæ vitæ et cælestis gloriae esse consórtes. Per eúmdem Dóminum... ejúsdem Spíritus...

Communio Ps. 104, 3 Quæríte Dó-minum et confirmámini, quia lætá-bitur cor quæréntium Dóminum. (T. P. Allelúja.)

Postcommunio

Cælestis doni benedictióne per-cépta, súpplices te, Deus Salvátor, deprecámur : ut, qui Sanctis Mulieribus in glória Resurrectiónis tuæ apparuísti, nos quoque per hæc sancta mystéria gáudiis resurrectio-nis in cælis perfruámur. Qui vivis.

— Die 23 Aprilis —

S. GEORGII Martyris

Duplex II classis

Missa ut in Missali.

FESTA MAII

— Die 1 Maii —

**S. JACOBI Apostoli,
primi Episc. Hierosolymit.,
Patron. Dioceseos Patriarch.**

ac S. PHILIPPI Apostoli

**Duplex I classis cum Oct. communi
Missa ut in Missali.**

Intra Octavam fit Commemoratio Octavæ, ac dicitur Credo et Præ-fatio Apostolorum juxta rubricas.

Die 3 Maii
INVENTIO S. CRUCIS
 D. N. J. C.
Duplex I classis

Missa ut in Missali, omissa Commemoratione Octavæ S. Jacobi ac sine Commem. Ss. Alexandri I Papæ et Sociorum.

Die 4 Maii
S. MONICÆ Viduæ
Duplex

Missa ut in Missali.

Dicitur Credo et Præfatio Apostolorum ratione Octavæ.

Et fit Commemoratio Octavæ Ss. Jacobi et Philippi App.

Oratio

Deus, qui nos ánnua Apostolorum tuórum Jacóbi et Philíppi solemnítate lœtificas; præsta, quæsumus; ut quorum gaudémus méritis, instruámur exémplis.

Deinde Commemoratio Ss. Sylvani et Sociorum Martyrum.

Oratio

Deus, qui beátum Sylvánum cum Sóciis in ætérrna tabernácula transtulísti; da, ut nos quoque tuæ caritatis igne a vitiis expiáti, ipsórum patrocínio ad cælestem pátriam pervenire mereámur. Per Dóminum.

Pro Oct. Ss. Jacobi et Philippi App.
Secreta

Munera, Dómine, quæ pro Apostolórum tuórum Jacóbi et Philíppi solemnítate deférimus, propítius súscipe; et mala ómnia, quæ merémur, avérte.

Pro Ss. Sylvano et Soc. Mm.
Secreta

Implorámus, Dómine, cleméntiam tuam; ut Sanctórum tuórum, quorum memóriam venerámur, suffragántibus méritis, hóstia, quam offérimus, nostrórum sit expiatio delictórum. Per Dóminum.

Pro Oct. Ss. Jacobi et Philippi App.
Postcommunio

Quásumus, Dómine, salutáribus repléti mystériis; ut, quorum solémnia celebrámus, eórum oratióibus adjuvémur.

Pro Ss. Sylvano et Soc. Mm.
Postcommunio

Multíplica super nos, quásumus Dómine, per hæc sancta quæ súmpsimus, misericordiam tuam; ut sicut in tuórum commemoratione Sanctórum pia devotióne lœtamur, ita eórum perpétua societáte, te largiénte, fruámur. Per Dóminum.

Die 5 Maii
S. MAXIMI

Episc. Hierosolym., Mart. Duplex
 Missa Protexísti, de Communi unius
 Mart. Temp. Pasch., præter seq. :

Oratio

Deus, refúgium nostrum et virtus, concéde propítius, ut sicut gloriósus Póntifex et Martyr tuus Máximus pro veritaté nostræ fidei in terris fórtiter decertávit; ita et nos ejus méritis ac précibus ab hóstium Ecclésiae fráudibus et insídiis júgiter preservémur. Per Dóminum.

Et fit Commemoratio S. Pii V
 Papæ et Conf.

Oratio

Deus, qui ad conteréndos Ecclésiae tuæ hostes, et ad divínū cultum reparándum, beátum Pium

Pontíficem máximum elígere dignátus es : fac nos ipsius défendi præsidiis, et ita tuis inhærére obséquis; ut, ómnium hóstium superátis insídiis, perpétua pace lætémur.

**Deinde Commemoratio Octavæ
Ss. Jacobi et Philippi App.**

Oratio

Deus, qui nos ánnua Apostolórum tuórum Jacóbi et Philíppi solemnitáte lætíficas : præsta, quæsumus; ut, quorum gaudémus méritis, instruámur exémplis. Per Dóminum.

Et dicitur Credo.

Secreta

Munera tibi, Dómine, obláta sanctifica, et intercedénte béato Máximo, Mártyre tuo atque Pontífice, per hæc nos a peccatórum máculis emúnda. Per Dóminum.

Pro S. Pio Pp. Conf.

Secreta

Sancti tui, quæsumus, Dómine, nos ubique lætífacent : ut, dum eórum mérita recólimus, patrocínia sentiámus.

Pro Oct. Ss. Jacobi et Philippi App.

Secreta

Munera, Dómine, quæ pro Apostolórum tuórum Jacóbi et Philíppi solemnitáte deférimus, propítius súscipe : et mala ómnia, quæ merémur, avérte. Per Dóminum.

Præfatio Apostolorum.

Postcommunio

Cælestibus aliméntis enutríti, súpplices te rogámus, Dómine Deus noster, ut béato Máximo pro nobis intercedénte, tuis semper valéamus obedíre mandátis. Per Dóminum.

**Pro S. Pio Papa Conf.
Postcommunio**

Præsta, quæsumus, omnípotens Deus : ut, de percéptis munéribus grátias exhibéntes, intercédente beáto Pio Confessóre tuo atque Pontífice, beneficia potióra sumámus.

**Pro Oct. Ss. Jacobi et Philippi App.
Postcommunio**

Quæsumus, Dómine, salutáribus repléti mystériis : ut, quorum solémnia celebrámus, eórum oratióribus adjuvémur. Per Dóminum.

— Die 8 Maii —

**OCTAVA S. JACOBI Apostoli,
Patroni Diocesis
et S. PHILIPPI Apostoli
Duplex majus**

Missa ut in Missali, die 1 Maii.

Et fit Commemoratio Apparitionis S. Michaelis Arch. et legitur ejusdem Evangelium in fine Missæ, ut in Missali die 8 Maii.

— Die 11 Maii —

(Ex 1 hujus mensis)

**S. JEREMIÆ Proph., Mart.
Duplex**

Introitus **Jer. Thren. 2, 11**

Effúsum est in terra jecur meum super contritíone filiæ pópuli mei, cum deficeret párvulus, et latens in platéis óppidi, allelúja, allelúja. Ps. 78, 1 Deus, venérunt gentes in hæreditátem tuam; polluérunt templum sanctum tuum; posuérunt Jerúsalem in pomórum custódiam. **V. Glória Patri.**

Oratio

OMnipotens sempiterne Deus, confidéntibus tibi fámulis tuis, intercedénte beáto Jeremíia Prophéta, pro tua pietáte reláxa peccátam; ut non amplius eis nóceat consciéntiæ reáitus ad poenam, quam indulgéntia tuæ propitiatiónis prosit ad véniam. Per Dóminum.

Léctio Jeremíæ Prophétæ.

Jer. 1, 4-10

FActum est verbum Dómini ad me, dicens : Priúsquam te formárem in útero novi te, et ántequam exires de vulva sanctificávi te, et prophétam in géntibus dedi te. Et dixi : A, a, a, Dómine, Deus, ecce néscio loqui, quia puer ego sum. Et dixit Dóminus ad me : Noli dícere, Puer sum, quóniam ad ómnia quæ mittam te ibis, et univérsa quæcúmque mandávero tibi loquéris. Ne tímeas a fácie eórum, quia tecum ego sum ut éruam te, dicit Dóminus. Et misit Dóminus manum suam, et tétigit os meum, et dixit Dóminus ad me : Ecce dedi verba mea in ore tuo; ecce constitui te hódie super gentes et super regna, ut evéllas et déstruas et dispérdas et dißipes et ædifices et plantes.

Allelúja, allelúja. **¶. Jer. 1, 5** Priúsquam te formárem in útero novi te, et ántequam exires de ventre, sanctificávi te. Allelúja.
¶. Misit Dóminus manum suam, et tétigit os meum, et dixit mihi. Allelúja.

¶ Sequéntia sancti Evangélii secún-dum Lucam. **Luc. 19, 41-44**

IN illo témpore : Cum appropin-quáret Jesus Jerúsalem, videns civitátem, flevit super illam, dicens : Quia si cognovísses et tu, et quidem in hac die tua quæ ad pacem tibi,

nunc autem abscónrita sunt ab óculis tuis. Quia vénient dies in te, et circúmdabunt te inimíci tui vallo, et circúmdabunt te, et coangustábunt te úndique, et ad terram prostérnent te, et filios tuos qui in te sunt, et non relínquent in te lápidem super lápidem, eo quod non cognóveris tempus visitatiónis tuæ.

Offertorium Jer. 18, 20 Recordáre quod stéterim in conspéctu tuo, ut lóquerer pro eis bonum, et avérterem indignatióne tuam ab eis, allelúja.

Secreta

PRæsta, quæsumus, omnípotens et misericors Deus; ut hæc salutáris oblátio, deprecatione beáti Jeremíæ Prophétæ, fámulos tuos et a própriis reáribus indesinénter expédiat, et ab ómnibus tueátur advérsis. Per Dóminum.

Communio Jer. 31, 3 In caritáte perpétua diléxi te, ídeo attráxi te, mísersans, allelúja.

Postcommunio

OMnipotens et misericors Deus, qui omnem ánimam poenitén-tem, et confiténtem tibi, magis vis emendáre quam pérdere; respice, per intercessiόnem beáti Jeremíæ Prophétæ tui, super nos fámulos tuos, et per hæc sancta sacraménta quæ súmpsimus, avérte a nobis iram indignatiónis tuæ, et ómnia peccátam nostra dimítte. Per Dóminum.

— Die 12 Maii —

S. EPIPHANII

Episc. Salaminæ, Conf. Duplex
Missa Státuit, de Communi Con-fessoris Pontificis, præter seq. :

Oratio

Domine Jesu Christe, qui es via, sine qua nemo venit ad Patrem; quæsumus cleméntiam tuam : ut,

intercessióne sancti Epiphánii Epíscopi et Confessóris, nos, fábulos tuos, per iter obséquii tui ad te dedúcas. Qui vivis.

Et fit Commemoratio Ss. Nerei et Sociorum Martyrum.

Oratio

SEmper nos, Dómine, Mártyrum tuórum Nérei, Achillei, Domitillæ atque Pancrátii fóveat, quæsumus, beáta solémnitas : et tuo dignos reddat obséquio. Per Dóminum.

Secreta

Sacrificiis præsentibus, quæsumus Dómine, inténde placátus, et præsta : ut hæc salutáris hóstia, intercedénte beáto Epiphánio Confessóre tuo atque Pontífice, subdítorum tibi cónpora mentésque sanctificet. Per Dóminum.

Pro Ss. Nereo et Soc. Mm.

Secreta

Sanctórum Mártyrum tuórum, quæsumus, Dómine, Nérei, Achillei, Domitillæ atque Pancrátii sit tibi grata conféssio : quæ et múnera nostra comméndet, et tuam nobis indulgéntiam semper implóret. Per Dóminum.

Postcommunio

Corda nostra, quæsumus Dómine, intercedénte beáto Epiphánio Confessóre tuo atque Pontífice, illústres, ac fóveas; ut te pura fide agnóscant, et perfécta díligant carítate. Per Dóminum.

Pro Ss. Nereo et Soc. Mm.

Postcommunio

Quæsumus, Dómine : ut beatórum Mártyrum tuórum Nérei, Achillei, Domitillæ atque Pancrátii

deprecatióibus, sacraménta sancta, quæ súmpsimus, ad tuæ nobis proficiant placatiónis augmémentum. Per Dóminum.

— Die 13 Maii —

**S. Roberti Bellarmino
Ep., Conf. et Eccl. Doct.**

Duplex

Missa ut in Missali.

Commemoratio

**S. JOANNIS SILENTIARII
Episcopi et Confessoris**

Oratio

Deus, qui beáto Joánni Epíscopo et Confessóri grátiam conférre dignátus es, ut linguam suam diligénter custodíret; da ejus exémplo eti ntercessióne : ut linguam nostram caute custodiámus, eáque nullum ánime detriméntum patiámur. Per Dóminum.

Secreta

Hostias tibi, clementíssime Pater, in beáti Pontíficis et Confessóris tui memóriam consecrámus; ut, cordis nostri et cónporis máculis emundátis, fámuli tui in bonis áctibus persevérerent. Per Dóminum.

Postcommunio

Vitálibus satiáti sacraméntis, clementiam tuam, súpplices obsecrámus, Dómine : ut, sancti Joánnis Confessóris et Pontíficis tui précibus et méritis suffragántibus, eórum in nobis fructus júgiter persevéreret. Per Dóminum.

Die 16 Maii

S. Ubaldi Ep. et Conf. Semid.

Missa ut in Missali.

Commemoratio

SS. MONACHORUM MART.
LAURÆ S. SABBÆ

Oratio

Deus, invisibilis fortitudo certantium, adesto, quæsumus, nobis supplicantibus, ut qui Sanctorum Monachorum Martirum tuorum gloriosum triumphum recolimus, eorum meritis et precibus contra spiritualia nequitiae muniamus. Per Dominum.

Secreta

Sanctis Martiribus tuis intervenientibus, servitus nostra tibi complaceat, et oblationes munera fiant praesidia devotorum. Per Dominum.

Postcommunio

Percépta nos, Domine, mysteria instruant, et restaurent; ut intercessione Sanctorum Martirum tuorum, mereamur ad caeléstem gloriam transire. Per Dominum.

Die 24 Maii

B. MARIE VIRGINIS
AUXILIUM CHRISTIANORUM

Duplex majus

Missal Salve, ut inter Festa pro aliquibus locis, in Appendice Missalis.

Die 28 Maii

S. Augustini Ep. et Conf. Duplex

Missa ut in Missali.

Commemoratio

SS. MONACHORUM MART.
TECUÆ

Oratio

Deus, qui per passionis agonem beatos Monachos Martires tuos immortalitatis laurea coronasti; con-

cide propitius, ut quorum celebramus triumphum, assequamur et præmium. Per Dominum.

Secreta

Gloriam, Domine, Sanctorum Martirum tuorum perpetuam venerantes, quæsumus; ut eam, sacris mysteriis expiat, dignus celebrēmus. Per Dominum.

Postcommunio

Percéptis, Domine, sacramentis, suppliciter exoramus; ut intercedentibus beatis Martiribus tuis, quæ pro illorum veneranda gerimus passione, nobis proficiant ad medlam. Per Dominum.

= Sabbato in Octava Ascensionis =

B. MARIE V. DE CENACULO
Duplex majus

Introitus

Act. 1, 14

Omnes erant perseverantes unanimiter in oratione cum mulieribus, et Maria Matre Jesu, alleluja, alleluja. Ps. 5 Intende voci orationis meæ, Rex meus et Deus meus; quoniam ad te orabo, Domine, mane exaudiens vocem meam. ¶ Glória Patri.

Oratio

Deus, qui beatam Mariam semper Virginem Matrem tuam in Cœnaculi solitudine cum discipulis orantem Sancti Spiritus donis cumulasti; fac nos, quæsumus, cordis recessum diligere; ut sic rectius orantes Spiritus Sancti gratiis repleri mereamur. Qui vivis et regnas... in unitate ejusdem Spiritus Sancti.

Et fit Commemoratio Octavæ Ascensionis.

Oratio

Concede, quæsumus, omnipotens Deus: ut, qui hodierna die Unigenitum tuum Redemptorem

nostrum ad cælos ascendíssse crédimus; ipsi quoque mente in cælestibus habitémus. Per eúmdem Dóminum.

Léctio Actuum Apostolórum.

Act. 1, 6-14

TN diébus illis : Qui convénerant, interrogábant Jésus, dicéntes : Dómine, si in tempore hoc restítues regnum Israël? Dixit autem eis : Non est vestrum nosse tempora vel moménta, quæ Pater pósuit in sua potestáte; sed accipiétis virtútem superveniéntis Spíritus Sancti in vos, et éritis mihi testes in Jerúsalem, et in omni Judæa, et Samaria, et usque ad últimum terræ. Et cum hæc dixisset, vidéntibus illis, elevátus est; et nubes suscépit eum ab óculis eórum. Cumque intueréntur in cælum eúntem illum, ecce duo viri adstítérunt juxta illos in véstibus albis, qui et dixerunt : Viri Galilæi, quid statis adspiciéntes in cælum? Hic Jésus qui assúmptus est a vobis in cælum, sic véniat quemádmodum vidístis eum eúntem in cælum. Tunc revérsi sunt Jerosólymam a monte, qui vocátur Olivéti, qui est juxta Jerúsalem, sábbati habens iter. Et cum introíssent in coénaculum, ascendérunt ubi manébant Petrus et Joánnes, Jacóbus et Andréas, Philíppus et Thomas, Bartholomæus et Matthæus, Jacóbus Alphæi, et Simon Zelótes et Judas Jacóbi. Hi omnes erant perseverántes unanímiter in oratióne cum muliéribus, et María matre Jesu.

Alleluja, alleluja. **V. Eccli. 24** Ego quasi vitis fructificávi suavitátem odoris; ego mater pulchræ dilectiōnis, et timóris, et agnitiōnis, et sanctæ spei. Alleluja. **V. Luc. 1** Ave María, grátia plena; Dóminus

tecum : benedícta tu in muliéribus. Alleluja.

† Sequéntia sancti Evangélii secún-dum Lucam. **Luc. 24, 49-53**

TN illo tempore : Dixit Jesus discí-pulis suis : Ego mitto promíssum Patris mei in vos. Vos autem sedéte in civitáte quoadúsque induámini virtúte ex alto. Edúxit autem eos foras in Bethániam; et elevátis má-nibus suis benedíxit eis. Et factum est dum benedíceret illis, recéssit ab eis, et ferebátur in cælum. Et ipsi adorántes regréssi sunt in Jerúsalem cum gáudio magno; et erant semper in templo, laudántes, et benedicéntes Deum.

Credo.

Offertorium **Luc. 2, 19** María con-servábat ómnia verba hæc, cónferens in corde suo, alleluja.

Secreta

HÆC sacra, Dómine, tibi in honórem beatæ Maríæ Vírginis Matris tuae litántes, humíliter pétimus; ut sicut ipsa verba tua sancta in corde suo sollícite servávit, nobis quoque ejus intercessióne concédat, ita in lege tua assídue meditári, ut fidélius ópere implére maneámus. Qui vivis et regnas.

Pro Octava Ascensionis

Secreta

SUscipe, Dómine, múnera, quæ pro Filii tui gloriósa Ascensiōne deférimus : et concéde propítius; ut a præsentibus periculis liberémur, et ad vitam perveniámus ætérnam. Per eúmdem Dóminum.

Præfatio de B. M. V. Et te in Festivitatē.

Communio **Luc. 1, 46** Magníficat áнима mea Dóminum; et exsultávit spíritus meus in Deo salutári meo, alleluja.

Postcommunio

Deus, qui fidéles tuos in Cœnáculi recéssu cum María Matre tua sacratíssima perseverántes et unánimes in oratióne effecísti; præsta quæsumus; ut, his quoque donis ornáti et a sǽculi strépitu segregáti, tibi soli in caritáte perfécta vivámus. Qui vivis et regnas.

Pro Octava Ascensionis Postcommunio

Præsta nobis, quæsumus, omnípotens et misericors Deus: ut, quæ visibilibus mystériis suménda percépimus, invisibili consequámur efféctu. Per Dóminum.

Feria II

post Festum Ss. Trinitatis
DIVISIONIS APOSTOLORUM
Duplex II classis**Introitus****Ps. 138**

Ihi autem nimis honoráti sunt amíci tui, Deus; nimis confortátus est principátus eórum. **Ps. ibid.** Dómine, probásti me et cognovísti me; tu cognovísti sessiónem meam et resurrectiónem meam. **X.** Glória Patri.

Oratio

Deus, qui Apóstolos tuos in omnem terram exire voluísti; ut in una fide fideique baptísmate, dispérsam ubique géntium Ecclésiam congregárent; da nobis, quæsumus, in unius Dei uniúisque Mediatóris fide, in una orthodóxa, cathólica et apostólica semper Ecclésia, eisdem intercedéntibus Apóstolis, perseveráre. Per Dóminum.

Et fit Commemoratio B. M. V. Reginæ Apostolorum.

Oratio

Deus, qui Apóstolis tuis cum María Matre Jesu unanímiter orántibus, Sanctum dedísti Spíritum,

da nobis, ut, eádem Matre nostra et Apostolórum Regína protegénte, majestáti tuæ fidéliter servíre, et nóminalis tui glóriam verbo et exémplo diffúndere valeámus. Per eúmdem Dóminum... ejúsdem Spíritus Sancti. Léctio Epístolæ beáti Pauli Apóstoli ad Romános. **Rom. 10, 10-18**

Fratres: Corde enim créditur ad justítiam; ore autem conféssio fit ad salútem; dicit enim Scriptúra: Omnis, qui credit in illum, non confundétur. Non enim est distínguitus Judæi et Græci; nam idem Dóminus ómnium, dives in omnes, qui invocant illum. Omnis enim, quicúmque invocáverit nomen Dómini, salvus erit. Quómodo ergo invocábunt, in quem non credidérunt? Aut quómodo credent ei, quem non audiérunt? Quómodo autem áudent sine prædicánte? Quómodo vero prædicábunt, nisi mittántur? Sicut scriptum est: Quam speciosi pedes evangelizántium pacem, evangelizántium bona! Sed non omnes obédiunt Evangélio. Isaías enim dicit: Dómine, quis crédidit audítui nostro? Ergo fides ex audítu, audítus autem per verbum Christi. Sed dico: Numquid non audiérunt? Et quidem in omnem terram exívit sonus eórum, et in fines orbis terræ verba eórum.

Graduale Ps. 44, 17-18 Constitúes eos príncipes super omnem terram; mémores erunt nóminalis tui, Dómine. **X.** Pro pátribus tuis nati sunt tibi filii; proptérea pópuli confitebúntur tibi.

Allelúja, allelúja. **Ps. 138, 17** Nimis honoráti sunt amíci tui, Deus; nimis confortátus est principátus eórum. Allelúja.

X Sequéntia sancti Evangélii secún-dum Marcum. **Marc. 16, 15-20**

In illo tempore: Dixit Jesus discí-pulis suis: Eúntes in mundum univérsum prædicáte Evangélium

omni creaturæ. Qui crediderit, et baptizatus fuerit, salvus erit; qui vero non crediderit, condemnabitur. Signa autem eos qui crediderint haec sequentur: In nomine meo daemonia ejicient; linguis loquentur novis; serpentes tollent, et si mortiferum quid biberint, non eis nocerent. Super aegros manus impónent, et bene habebunt. Et Dominus quidem Jesus postquam locutus est eis, assúmptus est in cælum, et sedet a dextris Dei. Illi autem profecti prædicaverunt ubique, Domino cooperante, et sermonem confirmante sequentibus signis.

Credo.

Offertorium Ps. 18, 5 In omnem terram exivit sonus eorum; et in fines orbis terræ verba eorum.

Secreta

Gloriam, Domine, Sanctorum Apostolorum tuorum perpetuam venerantes; quæsumus, ut eam, sacris mysteriis expiatæ, dignius celebrémus. Per Dominum.

Pro B. M. V. Regina Apostolorum

Secreta

Sanctifica, Domine, quæsumus, oblatione libamina, et beatæ Dei Genitricis Mariæ saluberrima intercessione, nobis salutaria fore concéde. Per eundem Dominum.

Præfatio de Apostolis.

Communio Matth. 19, 18 Vos, qui secuti estis me, sedebitis super sedes, judicantes duodecim tribus Israël.

Postcommunio

Perceptis, Domine, sacramentis, suppliciter exoramus, ut intercedentibus beatis Apostolis tuis, quæ pro illorum veneranda gerimus festivitate, nobis proficiant ad medelam. Per Dominum.

Pro B. M. V. Regina Apostolorum Postcommunio

Adjuvet nos, quæsumus Domine, gloriæ tuæ Genitricis semperque Virginis Mariæ intercessio veneranda, ut quos perpetuis cumulavit beneficiis, a cunctis periculis absolutos sua faciat pietate concordes. Qui vivis.

————— Sabbato —————
post Festum SS. Cordis Jesu
PURISSIMI CORDIS B. M. V.
Duplex II classis

Missa Omnis gloria, approbata pro aliquibus locis, ut in App. Missalis.
Et fit Commemoratio Octavæ SS. Cordis Jesu.

————— Feria V —————
post Octavam SS. Cordis Jesu
EUCARISTICI CORDIS JESU
Duplex II classis

Missa Sciens, approbata pro aliquibus locis, ut in App. Missalis.

FESTA JUNII

————— Die 6 Junii —————

**S. PHILIPPI Diaconi
Confessoris Duplex**

Introitus Luc. 4, 18-19

Spiritus Domini super me, propter quod unxit me; evangelizare pauperibus misit me, sanare contritos corde. **Ps. 9, 33** Exsurge, Domine Deus, exaltetur manus tua; ne obliviscaris pauperum. **X**. Glória Patri.

Oratio

Deus, qui omnes homines vis salvos fieri, et ad agnitionem veritatis venire, mitte, quæsumus, intercessione sancti Philippi Diaconi, operarios in messem tuam, et da eis cum omni fiducia loqui verbum tuum. Per Dominum.

Et fit Commemoratio S. Norberti Episcopi et Confessoris.

Oratio

Deus, qui beatum Norbertum Confessorem tuum atque Pontificem, verbi tui praecōnem exīmum effecisti, et per eum Ecclēsiā tuā nova prole fœcundāsti : præsta, quæsumus; ut, ejūsdem suffragātibus méritis, quod ore simul et ópere dōcuit, te adjuvānte, exercere valeāmus. Per Dominum.

Léctio Actuum Apostolórum.

Act. 8, 26-40

In diébus illis : Angelus Domini locutus est ad Philíppum, dicens : Surgé, et vade contra meridiānum, ad viam quæ descéndit ab Ierúsalem in Gazam; hæc est desérta; et surgens, abiit. Et ecce vir Æthiops eunúchus, potens Candácis reginæ Æthiopum, qui erat super omnes gazas ejus, vénérat adorare in Ierúsalem. Et revertébatur, sedens super currum suum, legénsque Isaíam Prophétam. Dixit autem Spíritus Philíppo : Accéde, et adjúnge te ad currum istum. Accúrrens autem Philíppus, audívit eum legéntem Isaíam Prophétam, et dixit : Putásne, intelligis quæ legis? Qui ait : Et quómodo possum, si non áliquis osténderit mihi? Rogavítque Philíppum ut ascénderet et sedéret secum. Locus autem Scripturæ quam legébat, erat hic : Tamquam ovis ad occisiónem ductus est, et sicut agnus coram tondénte se sine voce, sic non apéruit os suum.

In humilitate judicium ejus sublátum est. Generatiōnem ejus quis enarrabit, quóniam tollétur de terra vita ejus? Respóndens autem eunúchus Philíppo, dixit : Obsecro te, de quo Prophéta dicit hoc? De se, an de álio áliquo? Apériens autem Philíppus os suum, et incípiens a Scripturā ista evangelizávit illi Jesum. Et dum irent per viam, venérunt ad quādam aquam; et ait eunúchus : Ecce aqua, quid próhibet me baptizári? Dixit autem Philíppus : Si credis ex toto corde, licet. Et respóndens ait : Credo Fílium Dei esse Jesum Christum. Et jussit stare currum; et descendérunt utérque in aquam, Philíppus et eunúchus, et baptizávit eum. Cum autem ascendíssent de aqua, Spíritus Domini rápuit Philíppum, et amplius non vidit eum eunúchus; ibat autem per viam suam gaudens. Philíppus autem invéntus est in Azoto, et per tránsiens evangelizábat civitátibus cunctis, donec veníret Cæsaréam.

Graduale Ps. 91, 13 Justus ut palma florébit; sicut cedrus Líbani multiplicábitur in domo Domini.
¶ Ibid. 3 Ad annuntiandum mane misericordiam tuam, et veritatem tuam per noctem.

Alleluja, alleluja. **¶ Ps. 67, 12** Dominus dabit verbum evangelizantibus, virtute multa. Alleluja.

Tempore Paschali :

Alleluja, alleluja. **¶ Ps. 67, 12** Dominus dabit verbum evangelizantibus, virtute multa. Alleluja.
¶ Osee, 4, 6 Justus germinabit sicut lílum; et florébit in æternum ante Dominum. Alleluja.

¶ Sequentia sancti Evangélii secundum Lucam. **Luc. 10, 1-9**

In illo tempore : Designávit Dominus et álios septuaginta duos et misit illos binos ante fáciem

suam in omnem civitatem et locum, quo erat ipse venturus. Et dicébat illis : Messis quidem multa, operarii autem pauci. Rogate ergo Dominum messis, ut mittat operarios in messem suam. Ite : ecce ego mitto vos sicut agnos inter lupos. Nolite portare sacculum, neque peram, neque calceamenta, et neminem per viam salutaveritis. In quamcumque domum intraveritis, primum dicate : Pax huic domui : et si ibi fuerit filius pacis, requiescat super illum pax vestra. Sin autem, ad vos revertetur. In eadem autem domo manete, edentes et bibentes quae apud illos sunt; dignus est enim operarius mercede sua. Nolite transire de domo in domum. Et in quamcumque civitatem intraveritis, et susciperint vos, manducate quae apponuntur vobis : et curate infirmos, qui in illa sunt, et dicate illis : Appropinquavit in vos regnum Dei.

Offertorium Matth. 28, 19 Euntes docete omnes gentes, baptizantes eos in nomine Patris et Filii et Spiritus Sancti, alleluja.

Secreta

Emitte, Domine, qui per Spiritum Sanctum beatum Philippum in septenarium Diaconorum numero elegisti, super nos, famulos tuos, spiritum tuae benedictionis, ut sacris convenienter servire mysteriis valeamus. Per Dominum.

Pro S. Norberto

Secreta

Sancti tui, quæsumus, Domine, nos ubique laetificant : ut, dum eorum merita recolimus, patrocinia sentiamus. Per Dominum.

Communio Act. 8, 39 Ibat Philippus per viam gaudens, quia Spiritus Domini rupuit eum, alleluja.

Postcommunio

Corporis sacri et pretiosi sanguinis repleti libamine; quæsumus, Domine Deus noster, ut gratiae munus, quod nobis imméritis contulisti, intercedente beato Diácono tuo Philippo, propitius muniendo custódias. Per Dominum.

Pro S. Norberto Postcommunio

Praesta, quæsumus, omnipotens Deus : ut, de percéptis munéribus gratias exhibentes, intercedente beato Norberto Confessore tuo atque Pontifice, beneficia potiora sumamus. Per Dominum.

Die 11 Junii

(Pro Insula Cypro)

S. BARNABÆ Apostoli

Patroni Insulæ Cypri

Duplex I cl. cum Oct. communi

Missa ut in Missali.

¶ Infra Octavam in Festis occurrentibus, quæ non sint I vel II classis, fit Commemoratio Octavæ S. Barnabæ ac dicitur Credo et Praefatio de Apostolis juxta rubricas

Die 14 Junii

S. Basilii Magni

Episc., Conf. et Eccl. Doct. Duplex

Missa ut in Missali.

Commemoratio

S. ELISEI Proph. et Conf.

Oratio

Omnipotens sempiterne Deus, qui in electis Prophétis tuis mirabilis prædicaris; præsta, quæsumus : ut sicut Eliae spiritum in Prophéta tuo Elisœo complevisti, ita in nobis Spiritus Sancti gratiam ad virtutum opera exercenda multiplicare digneris. Per Dominum... in unitate ejusdem...

Secreta

Hostias tibi, Dómine, laudis offérimus, suppliciter deprecántes; ut eásdem, pro nobis prophético interveniente suffrágio, et placátus accípias, et ad salútem nostram provenire concédas. Per Dóminum.

Postcommunio

Puríficet nos semper tui percéptio sacraménti, et, intercessióne beáti Eliséi Prophétæ tui, mereámur gáudiis cælestibus abundáre. Per Dóminum.

Die 15 Junii**(Pro Cypro)****Die V infra Octavam****S. BARNABÆ Apostoli
Semiduplex**

Missa ut in Feste die 11 Junii.

Et fit Commemoratio Ss. Viti,
Modesti ac Crescentii Martyrum ut
in Missali hac die.**Die 16 Junii****(Pro Cypro)****Die VI infra Octavam****S. BARNABÆ Apostoli
Semiduplex**

Missa ut in Feste die 11 Junii.

Die 17 Junii**(Pro Cypro)****Die VII infra Octavam****S. BARNABÆ Apostoli
Semiduplex**

Missa ut in Feste die 11 Junii.

Die 18 Junii**(Pro Cypro)****OCTAVA S. BARNABÆ
Apostoli, Patroni Ins. Cypri
Duplex majus**

Missa ut in Feste die 11 Junii.

Et fit Commemoratio S. Ephrem
Syri Diaconi, Conf. et Eccl. Doct.,
ac Ss. Marci et Marcelliani Mm., ut
in Missali.**Die 22 Junii****S. Paulini Episc. et Conf.****Duplex**

Missa ut in Missali.

Commemoratio**SS. 1480 MARTYRUM SAMARIAE****Oratio**

Propitiáre, quásumus Dómine,
fámulis tuis, per Sanctórum
Mártirium tuórum mérita gloriósa;
ut, eórum pia intercessióne, ab ómnibus
semper protegámur advérsis.
Per Dóminum.

Secreta

PReces, quas tibi, Dómine, offérimus, intercedéntibus beátis
Mártiribus tuis, cleménter inténde,
et propugnatóres fidei sub tua pro-
tectione custódi. Per Dóminum.

Postcommunio

Repléti, Dómine, benedictióne cælesti, súpplices te rogámus; ut
beátos Mártires tuos, quos in cælo
gloriósos fecísti, Ecclésiæ tuæ con-
stítuas perpétuos defensóres. Per
Dóminum.

FESTA JULII

Die 5 Julii

S. Antonii Mariæ Zaccaria
Confessoris Duplex

Missa ut in Missali. Post Com-
memorationem Octavæ Ss. App.

Commemoratio

S. ATHANASII Diac. et Mart.

Oratio

Deus, in te sperántium fortitúdo,
qui beátum Athanásium Mártyrem tuum, pro tuénda Ecclésiæ
fide, virtúte constántiae roborásti;
da nobis, ejus exémplo et interces-
sione, ómnia adversántia fórtiter
superáre. Per Dóminum.

Secreta

Suscipe, Dómine, quæsumus, cle-
ménzia tua de mánibus nostris
munus oblátum, et per sancti Atha-
násii Diaconi et Mártyris tui ora-
tiones, ab ómnibus nos emúnda pec-
cátis. Per Dóminum.

Postcommunio

Sumpsimus, Dómine, tua sacra
mystéria, beáti Athanásii Dia-
coni et Mártyris memóriam reco-
léntes; quæsumus, eórum virtúte
concéde, ut illius conversatiónis
éxitum intuéntes, sectémur et fidem.
Per Dóminum.

Die 9 Julii

(Ex 6 hujus)

S. ISAIÆ Proph. Martyr.
Duplex

Introitus

Is. 6, 7

Ecce tétigit Séraphim lábia
tua, et auferétur iníquitas
tua, et peccátum tuum
mundábitur. **Ps. 24, 1** Ad
te, Dómine, levávi ánimam meam;

Deus meus, in te confido, non eru-
bescam. **V.** Glória Patri.

Oratio

Domine Jesu, Rex Prophetárum,
qui, per os sancti Isaíæ Pro-
phétae, incarnatióne, vitam, mor-
tem et glóriam tuam prædixísti; da
nobis, eo intercedénte, ut nos fámulo-
los tuos hæc sacránda mystéria ad
gáudia ætérla perdúcant. Qui vivis.

Léctio Isaíæ Prophétæ.

Is. 7, 10-15

In diébus illis : Locútus est Dó-
minus ad Achaz, dicens : Pete
tibi signum a Dómino Deo tuo,
in profúndum inférni, sive in excél-
sum supra. Et dixit Achaz : Non
petam et non tentábo Dóminum.
Et dixit : Audíte ergo, domus Da-
vid : Numquid parum vobis est mo-
léstos esse homínibus, quia molésti
estis et Deo meo? Propter hoc dabit
Dóminus ipse vobis signum : Ecce
virgo concípiet, et páriet filium, et
vocábitur nomen ejus Emmáuel.

Graduale Is. 11, 2 Egrediétur virga
de radíce Jesse, et flos de radíce
ejus ascéndet. **V.** Et requiéscet super
eum Spíritus Dómini.

Allelúja, allelúja. **V. Is. 7, 14** Ecce
Virgo concípiet, et páriet filium,
et vocábitur nomen ejus Emmáuel.
Allelúja.

+ Sequéntia sancti Evangélii secún-
dum Matthæum. **Matth. 23, 34**

In illo témpore : Dicébat Jesus
scribis et pharisáeis : Ecce ego
mitto ad vos prophétas, et sapié-
ntes, et scribas, et ex illis occidéti
et crucifigéti, et ex eis flagellábitis
in synagógis vestris, et persequé-
mini de civitáte in civitátem; ut
véniat super vos omnis sanguis
justus, qui effúsus est super terram,
a sanguine Abel justi usque ad

sanguinem Zachariæ filii Barachiaæ, quem occidistis inter templum et altare. Amen dico vobis : vénient hæc ómnia super generatiómem istam. Jerúsalem, Jerúsalem, quæ occidis prophétas, et lápidas eos qui ad te missi sunt; quóties vólui congregáre filios tuos, quemádmodum gallina cóngregat pullos suos sub alas, et noluísti? Ecce relinquétur vobis domus vestra desérta. Dico enim vobis, non me vidébitis ámodo, donec dicátis : Benedíctus, qui venit in nómine Dómini.

Offertorium Is. 45, 20 Congregámini et veníte simul, qui salváti estis; quia ego Dóminus et non est álius.

Secreta

Effúnde super nos, Dómine Deus, Spíritus Sancti sacrum Septenárium, ut grátiæ tuæ múnere ditáti, tibi digne et laudabíliter serviámus. Per Dóminum... ejúsdem Spíritus...

Communio Is. 12, 3, 6 Hauriétis aquas in gáudio de fóntibus Salvatóris; quia magnus in médio tui Sanctus Israël.

Postcommunio

HAusimus, Dómine misericors, gaudéntes de fóntibus Salvatóris; fac, ut nobis fiant saliéntes in vitam ætérnam. Per eúmdem Dóminum.

Die 15 Julii

SS. SEPULCRI D. N. J. C.

Basilicæ Cathedr. Hierosolym. Titularis

Duplex I classis cum Octava communi

Introitus

Is. 11, 10

XN die illa erit radix Jesse, qui stat in signum populi òrum, ipsum gentes de- precabúntur : et erit Se- púlcrum ejus gloriósum, allelúja, allelúja. **Ps. 83, 1** Quam dilécta ta- bernácula tua, Dómine virtútum : concupíscit et déficit ánima mea in átria Dómini. **Glória Patri.**

Oratio

Domine Jesu Christe, qui pro no- bis mortem subíre, et in Se- púlcro depósitus, tértia die resúrgere voluísti : concéde fámulis tuis; ut, qui Sepúlcri tui memóriam recóli- mus, resurrectiōnis quoque glóriæ partícipes esse mereámur : Qui vivis.

Et fit Commem. S. Henrici Imperato- ris, Conf., in Missis privatis tantum :

Oratio

Deus, qui hodiéra die beátum Henrícum Confessórem tuum e terréni cúlmine impérii ad regnum ætérnum transtulísti : te súpplices exorámus; ut, sicut illum, grátiæ tuæ ubertáte prævénatum, illécebras sǽculi superáre fecísti, ita nos fáciás, ejus imitatióne, mundi hujus blan- diménta vitáre, et ad te puris mén- tibus perveníre. Per Dóminum.

Léctio Actuum Apostolórum.

Act. 13, 16 et 26-31

TN diébus illis : Surgens Paulus, et manu siléntium indíicens, ait : Viri fratres, filii géneris Abraham,

et qui in vobis timent Deum, vobis verbum salutis hujus missum est. Qui enim habitabant Jerúsalem, et príncipes ejus, ignorantes Jesum, et voces prophetarum, quae per omne sábbatum leguntur, judicantes impleverunt : et nullam causam mortis invenientes in eo, petierunt a Piláto, ut interficerent eum. Cumque consummássent ómnia quae de eo scripta erant, deponentes eum de ligno, posuerunt eum in monuménto. Deus vero suscitavit eum a mórtuis tértia die : qui visus est per multos dies his, qui simul ascénderant cum eo de Galiléa in Jerúsalem, qui usque nunc sunt testes ejus ad plebem.

Graduale Ps. 98, 5 Exaltáte Dóminum Deum nostrum, et adoráte scabellum pedum ejus : quóniam sanctum est. **V. Gen. 28, 17** O quam metuéndus est locus iste : vere non est hic áliud, nisi domus Dei, et porta cæli.

Allelúja, allelúja. **V. Ps. 95, 8** Tólite hóstias, et introíte in átria ejus : adoráte Dóminum in átrio sancto ejus. Allelúja.

¶ In Missis votivis post Septuagesimam, omissis Allelúja et Versu sequenti, post Graduale dicitur

Tractus Ps. 131, 7-8 Introíbimus in tabernáculum ejus : adorábimus in loco ubi stetérunt pedes ejus. **V. Surge, Dómine, in réquiem tuam :** tu et arca sanctificationis tuæ.

V. Ibid. 14 Hæc réquies mea in sǽculum sǽculi : hic habitábo, quóniam elégi eam.

Tempore autem Paschali omittitur Graduale, et ejus loco dicitur :

Allelúja, allelúja. **V. Ps. 95, 8** Tólite hóstias, et introíte in átria ejus : adoráte Dóminum in átrio sancto ejus. Allelúja. **V. Joann. 20, 4** Currébant duo simul : et ille álius discípulus præcucúrrit cítius Petro,

et venit prior ad monuméntum. Allelúja.

† Sequéntia sancti Evangélii secundum Lucam. **Luc. 24, 1-12**

UNA Sábbati valde dilúculo, ve- nérint mulieres ad monuméntum, portantes quae paráverant aróma : et invenérunt lápidem revo-lútum a monuménto. Et ingrésse non invenérunt corpus Dómini Jesu. Et factum est, dum mente conser-nátæ essent de isto, ecce duo viri stetérunt secus illas in veste ful-génti. Cum timérent autem, et declinárent vultum in terram, dixérunt ad illas : Quid quærítis vivéntem cum mórtuis? non est hic, sed sur-réxit : recordámini, quáliter locútus est vobis, cum adhuc in Galiléa esset, dicens : Quia opórtet Fílium hóminis tradi in manus hóminum peccatórum, et crucifigi, et die tértia resúrgere. Et recordátæ sunt ver-bórum ejus. Et regréssæ a monu-ménto, nuntiavérunt hæc ómnia illis úndecim, et céteris ómnibus. Erat autem María Magdaléne, et Joánnna, et María Jacóbi, et céteræ quae cum eis erant, quae dicébant ad Apó-stolos hæc. Et visa sunt ante illos sicut deliraméntum verba ista : et non credidérunt illis. Petrus autem surgens, cucúrrit ad monuméntum : et procúmbens vidi línteámina sola pósita, et ábiit secum mirans quod factum fúerat.

Credo per totam Octavam.

Offertorium Ps. 41, 5 Transíbo in locum tabernáculi admirábilis usque ad domum Dei, allelúja.

Secreta

Deus, qui per depositiónem san-ctíssimi Córporis Fílli tui in Sepúlcro, idem Sepúlcrum sanctifi-cásti : concéde, quásimus; ut in hoc Sepúlcro ánima et corde habi-témus. Per eúmdem Dóminum.

Pro S. Henrico

LAUDIS tibi, Dómine, hóstias im-
molámus in tuórum commemo-
ratióne Sanctórum : quibus nos et
præsentibus éxui malis confidimus,
et futúris. Per Dóminum.

Præfatio Paschalis Te quidem, Dó-
mine, omni tempore gloriósius præ-
dicáre, etc., quæ dicitur per totam
Octavam in omnibus Missis quæ
aliam Præfationem non exigant,
juxta Rubricas.

Communio Prov. 8, 34 Beátus qui
audit me, et qui vígilat ad fores meas

Secreta

quotídie, et obsérvat ad postes óstii
mei, allelúja.

Postcommunio

DEUS, qui nos sancti Sepúlcri Fílii
tui lætári facis honóre : præsta,
quæsumus; ut, in eódem sepúlti,
mundo moriámur, et tibi soli vivá-
mus. Per eúmdem Dóminum.

Pro S. Henrico Postcommunio

REfécti cibo potúque cælesti, Deus
noster, te súpplices exorámus :
ut, in cujus hæc commémoratióne
percépimus, ejus muniámur et préci-
bus. Per Dóminum.

Die 16 Julii

COMMEMORATIO

B. MARIÆ V. DE MONTE CARMELO

Duplex I classis

Introitus



QUAM pulchri sunt gressus
tui, filia Príncipis! Favus
distillans lábia tua, et
odor vestimentórum tuó-
rum sicut odor thuris. **Ps. 97, 1**
Cantáte Dómino cáanticum novum;
quia mirabilia fecit. **V. Glória Patri.**

Cant. 3, 1

et dixit ad puerum suum : Ascénde,
et próspice contra mare. Qui cum
ascendísset, et contemplátus esset,
ait : Non est quidquam. Et rursum
ait illi : Revértere septem vícibus.
In séptima autem vice, ecce nubécula
parva quasi vestígium hóminis
ascendébat de mari. Qui ait : Ascén-
de, et dic Achab : Junge currum
tuum, et descénde ne óccupet te
pluvia. Cumque se vérteret huc at-
que illuc, ecce cæli contenebráti
sunt, et nubes, et ventus; et facta
est pluvia grandis.

Oratio

DEUS, qui beatíssimæ semper Ví-
ginis et Genitrícis tuæ Mariæ
singulári título Carméli órdinem de-
corásti : concéde propítius; ut, cujus
hódie Commemoratióne solémni
celebrámus officio, ejus muniti præ-
sidiis, ad gáudia sempitérana per-
venire mereámur. Qui vivis.

Léctio libri Regum.

III Reg. 13, 42-45

CLÍAS autem ascéndit in vérticem
Carméli, et pronus in terram
pósuit fáciem suam inter génuá sua,

Graduale Jud. 15, 10 Tu glória
Jerúsalem, tu lætitia Israél, tu hono-
rifícéntia pòpuli nostri. **V. Cant. 7, 5**
Caput tuum ut Carmélus; et comes
cápitis tui, sicut púrpura regis tintca
canálibus.

Allelúja, allelúja. **V. Is. 35, 2** Glória
Líbani data est ei; decor Carméli
et Saron. Allelúja.

† Sequéntia sancti Evangélii secún-dum Joánnem. **Joann. 19, 25-27.**

IN illo témporte : Stabant juxta Crucem Jesu Mater ejus et soror Matris ejus María Cléophæ et María Magdaléne. Cum vidísset ergo Jesus Matrem et discípulum stantem, quem diligébat, dicit Matri suæ : Múlier, ecce filius tuus. Deinde dicit discípulo: : Ecce mater tua. Et ex illa hora accépit eam discípulus in sua. Credo.

Offertorium Ezech. 46, 1 Porta átrii interiórissimæ, quæ rēspicit ad oriéntem, erit clausa sex diébus; die autem Sábbati aperiétur.

Secreta

TUA nos, Dómine, abundántia pietatis indúlgeat; ut per sacra múnera quæ tibi reverénter offérimus, gratum beatíssimæ Fílli tui Matri famulátum exercére valeámus. Per eúmdem Dóminum.

Præfatio de Beata : Et te in Commemoratióne.

Communio Jer. 2, 7 Indúxi vos in terram Carméli, ut comedérétis fructum ejus et óptima illius.

Postcommunio

LÆta nos, Dómine, quæsumus, beatíssimæ Vírginis Matris tuæ solémnis commemoratióne semper excípiat; quæ jucunditatem nobis suæ protectiónis, et pacis securitatem infúndat, et tibi nos reddat accéptos. Qui cum Patre et Spíritu Sancto vivis et regnas.

Die 20 Julii

S. ELIÆ Proph. et Conf.

Duplex majus

Introitus

Mal. 4, 5-6

 Cce ego mittam vobis Elíam Prophétam, ántequam véniat dies Dómini magnus, et horribilis. Et convértet cor patrum ad filios, et cor

filiórum ad patres eórum. **Ps. 66, 2** Deus misereátur nostri, et benedícat nobis : illúminet vultum suum super nos, et misereátur nostri. **¶** Glória Patri.

Oratio

PRæsta, quæsumus, omnípotens Deus : ut, qui beátum Elíam, Prophétam tuum, ígneo curru mirabiliter elevátum esse crédimus; eodem interveniente ad cælestia sublevémur, et Sanctórum tuórum consortio gaudeámus. Per Dóminum nostrum.

Et fit Commemoratio S. Hieronymi Æmiliani Confessoris :

Oratio

DEUS, misericordiárum pater, per mérita et intercessiόnem beáti Hierónymi, quem órphanis adjútorem et patrem esse voluísti: concéde; ut spíritum adoptiόnis, quo filii tui nominámur et sumus, fidéliter custodiámus.

Deinde Com. Octavæ SS. Sepulcri

Oratio

DOMINE Jesu Christe, qui pro nobis mortem subíre, et in Sepúlcro depósitus, tértia die resúrgere voluísti : concéde fámulis tuis; ut, qui Sepúlcri tui memoriā recólimus, resurrectiōnis quoque gloriæ partícipes esse mereámur.

Postea Commemoratio S. Josephi Justi Conf. :

Oratio

DEUS, qui ad árdua quæque pro nóminalis tui gloriæ et animárum salúte beáto Joseph Confessóri tuo spíritum caritatis et fortitúdinis contulísti; da nobis in eódem spíritu et agénda cognoscere et cóngnita ejus intercessiόne perficere.

Tandem Commemoratio S. Margaritæ Virginis et Martyris :

Oratio

Tndulgéntiam nobis, quæsumus,
Dómine, beáta Margarítæ Virgo
et Martyr implóret : quæ tibi grata
semper exstítit et mérito castitatis,
et tuæ professióne virtutis. Per Dó-
minum.

Léctio libri Sapiéntiæ.

Eccli. 48, 1-10

Surréxit Elías Prophéta, quasi
ignis, et verbum illius quasi
fácula ardébat. Qui indúxit in illos
famem, et irritantes illum invídia
sua pauci facti sunt : non enim
póterant sustinére præcépta Dómini.
Verbo Dómini contínuit cælum, et
dejécit de cælo ignem ter : sic ampli-
ficátus est Elías in mirabílibus suis.
Et quis potest simíliter sic gloriári
tibi? Qui sustulísti mórtuum ab in-
feris de sorte mortis in verbo Dómini
Dei. Qui dejecisti reges ad perniciem,
et confregisti facile poténtiam ipsó-
rum, et gloriósos de lecto suo. Qui
audis in Sina judíciū, et in Horeb
judícia defensiōnis. Qui ungis reges
ad pœniténtiam, et prophétas facis
successóres post te. Qui recéptus
es in túrbine ignis, in curru equórum
igneórum. Qui scriptus es in judíciis
téporum leníre iracúndiam Dómi-
ni : conciliare cor patris ad filium,
et restituere tribus Jacob.

Graduale Ps. 144, 18-19 Prope est
Dóminus ómnibus invocántibus
eum : ómnibus invocántibus eum in
veritáte. **V.** Voluntátem timéntium
se fáciet, et deprecationem eórum
exáudiet : et salvos fáciet eos.

Alleluja, alleluja. **V. 3 Reg. 18, 36,**
38 Dómine Deus, osténde hódie quia
tu es Deus Israël, et ego servus tuus.
Et cécidit ignis Dómini, et vorávit
holocáustum. Alleluja.

¶ In Missis votivis, post Septuag.,
omissis Alleluja et Versu sequenti,
dicitur

Tractus Ps. 26, 2-3 Qui tríbulant
me inimíci mei, ipsi infirmáti sunt
et cecidérunt. **V.** Si consistant ad-
vérsum me castra, non timébit cor
meum. **V.** Si exsúrgat advérsum me
prælium, in hoc ego sperábo.

Tempore autem Paschali, omittitur
Graduale, et ejus loco dicitur :

Alleluja, alleluja. **V. 3 Reg. 18, 36,**
38 Dómine Deus, osténde hódie quia
tu es Deus Israël, et ego servus tuus.
Et cécidit ignis Dómini, et vorávit
holocáustum. Alleluja. **V. Ps. 85, 10**
Magnus es tu, Dómine, et fáciens
mirabília : tu es Deus solus. Alleluja.

† Sequéntia sancti Evangélii secún-
dum Lucam. **Luc. 9, 28-36**

TN illo témpore : Assúmpsit Jesus
Petrum, et Jacóbum, et Joán-
nem, et ascéndit in montem ut orá-
ret. Et facta est, dum oráret, spécies
vultus ejus áltera : et vestitus ejus
albus et refúlgens. Et ecce duo viri
loquebántur cum illo. Erant autem
Móyses, et Elías, visi in majestáte :
et dicébant excéssum ejus, quem
completúrus erat in Jerúsalem. Pe-
trus vero, et qui cum illo erant,
graváti erant somno. Et evigilántes
vidérunt majestátem ejus, et duos
viros, qui stabant cum illo. Et fa-
ctum est cum discéderent ab illo,
ait Petrus ad Jesum : Præcéptor,
bonum est nos hic esse : et faciámus
tria tabernácula, unum tibi, et unum
Móysi, et unum Elíæ, nésciens quid
diceret. Hæc autem illo loquénte,
facta est nubes, et obumbrávit eos :
et timuérunt, intrántibus illis in nu-
bem. Et vox facta est de nube,
dicens : Hic est Filius meus diléctus,
ipsum audíte. Et dum fieret vox,
invéntus est Jesus solus. Et ipsi

tacuérunt, et némini dixérunt in illis diébus quidquam ex his, quæ víde-rant.

Credo ratione Octavæ.

Offertorium Jac. 5, 17-18 Elías homo erat símilis nobis passíbilis : et oratióne orávit, ut non plueret super terram, et non pluit annos tres, et menses sex. Et rursum orávit : et cælum dedit pluviam, et terra dedit fructum suum, alleluja.

Secreta

Offérimus tibi, Dómine, hóstiam laudis in honórem sancti Eliae, Prophétæ tui : et sicut tu holocáusto illius adfuísti, ita sacrificium nostrum acceptare dignérис; ut per illud ad ætérnam pervenire mereámur lætitiam. Per Dóminum.

Pro S. Hieronymo

Secreta

Clementissime Deus, qui, véteri hómine consúmpto, novum scúndum te in beáto Hierónymo créare dignátus es : da, per mérita ipsius ; ut nos páriter renováti, hanc placatiónis hóstiam in odórem tibi suavíssimum offerámus.

Pro Octava

Secreta

Deus, qui per depositiόnem sanctissimi Córporis Fílli tui in Sepúlcro, idem Sepúlcrum sanctificásti : concéde, quásimus ; ut in hoc Sepúlcro ánima et corde habitémus.

Pro S. Joseph Justo

Secreta

Oblátum tibi munus, quásimus Dómine, in odórem suavitatis ascéndat, et Sancto Joseph Confessóre tuo intercedénte, nos córpore et mente puríficet.

Pro S. Margarita

Secreta

Hostias tibi, Dómine, beátæ Margaritæ Vírginis et Mártyris tuæ dicátas méritis, benignus assúme : et

ad perpétuum nobis tríbue proveníre subsídium. Per Dóminum.

Præfatio Paschalis de Octava.

Communio 3 Reg. 19, 8 Comédit Elías et bibit, et ambulávit in fortitudine cibi illius usque ad montem Dei, alleluja.

Postcommunio

Deus, qui per sanctum Angelum beáto Eliae, Prophétæ tuo, cibum et potum tribuísti : ipso interveniente concéde ; ut, quæ de cælesti mensa percépimus, sincéris méntibus illibáta servémus. Per Dóminum.

Pro S. Hieronymo Postcommunio

Angelórum pane refécti te, Dómine, suppliciter deprecámur : ut, qui ánnuam beáti Hierónymi Confessóris tui memóriam celebráre gaudémus ; ejúsdem étiam et exémplum imitémur, et amplíssimum in regno tuo præmium obtinére valeámus.

Pro Octava

Postcommunio

Deus, qui nos sancti Sepúlcri Fílli tui lætári facis honore : præsta, quásimus ; ut, in eódem sepúlti, mundo moriámur, et tibi soli vivámus.

Pro S. Josepho Justo

Postcommunio

Cælestibus, Dómine, participatio sacraméntis, sancti Joseph Confessóris tui suffragántibus méritis, fidèles tuos mundet et múniat, ac bonis opéribus júgiter præstet esse inténtos.

Pro S. Margarita Postcommunio

Divini múnneris largítate satiáti, quásimus, Dómine Deus noster : ut, intercedénte beáta Margarita Vírgine et Mártyre tua, in ejus semper participatióne vivámus. Per Dóminum.

Die 21 Julii

S. ELIÆ Episcopi Hierosolym.,
Confessoris Duplex

Missa Státuit, de Communi Conf.
Pontificis, præter sequentia :

Oratio

Sancti Eliae, Dómine, Confessoris
tui atque Pontificis méritis adju-
vémur, ut sicut te in illo mirábilem
prædicámus, ita in nos misericórdem
fuisse gloriémur. Per Dóminum.

Et fit Com. Octavæ SS. Sepulcri :

Oratio

Domine Iesu Christe, qui pro no-
bis mortem subíre, et in Se-
púlcro depósitus, tértia die resúrgere
voluísti : concéde fámulis tuis; ut,
qui Sepúlcri tui memóriam recóli-
mus, resurrectiónis quoque glóriae
partícipes esse mereámur.

Deinde Commem. S. Praxedis Virg.

Oratio

Exaudi nos, Deus salutáris no-
ster : ut, sicut de beatæ Pra-
xedis Vírginis tuæ festivitáte gau-
démus; ita piæ devotiónis erudiá-
mur afféctu. Per Dóminum.

Dicitur Credo ratione Octavæ

Secreta

Sacrándum tibi, Dómine, munus
offérimus, quo beatæ Eliae Confes-
soris atque Pontificis solémnia recen-
séntes, purificátióne quoque nostris
méntibus implorámus. Per Dóminum.

Pro Octava SS. Sepulcri Secreta

Deus, qui per depositiónem san-
ctissimi Córporis Filii tui in
Sepúlcro, idem Sepúlcrum sanctifi-
cásti : concéde, quæsumus; ut in hoc
Sepúlcro ánima et corde habitémus.

Pro S. Praxede Secreta

Accépta tibi sit, Dómine, sacratæ
plebis oblátio pro tuórum ho-
nóre Sanctórum : quorum se méritis

de tribulatióne percepísse cognóscit
auxílium. Per Dóminum.

Præfatio Paschalis de Octava

Postcommunio

Mysticis, Dómine, repléti sacra-
méntis, te suppliciter depre-
cámur; ut quæ pro beatæ Eliae Con-
fessoris tui atque Pontificis cele-
bráta sunt glória, nobis proficiant
ad medélam. Per Dóminum.

Pro Octava SS. Sepulcri

Postcommunio

Deus, qui nos sancti Sepúlcri Fílii
tui lætári facis honóre : præsta,
quæsumus; ut, in eódem sepúlti,
mundo moriámur, et tibi soli vivá-
mus.

Pro S. Praxedede Postcommunio

SAtiásti, Dómine, famíliam tuam
munéribus sacrís : ejus, quæsumus,
semper interventiōne nos ré-
fove, cujus solémnia celebrámus. Per
Dóminum.

— Die 22 Julii —

S. MARIÆ MAGDALENÆ Pœnit.

Duplex II classis

Missal ut in Missali.

Et fit Commemoratio diei Octavæ
SS. Sepulcri D. N. J. C., ut supra
21 Julii. — Præfatio de Octava.

— Die 29 Julii —

S. MARTHÆ Virginis

Duplex

Introitus

Joann. 12



UI mihi minístrat, me se-
quátur; et ubi ego sum
illuc et miníster meus erit.
Si quis mihi ministráve-
rit, honorífábit eum Pater meus,
dicit Dóminus omnípotens. Ps. 100
Oculi mei ad fidéles terræ, ut sédeant
mecum; ámbulans in via immaculáta,
hic mihi ministrábat. Glória Patri.

Oratio

OMnipotens sempiterne Deus, qui Unigenitum tuum, pro salute hominum in terris conversantem, beatae Virginis Marthae hospitio suscipi voluisti; praesta, quæsumus, ut, ejusdem Virginis meritis et intercessione in caelorum domicilio recipi misericorditer valeamus. Per eumdem Dominum.

Et fit Commemoratio Ss. Felicis et Sociorum Martyrum.

Oratio

PRæsta, quæsumus, Domine: ut, sicut populus christianus Martyrum tuorum Felicis, Simplicii, Faustini et Beatricis temporali solemnitate congregaudet, ita perfruatur æterna; et, quod votis celebrat, comprehendat effectu. Per Dominum.

Lectio libri Sapientiae. **Eccli. 26**

Gratia mulieris sedulae delectabit virum suum, et ossa illius impinguabit; disciplina illius datum Dei est. Mulier sensata et tacita, non est immutatio eruditæ animæ. Gratia super gratiam, mulier sancta et pudorata: omnis autem ponderatio non est digna continentis animæ. Sicut sol oriens mundo in altissimis Dei, sic mulieris bonæ species in ornamentum domus ejus. Lucerna splendens super candelabrum sanctum, et species faciei super etatem stabilem. Columnæ aureæ super bases argenteas, et pedes firmi super plantas stabilis mulieris. Fundamenta æterna super petram solidam, et mandata Dei in corde mulieris sanctæ.

Graduale **Luc. 10** Domine, non est tibi curæ, quod soror mea reliquit me solam ministrare? Dic ergo illi ut me adjuvet. **XV. Martha, Martha,** sollicita es, et turbaris erga plurima; porro unum est necessarium.

Alleluja, alleluja. **XV. Martha** autem satagébat circa frequens ministrium. Alleluja.

+ Sequentia sancti Evangelii secundum Lucam. **Luc. 10, 38-42**

TIN illo tempore: Intravit Jesus in quoddam castellum, et mulier quædam, Martha nomine, excipit illum in domum suam, et huic erat soror nomine Maria, quæ etiam sedens secus pedes Domini, audiébat verbum illius. Martha autem satagébat circa frequens ministrium: quæ stetit, et ait: Domine, non est tibi curæ quod soror mea reliquit me solam ministrare? Dic ergo illi ut me adjuvet. Et respondens dixit Dominus: Martha, Martha, sollicita es et turbaris erga plurima: porro unum est necessarium. Maria optimam partem elegit, quæ non auferetur ab ea.

Offertorium **Eccli. 24** In habitacione sancta coram ipso ministravi; et sic in Sion firmata sum, et in civitate sanctificata similiter requievi, et in Jerusalem potestas mea.

Secreta

ADmitte, pie et misericors Deus, hostias et preces quas in sancto altari tuo tibi devote offerimus, ob commemorationem sanctæ Virginis tuae Marthæ; ut sicut illa pura tibi mente servivit in terris; ita nos ejus intercessione, post hujus ministrii decursum, feliciter vivamus in caelis. Qui vivis.

Pro Ss. Felice et Soc. Mm.

Secreta

Hostias tibi, Domine, pro sanctorum Martyrum tuorum Felicis, Simplicii, Faustini et Beatricis commemoratione deferimus: suppliciter deprecantes; ut indulgentiam nobis pariter conferant, et salutem. Per Dominum.

Communio *Luc. 10* Intrávit Jesus in quoddam castéllum, et múlier quædam, Martha nōmine, excépit illum in domum suam.

Postcommunio

SUmptis, Dómine, salútis ætérnæ mystériis, te supplíciter exorámus, ut intercedénte beáta et glo-riosa Vírgine Martha hóspita tua, illius gaudiórum efficiámur partícipes, et æténni prémii cohaéredes. Qui vivis.

Pro Ss. Felice et Soc. Mm.

Postcommunio

Præsta, quæsumus, omnípotens Deus : ut sanctórum Mártyrum tuórum Felícis, Simplíci, Faustíni et Beatrícis cælestibus mystériis celebráta solémnitas, indulgéntiam nobis tuæ propitiatiónis acquírat. Per Dóminum.

FESTA AUGUSTI

Die 3 Augusti

INVENTIO S. STEPHANI

Protomartyris Duplex majus

Missa ut in Missali.

Et fit Commemoratio Ss. Gamalielis, Nicodemi et Abibonis, Cc.

Oratio

Deus, qui nos cónspicis ex nostra infirmitáte deficere, ad amórem tuum nos misericórditer per Sanctórum tuórum Gamaliélis, Nicodémi et Abibónis exémpla restáura. Per Dóminum.

Secreta

Mystica nobis, Dómine, prospicit oblátio; quæ nos et a reáribus nostris expédiat, et perpétua salvatióne confírmet. Per Dóminum.

Postcommunio

Quæsumus, omnípotens Deus, ut reáts nostros múnera sacráta purifícent, et recte vivéndi in nobis operéntur efféctum. Per Dóminum.

Die 6 Augusti

TRANSFIGURATIO D. N. J. C.

Duplex I classis

Missa ut in Missali sine Commemoratione Ss. Xysti II Pp. et Soc. Martyrum.

Dom. infra Oct. Assumpt. B. M. V.

B. M. V. REGINÆ PALÆSTINÆ

Patronæ Diœceseos Patriarchalis

Duplex I classis

Missa de Assumptione B. M. V., præter sequentes Orationes :

Oratio

Deus, qui admirábili providéntia cuncta dispónis, te súpplices exorámus : ut sanctam Palæstínæ terram, in qua Unigénitus tuus sacra redemptiónis mystéria ineffábili caritaté perfécit; intercedénte beáta Vírgine María, Palæstínæ Regína, ab ómnibus adversítibus defénsam, in sancta professióne majestáti tuæ dignánter servire concédas. Per eúmdem Dóminum.

Et fit Commemoratio Dominicæ currentis ut in Missali.

Secreta

Munera plebis tuæ, quæsumus, Dómine, beatíssima Palæstínæ Regína interveniente, tibi plácita fiant : ut, quæ pro illius glória tuo nómini deferúntur, infirmitáti nostræ proficiant ad medélam. Per Dóminum.

Et fit Commemoratio Dominicæ currentis.

Postcommunio

Sanctificáti, Dómine, salutári mystério, quæsumus, ut qui terram pretióso Filii tui sanguine consecrátam a te peregrinántes incólimus; intercedénte gloriósa Palæstínæ Regína, Dei Genitríce María, ad pátriam tandem perveniámus ætérnam. Per eúmdem Dóminum.

Et fit Com. Dominicæ, et legitur ejus Evangelium in fine.

In Missis Votivis (infra annum) :

Missä ut supra, præter sequentia.

Introitus

Ps. 44, 13

VUltum tuum deprecabuntur omnes dívites plebis; adducéntur Regi vírgines post eam; próximæ ejus adducéntur tibi in lætitia et exsultatióne. **Ps. 44, 2** Eructávit cor meum verbum bonum : dico ego ópera mea regi. **¶** Glória Patri.

Post Septuagesimam, omissis Alleluia et Versu, dicitur

Tractus Exaltáta est Sancta Dei Génitrix, super choros Angelórum ad cælestia regna. **¶** Paradísi portæ per te nobis apértæ sunt, quæ gloriósa cum Angelis triúmphas. **¶** **Luc. 1, 42** Benedicta tu in muliéribus, et benedictus fructus ventris tui.

Tempore Paschali : Omittitur Gra-duale et ejus loco dicitur :

Alleluja, alleluja. **¶** María Virgo assúmpta est ad æthéreum thálamum; in quo rex regum stelláto sedet sólio. Alleluja.

¶ María Virgo cælos ascéndit; gaudéte, quia cum Christo regnat in ætérnum. Alleluja.

Die 18 Augusti

S. HELENÆ Imperatr. Viduæ Duplex II classis

Missa Mihi autem, approbata pro aliquibus locis, ut in App. Missalis.

Et, in Missis privatis tantum, fit Commemoratio S. Agapiti Martyris, ut in Missali, die 18 Augusti.

Die 23 Augusti

S. ZACHÆI

Episc. Hierosolym., Conf. Duplex

Missä Sacerdótes, de Communi Confessoris Pontificis, præter seq. :

Oratio

Exaudi, quæsumus, Dómine, preces nostras quas in beáti Zachæi Confessóris tui atque Pontificis solemnitaté deférimus, et, qui tibi digne méritum famulári, ejus intercedéntibus méritis, ab ómnibus nos absólve peccátis. Per Dóminum.

Et fit Commemoratio S. Philippi Benitii Confessoris.

Oratio

Deus, qui per beátum Philíppum Confessórem tuum, exímium nobis humilitatis exémplum tribuísti : da fámulis tuis próspera mundi ex ejus imitatióne despícere, et cælestia semper inquirere. (Per Dóminum.)

Deinde Vigiliæ S. Bartholomæi Ap. Oratio

Da, quæsumus, omnípotens Deus, ut beáti Bartholomæi Apóstoli tui, quam prævenímus, veneranda solémnitas, et devotiōnem nobis áugeat, et salútem. Per Dóminum.

Secreta

Réspice, Dómine, múnera supplícantis populi : et, perpétua beáti Zachæi Confessóris ac Pontificis intercessiōne, suménda concéde. Per Dóminum.

Pro S. Philippo Benitio Secreta

Præsta nobis, quæsumus omnípotens Deus : ut nostræ humilitatis oblatio, et pro tuorum tibi grata sit honore Sanctorum, et nos cōpōrē páriter et mente purifīcet. (Per Dóminum.)

Pro Vigilia S. Bartholomæi**Secreta**

APostólici reveréntia cùlminis offeréntes tibi sacra mystéria, Dómine, quæsumus : ut beati Bartholomæi Apóstoli tui suffrágii, cujus natalitia prævenimus; plebs tua semper et sua vota deprómat, et desideráta percípiat. Per Dóminum.

Postcommunio

Propitiáre, Dómine, supplicatióibus nostris, et has oblatiōnes pòpuli tui benignus assúme, et, beati Zachæi Confessoris tui atque Pontificis précibus, ad regna cælórum nos fáciás pervenire. Per Dóminum.

Pro S. Philippo Benitio**Postcommunio**

Quæsumus, omnípotens Deus : ut, qui cælestia aliménta percépimus, intercedénte beato Philippo Confessore tuo, per hæc contra ómnia advérsa muniámur. (Per Dóminum.)

Pro Vigilia S. Bartholomæi**Postcommunio**

Sancti Apóstoli tui Bartholomæi, quæsumus, Dómine, supplicatiōne placátus : et véniam nobis tríbue, et remédia sempitérana concéde. Per Dóminum.

Et legitur Evangelium Vigiliæ Hoc est præcéptum meum, de Communi, ut in Vigiliis Apostolorum.

Die 25 Augsti**S. LUDOVICI Regis, Conf.****Duplex majus**

Missa ut in Missali.

Die 29 Augsti**Pro Transjordania****DECOLLATIÖ****S. JOANNIS BAPTISTÆ****Duplex I classis cum Oct. communi**

Missa ut in Missali cum Credo per totam Octavam, ac sine Commemoratione S. Sabinæ Mart.

¶ Infra Octavam, in Festis occurrentibus, quæ non sint I vel II cl., fit Commem. Octavæ juxta rubricas.

FESTA SEPTEMBRIS**Die 1 Septembri****Pro Transjordania****De IV die infra Octavam****DECOLLATIONIS S. JOANNIS**

Missa ut in Feste die 29 Augusti cum Credo.

Et fit Commemoratio S. Ægidii Abbatis ac Ss. Duodecim Fratrum Martyrum.

Die 2 Septembri**S. BROCARDI****Ord. Carm., Confess. Duplex**

Missa Os justi, de Communi Confessoris non Pontificis, præter seq. :

Oratio

Sanctifica, Dómine, fámulos tuos in veneratiōne beati Brocárdi, Montis Carméli íncolæ, Confessoris tui, humíliter supplicantes; ut ejus salutáribus patrocínii vita nostra inter advérsa ubique regáatur. Per Dóminum.

Et fit Commemoratio S. Stephani Regis Confessoris.

Oratio

Concéde, quæsumus, Ecclésiæ tuae, omnípotens Deus : ut beatum Stéphanum Confessorem tuum,

quem regnántem in terris propagatórem hábuit, propugnatórem hárē mereáatur gloriósū in cælis.
(Per Dóminum.)

Deinde in Transjordania Commemoratio Octavæ Decollationis S. Joannis.

Oratio

Sancti Joánnis Baptistæ Præcursoris et Mártyris tui, quæsumus, Dómine, veneranda festivitas: salutáris auxílii nobis præstet efféctum: Qui vivis.

† Sequentia sancti Evangélii secundum Mattháeum. Matth. 19, 27-29

Tn illo tempore: Dixit Petrus ad Iesum: Ecce nos reliquimus ómnia, et secuti sumus te: quid ergo erit nobis? Jesus autem dixit illis: Amen dico vobis, quod vos, qui secuti estis me, in regeneratióne, cum séderit Filius hóminis in sede majestatis suæ, sedébitis et vos super sedes duódecim, judicantes duódecim tribus Israël. Et omnis, qui reliquerit domum, vel fratres, aut sorores, aut patrem, aut matrem, aut uxórem, aut filios, aut agros, propter nomen meum, céntrum accípiet, et vitam æternam possidébit.

In Transjordania dicitur Credo ratione Octavæ.

Secreta

Suscipe, Dómine, oblationem mundam salutáris hóstiæ; et præsta, ut intercedente beáto Brocárdo Confessóre tuo, ubique géntium júgiter offerátur. Per Dóminum.

Pro S. Stephano Rege Secreta

Réspice, quas offérimus, hóstias, omnípotens Deus: et præsta; ut, qui passiónis Domínicae mystéria celebrámus, imitémur quod ágimus. (Per Dóminum.)

In Transjordania

Pro Octava

Secreta

Munera, quæ tibi, Dómine, pro sancti Mártyris tui Joánnis Baptistæ passióne deférimus: quæsumus; ut ejus obténtu nobis proficiant ad salútem. Per Dóminum.

Postcommunio

Crescat in nobis, Dómine, tuæ pietatis efféctus salutáris; ut cælesti pábulo nutriti, æternæ vitæ corónam, beáto Brocárdo intercérente, felíciter assequámur. Per Dóminum.

Pro S. Stephano Rege

Postcommunio

Præsta, quæsumus, omnípotens Deus: ut beáti Stéphani Confessoris tui fidem cóngrua devotióne sectémur; qui pro ejúsdem fidei dilatatióne, de terréno regno ad cælestis regni glóriam méruit pervenire. (Per Dóminum.)

In Transjordania

Pro Octava

Postcommunio

Conferat nobis, Dómine, sancti Joánnis Baptistæ solémnitas: ut et magnifica sacraménta, quæ súmpsimus, significáta venerémur, et in nobis pótius édita gaudeámus. Per Dóminum.

— Die 3 Septembris —

Pro Transjordania

Die VI infra Octavam

DECOLLATIONIS

S. JOANNIS BAPTISTÆ

Semiduplex

Missa ut in Festo die 29 Augusti cum Credo; 2^a Oratio Concéde, et 3^a contra persecutores Ecclesiæ vel pro Papa.

Die 4 Septembbris

S. MOYSIS Legislatoris, Conf.
Duplex majus

Introitus



Exod. 15, 2

Ortitúdo mea, et laus mea
Dóminus, et factus est
mihi in salútem; iste Deus
meus, et glorificábo eum;
Dóminus quasi vir pugnátor, omni-
potens nomen ejus. **Cant. Jud. 16, 3**
Dóminus cónterens bella; Dóminus
nomen est illi. **¶** Glória Patri.

Oratio

OMnípotens et misericors Deus,
qui ad educéndum pópulum
tuum de servitúte Ægypti Sanctum
Móysen elegísti, eíque legem tuam
sanctam vulgándam credidísti; fac
nos ejus intercessióne, ita legis quæ
ab Unigénito Fílio tuo adimpléta
est, præcépta serváre; ut a dæmonis
servitúte semper liberi, ab Ægypto
hujus sǽculi in promíssam éléctis
tuis perpétuæ beatitúdinis terram
migráre mereámur. Per eúmdem
Dóminum.

Et fit Commemoratio S. Aaron
Primi Sacerdotis, Confessoris.

Oratio

DEUS, qui Móysi fámulo tuo man-
dátum dedísti, ut Aaron fratrem
suum per infusiónem sacri ólei con-
stitúeret sacerdótem; concéde nobis
fámulis tuis; ut per unctionem grá-
tiæ tuæ in viscéribus nostris Spí-
ritus sanctitátis innovétur. (Per Dó-
minum... ejúsdem Spíritus.)

Deinde, in Transjordania, Commem.
Octavæ Decollationis S. Joannis.

Oratio

SAnti Joánnis Baptistæ Præcur-
soris et Mártiris tui, quæsumus,
Dómine, veneránda festivitas:
salutáris auxílii nobis præstet effé-
ctum: Qui vivis.

Léctio libri Sapiéntiæ.

Eccli. 45, 1-6

DIléctus Deo et homínibus
Móyses, cujus memória in bene-
dictióne est. Símilem illum fecit in
glória Sanctórum, et magnificávit
eum in timóre inimicórum, et in
verbis suis monstra placávit. Glo-
rificávit illum in conspéctu regum,
et jussit illi coram pópulo suo, et
osténdit illi glóriam suam. In fide
et lenitáte ipsíus sanctum fecit illum,
et elégit eum ex omni carne. Audívit
enim eum, et vocem ipsíus, et indúxit
illum in nubem. Et dedit illi coram
præcépta, et legem vitæ et disciplinæ,
docére Jacob testaméntum
suum, et judicia sua Israël.

Graduale Ps. 89, 1, 2 Dómine, refú-
gium factus es nobis, a generatióne
et progénie. **¶** Priúsqam montes
fierent, aut formaréetur terra et orbis,
a sǽculo, et usque in sǽculum tu
es Deus.

Allelúja, allelúja. **¶ Ps. 113, 1**
In éxitu Israël de Ægypto, domus
Jacob de pópulo bárbaro. Allelúja.

† Sequéntia sancti Evangélii secún-
dum Matthæum. **Matth. 17, 1-9**

IN illo témpore: Assúmpsit Jesus
Petrum, et Jacóbum, et Joánnem
fratrem ejus; et duxit illos in mon-
tem excélsum seórsum, et transfigu-
rátus est ante eos. Et resplénduit
fácies ejus sicut sol; vestiménta
autem ejus facta sunt alba sicut nix.
Et ecce apparuérunt ei Móyses et
Elías cum eo loquéntes. Respóndens
autem Petrus dixit ad Jesum: Dó-
mine, bonum est nos hic esse; si vis,
faciámus hic tria tabernácula, tibi
unum, Móysi unum, et Elíæ unum.
Adhuc eo loquénte, ecce nubes lúcida
obumbrávit eos. Et ecce vox de
nube dicens: Hic est Fílius meus
diléctus, in quo mihi bene complá-

cui; ipsum audíte. Et audiéntes discípuli cecidérunt in fáciem suam, et timuérunt valde. Et accéssit Jesus, et tétigit eos; dixítque eis : Súrgite, et nolíte timére. Levántes autem óculos suos, néminem vidérunt, nisi solum Jesum. Et descendéntibus illis de monte, præcépit eis Jesus dicens : Némini dixéritis visiónem, donec Filius hóminis a mórtuis resúrgat.

In Transjordania dicitur Credo ratione Octavæ.

Offertorium Exod. 32, 11 Precátus est Móyses in conspéctu Dómini Dei sui, et dixit : Quare, Dómine, irascéris in pôpulo tuo? Parce iræ animæ tuæ; meménto Abraham, Isaac et Jacob, quibus jurásti dare terram fluéntem lac et mel. Et placá-tus factus est Dóminus de maligni-táte, quam dixit fácere pôpulo suo.

Secreta

Deus, qui legálium differéntiam hostiárum unius sacrificii per-fectiōne sanxísti; áccipe sacrificium a devótis tibi fámulis, et sanctífica; ut, quod singuli obtulérunt ad ma-jestatis tuæ honórem, cunctis pro-ficiat ad salútem. Per Dóminum.

Pro S. Aaron

Secreta

Dómine, Deus noster, qui beátum Aaron in typum passiόnis Dómini nostri Jesu Christi, sacerdótem legálem consecrásti; præsta, quæ-sumus, nobis ut agnoscámus quod ágimus et imitémur quod tractámus; quátenus mortis dominicæ mystérium celebráentes, mortificáre membra nostra a vítiis et concupiscéntiis procurémus. (Per eúmdem.)

In Transjordania

Pro Octava

Secreta

Munera, quæ tibi, Dómine, pro sancti Mártiris tui Joánnis Baptistæ passiόne deférimus : quæ-

sumus; ut ejus obténtu nobis pro-ficiant ad salútem. Per Dóminum.

Communio Eccli. 15, 3 Cibávit illum Dóminus pane vitæ et intel-léctus, et aqua sapiéntiæ salutáris potávit illum.

Postcommunio

Deus, qui pôpulum tuum per qua-dráginta annos in desérto man-na cibásti, et in terram repromis-siōnis introduxísti; præsta, ut fá-muli tui ex hoc cælésti convívio promissiōnes tuas, quæ omne desi-dérium súperant, consequántur. Per Dóminum.

Pro S. Aaron

Postcommunio

MAjestátem tuam súpplices exo-rámus, ut qui per Aarónem Sacerdótem tuum manna in fœderis arca repónere præcepísti; ita nos pane cælésti refécti nutriámur ad vitam ætérnam. (Per Dóminum.)

In Transjordania

Pro Octava

Postcommunio

Conferat nobis, Dómine, sancti Joánnis Baptistæ solémnitas : ut et magnífica sacraménta, quæ súmpsimus, significáta venerémur, et in nobis pótius édita gaudeámus. Per Dóminum.

————— Die 5 Septembris —————

Pro Transjordania

OCTAVA DECOLLATIONIS

S. JOANNIS BAPTISTÆ

Patroni Transjordaniæ

Duplex majus

Missa ut in Festo die 29 Augusti cum Credo.

Et fit Commemoratio S. Laurentii Justiniani Ep. et Cf., ut in Missali.

Die 8 Septembbris
NATIVITAS B. MARIAE VIRGINIS
Duplex I classis
Missa ut in Missali sine Commemoratione S. Hadriani Martyris.

Die 14 Septembbris —
EXALTATIO
SANCTÆ CRUCIS D. N. J. C.
Duplex I classis

Missa ut in Missali.

Die 25 Septembbris —
S. ALBERTI Patr. Hierosolym.,
Legislator. Ord. Carm., Conf.
Duplex majus

Introitus

Ps. 49, 16, 8

 Ongregáte illi sanctos ejus qui ordinavérunt testaméntum ejus super sacrificia; et annuntiábunt cæli justítiam ejus, quia Deus tuus ego sum. **Ps. ibid.** Deus deórum locútus est; et vocávit terram. **XV.** Glória Patri.

Oratio

TUÆ benedictiónis plenitúdo su- per nos, quásimus Dómine, copiosa descéndat: et júgiter sancti Albérti Confessóris tui atque Pontíficiis placáre suffrágiis. Per Dóminum.

Et fit Commemoratio S. Cleophæ Discipuli et Mart.

Oratio

BÉati Cléophæ Discípuli tui et Mártyris, quásimus Dómine, supplicátiōne placátus, et véniam nobis tríbue, et remédia sempitérna concéde. Per Dóminum.

Léctio Epístolæ beáti Pauli Apóstoli ad Hebráeos. **Hebr. 13, 7-17**

Fratres: Mementóte præposítórum vestrórum, qui vobis locúti sunt verbum Dei; quorum

intuéntes éxitum conversatiónis, imitámini fidem. Jesus Christus heri et hódie: ipse et in sǽcula. Doctrínis váriis et peregrínis nólite abdúci. Optimum est enim grátia stabilire cor, non escis, quæ non profuérunt ambulántibus in eis. Habémus altáre, de quo édere non habent potestátem, qui tabernáculo desérviunt. Quorum enim animálium infértur sanguis pro peccáto in sancta per pontíficem, horum còrpora cremántur extra castra. Propter quod et Jesus, ut sanctificáret per suum sanguinem pòpulum, extra portam passus est. Exeámus igitur ad eum extra castra, impropérium ejus portántes. Non enim habémus hic manéntem civitátem, sed futúram inquirimus. Per ipsum ergo offerámus hóstiam laudis semper Deo, id est fructum labiòrum confiténtium nòmini ejus. Beneficéntiae autem et communiónis nólite oblivisci: tálibus enim hóstiis promerétur Deus. Obedíte præpósitis vestris et subjacéte eis. Ipsi enim pervigilant, quasi ratiónem pro animábus vestris redditúri.

Graduale Ps. 131 Sacerdótes ejus índuam salutári, et sancti ejus exsultatióne exsultábunt. **XV.** Illuc prodúcam cornu David, parávi lucérnam Christo meo.

Allelúja, allelúja. **XV. Ps. 109** Jurávit Dóminus, et non poenitébit eum; tu es sacérdos in ætérnum secúndum órdinem Melchísedech. Allelúja.

+ Sequéntia sancti Evangélii secún-dum Mattháeum. **Matth. 25, 14-23**

In illo tempore: Dixit Jesus discí-pulis suis parábolam hanc: Homo péregre proficíscens, vocávit servos suos, et trádidit illis bona sua. Et uni dedit quinque talénta, álii autem duo, álii vero unum, uni-cuíque secúndum própriam virtú-

tem, et profectus est statim. Abiit autem qui quinque talenta accéperat, et operatus est in eis, et lucratus est alia quinque. Similiter et qui duo accéperat, lucratus est alia duo. Qui autem unum accéperat, abiens fudit in terram, et abscóndit pecúniam domini sui. Post multum vero temporis venit dominus servorum illorum, et posuit rationem cum eis. Et accédens qui quinque talenta accéperat, obtulit alia quinque talenta, dicens : Domine, quinque talenta tradidisti mihi, ecce alia quinque superlucratus sum. Ait illi dominus ejus : Euge serve bone, et fidélis, quia super pauca fuisti fidélis, super multa te constituam : intra in gaudium domini tui. Accéssit autem et qui duo talenta accéperat, et ait : Domine, duo talenta tradidisti mihi, ecce alia duo lucratus sum. Ait illi dominus ejus : Euge serve bone, et fidélis, quia super pauca fuisti fidélis, super multa te constituam : intra in gaudium domini tui.

Offertorium Eccli. 24, 44 Doctrinam quasi antelucanum illúmino ómnibus, et enarrabo illam usque ad longinquum.

Secreta

Sint tibi plácita, Domine, populi tui votiva sacrificia : et quod possiblitas nostra impetrare non valet, beati Alberti Pontificis et Confessoris suffragio obtainere mereátur. Per Dominum.

Pro S. Cleopha

Secreta

Concède nobis, omnípotens Deus : ut his munéribus quae in sancti Cléophæ Discípuli et Mártyris tui commemoratione deférimus, et te placémus exhibitis, et nos vivificemur accéptis. Per Dominum.

Communio Eccli. 24 Videte quóniam non soli mihi laborávi, sed ómnibus exquiréntibus veritátem.

Postcommunio

Sacramentórum tuórum percepcióne refécti, súpplices te, Domine, deprecámur; ut beati Alberti Confessoris tui atque Pontificis, in cuius honore celebrántur, pia intercessióne, nobis salutária fore concédas. Per Dominum.

Pro S. Cleopha Postcommunio

Sancti Cléophæ Discípuli et Mártyris tui intercessione placátus; præsta, quæsumus : ut quod temporali celebrámus actione, perpétua salvatióne capiámus. Per Dominum.

— Die 30 Septemboris —

**S. HIERONYMI Presb.,
Conf. et Eccl. Doct.
Duplex II classis**

Missa ut in Missali.

FESTA OCTOBRI

— Die 3 Octobris —

**S. TERESIÆ A JESU INFANTE
Virginis, Patronæ princip.
Omnium Missionum**

**Duplex I classis cum Oct. Communi
pro Clero sæcul. tantum.**

**Missa ut in Missali. Et dicitur
Credo per totam Octavam.**

¶ Infra Octavam, in Festis occurrentibus, quæ non sint I vel II cl., fit Commemoratio Octavæ juxta rubricas.

— Die 5 Octobris —

De III die infra Octavam

**S. TERESIÆ A JESU INFANTE
Semiduplex**

Missa ut in Feste die 3 Octobris.

Et fit Commemoratio Ss. Placidi et Soc. Mm., ut in Missali.

Die 8 Octobris

S. SIMEONIS SENIS
Confessoris Duplex

Introitus

Ps. 39, 2

EXspéctans exspectávi Dóminum, et inténdit mihi, et exaudívit preces meas.

Ps. ibid. 5 Beátus vir, cuius est nomen Dómini spes ejus; et non respéxit in vanitátes et insárias falsas. **V.** Glória Patri.

Oratio

OMnipotens sempitérne Deus, qui Unigénitum tuum ulnis sancti Simeónis in templo sancto tuo suscipiéndum præsentásti; tuam súpplices deprecámur cleméntiam: ut eo interveniente in templo sancto glóriæ tuæ presentári mereámur. Per eúmdem Dóminum.

Et fit Commem. S. Birgittæ Viduæ.

Oratio

Domine, Deus noster, qui beátæ Birgittæ per Filium tuum unigénitum secréta cælestia revelásti: ipsius pia intercessióne da nobis fámulis tuis; in revelatióne sempiternæ glóriæ tuæ gaudére laetántes.

Deinde Commemoratio Octavæ S. Teresiæ a Jesu Infante.

Oratio

Domine, qui dixísti: Nisi efficiámini sicut párvuli, non intrábitis in regnum cælórum: da nobis, quæsumus; ita sanctæ Teresiæ Vírginis in humilitáte et simplicitáte cordis vestígia sectári, ut præmia consequámur ætéerna.

Postea Commemoratio S. Annæ Prophetissæ Viduæ.

Oratio

Deus, qui beátæ Annæ Prophétissæ misericórditer grátiam conférre dignátus es, ut Verbum

tuum Incarnátum óculis céneret, atque Redemptórem filiis Israël prouinciáret; concéde propítius nobis fámulis tuis: ut Unigénitum tuum veniéntem Júdicem secúri videámus. Per eúmdem Dóminum.

Léctio libri Apocalýpsis beáti Joánis Apóstoli. **Apoc. 22, 12-20**

Ecce vénio cito, et merces mea cum mecum est, réddere unicuique secúndum ópera sua. Ego sum alpha et ómega, primus et novíssimus, princípium et finis. Beáti, qui lavant stolas suas in sanguine Agni; ut sit potésta eórum in ligno vitæ, et per portas intrent in civitátem. Ego Jesus misi ángelum meum testificári vobis hæc in ecclésiis. Ego sum radix et genus David, stella spléndida et matutína. Et Spíritus et Sponsa dicunt: Veni. Et qui audit, dicat: Veni. Et qui sitit, véniat; et qui vult accípiat aquam vitæ gratis. Etiam vénio cito: Amen. Veni, Dómine Jesu.

Graduale **Luc. 2, 26** Respónsum accéperat Simeon a Spíritu Sancto non visúrum se mortem, nisi prius vidéret Christum Dómini. **V.** Et venit in spíritu in templum.

Allelúja, allelúja. **V.** Senex púerum portábat; Puer autem senem regébat. Allelúja.

+ Sequéntia sancti Evangélii secúndum Lucam. **Luc. 2, 25-35**

TIN illo témpore: Homo erat in Jerúsalem, cui nomen Simeon, et homo iste justus et timorátus, exspéctans consolatióne Israël, et Spíritus Sanctus erat in eo. Et respónsum accéperat a Spíritu Sancto, non visúrum se mortem nisi prius vidéret Christum Dómini. Et venit in Spíritu in templum. Et cum indúcerent púerum Jesum paréntes ejus, ut fácerent secúndum consue-

túdinem legis pro eo, et ipse accépit eum in ulnas suas, et benedíxit Deum et dixit : Nunc dimítis servum tuum, Dómine, secúndum verbum tuum in pace; quia vidérunt óculi mei salutáre tuum, quod parásti ante fáciem ómnium populórum, lumen ad revelatióne géntium et glóriam plebis tuæ Israël. Et erat pater ejus et mater mirántes super his, quæ dicebántur de illo. Et benedíxit illis Símeon et dixit ad Maríam matrem ejus : Ecce pósitus est hic in ruínam et in resurrectiónem multórum in Israël, et in signum cui contradicétur, et tuam ipsíus ánimam pertransíbit gládius, ut reveléntur ex multis córdibus cogitatiónes.

Et dicitur Credo ratione Octavæ.

Offertorium Luc. 2, 3 Nunc dimítis servum tuum, Dómine, secúndum verbum tuum in pace, quia vidérunt óculi mei salutáre tuum.

Secreta

OMnípotens sempitérne Deus, qui Unigénitum tuum ulnis sancti Simeónis in templo sancto tuo suscipiéndum præsentásti, tuam súpplices deprecámur cleméntiam; ut nos, hoc sacrificium digne offeréndo et sancto igne dulcissimæ caritatis tuæ succénsi, in templo sancto glóriæ tuæ representári mereámur. Per eúmdem Dóminum.

Pro S. Birgitta

Secreta

ACcépta tibi sit, Dómine, sacratæ plebis oblátio pro tuórum honóre Sanctórum : quorum se méritis de tribulatióne percepisse cognoscit auxílium.

Pro Octava

Secreta

SAcrifícium nostrum tibi, Dómine, quæsumus, sanctæ Terésiæ Víginis tuæ precátio sancta concíliet : ut in cuius honore solémniter exhib-

bétur, ejus méritis efficiátur accéptum.

Pro S. Anna

Secreta

DEus, qui magnus es in magnis, mirabília tamen gloriósius operáris in mínimis, súscipe hanc hóstiam placatiónis, ut nos participatióne Fílii tui dignos efficiat. Per eúmdem Dóminum.

Communio Luc. 2, 26 Respónsum accépit Símeon a Spíitu Sancto, non visúrum se mortem, nisi vidéret Christum Dómini.

Postcommunio

PErfice in nobis, quæsumus Dómine, grátiam tuam, qui justi Simeónis exspectatióne implésti : ut, sicut ille mortem non vidi priusquam Christum Dóminum videre mererétur, ita et nos per hæc mystéria videámus vitam ætérnam. Per eúmdem Dóminum.

Pro S. Birgitta Postcommunio

SAtiásti, Dómine, famíliam tuam munéribus sacris : ejus, quæsumus, semper interventiōne nos réfove, cujus solémnia celebrámus.

Pro Octava Postcommunio

Tllo nos, Dómine, amóris igne cæléste mystérium inflámmet : quo sancta Terésia Virgo tua se tibi pro homínibus caritatis víctimam devóvit.

Pro S. Anna Postcommunio

REfectio salutáris, quæsumus Dómine, cónferat nobis fidei, spei et caritatis, aliarúmque increménta virtútum; ut quam beáta Anna Prophetíssa incéptam agnóvit, ejus méritis, perféctam nos in Christo redemptiōnem assequámur. Per eúmdem Dóminum.

Die 9 Octobris

S. ABRAHÆ Patriarchæ, Conf.
Duplex majus

Introitus

Gen. 12, 2



Aciam te in gentem magnam, et benedícam tibi, et magnificábo nomen tuum, erisque benedictus.

Ps. 77, 2 Atténdite pópule meus legem meam; inclináte aurem vestram in verba oris mei. **X.** Glória Patri.

Oratio

Deus, qui in præmium fidei Fílium tuum Unigénitum ex sémine Abrahæ mundo nasci promisisti; concéde propitius : ut fide, quam in baptísmo suscépimus, in nobis usque ad mortem per caritatétem operánte, cælo nasci mereámur. Per eúmdem Dóminum.

Et fit Commemoratio Ss. Dionysii et Sociorum Martyrum.

Oratio

Deus, qui hodiérna die beátum Dionýsium Mártym tuum atque Pontíficem, virtúte constántiæ in passióne roborásti, quique illi, ad prædicándum géntibus glóriam tuam, Rústicum et Eleuthérium sociare dignátus es : tríbue nobis, quæsumus; eórum imitatióne, pro amóre tuo próspera mundi despícere, et nulla ejus advérsa formidáre. (Per Dóminum.)

Deinde Com. Octavæ S. Teresiæ V.

Oratio

Domine, qui dixísti : Nisi efficiámini sicut párvuli, non intrábitis in regnum cælórum : da nobis, quæsumus; ita sanctæ Terésiæ Vírginis in humilitáte et simplicitáte cordis vestígia sectári, ut præmia consequámur ætérrna : Qui vivis.

Léctio Epístolæ beáti Pauli Apóstoli ad Hebráeos. **Hebr. 11, 8-19**

Fratres : Fide Abraham obedívit in locum exire, quem acceptúrus erat in hæreditátem; et éxiit, nésciens quo iret. Fide demorátus est in terra repromissiónis, tamquam in aliéna, in cásulis habitándo cum Isaac et Jacob cohærédibus repromissiónis ejúsdem. Exspectábat enim fundaménta habéntem civitátem, cujus ártifex et cónditor Deus. Fide et ipsa Sara stérilis virtútem in conceptionem séminis accépit, étiam præter tempus ætátis, quóniam fidélem crédidit esse eum, qui repromiserat. Propter quod et ab uno orti sunt (et hoc emórtuo) tamquam sídera cæli in multitúdinem, et sicut aréna, quæ est ad oram maris, innumerabilis. Juxta fidem defúncti sunt omnes isti, non accéptis repromissiónibus, sed a longe eas aspiciéntes, et salutántes et confiténtes, quia peregríni et hóspites sunt super terram. Qui enim hæc dicunt, signíficant se pátriam inquirere. Et si quidem ipsius meminíssent de qua exiérunt, habébant útique tempus reverténdi; nunc autem meliórem áppetunt, id est cælestem. Ideo non confunditur Deus vocári Deus eórum, parávit enim illis civitátem. Fide óbtulit Abraham Isaac, cum tentarétur, et unigénitum offrébat, qui suscéperat repromissónes; ad quem dictum est : Quia in Isaac vocábitur tibi semen; árbitrans quia et a mórtuis suscitáre potens est Deus, unde eum et in parábola accépit.

Graduale Ps. 39, 5-6 Beátus vir, cujus est nomen Dómini spes ejus; et non respéxit in vanitátes et insánias falsas. **X.** Multa fecísti tu, Dómine Deus meus, mirabília tua; et cogitatióibus tuis non est qui similis sit tibi.

Allelúja, allelúja. **V. Eccli. 45, 14**
Coróna áurea super caput ejus,
expréssa signo sanctitatis, glória
honoris, et opus fortitudinis. Al-
lelúja.

**† Sequentia sancti Evangélii secún-
dum Joánnem. Joann. 8, 51-59**

TN illo tempore : Dixit Jesus
Judaeis : Amen, amen dico vobis,
si quis sermónem meum serváverit,
mortem non vidébit in ætérnum. Dixérunt ergo Judaei :
Nunc cognovimus quia demónium
habes. Abraham mórtuus est, et pro-
phétæ, et tu dicis : Si quis sermónem
meum serváverit, non gustábit mor-
tem in ætérnum. Numquid tu major
es patre nostro Abraham, qui mórtuus
est? et prophétæ mórtui sunt.
Quem te ipsum facis? Respóndit
Jesus : Si ego glorifico me ipsum,
glória mea nihil est; est Pater meus
qui glorificat me, quem vos dicitis
quia Deus vester est, et non cognovistis
eum. Ego autem novi eum; et si díxero
quia non scio eum, ero símilis vobis, mendax. Sed scio
eum, et sermónem ejus servo.
Abraham, pater vester, exsultávit
ut vidéret diem meum; vidi, et
gavísus est. Dixérunt ergo Judaei
ad eum : Quinquaginta annos non-
dum habes, et Abraham vidisti?
Dixit eis Jesus : Amen, amen, dico
vobis, antequam Abraham fieret, ego
sum. Tulérunt ergo lápides ut jáce-
rent in eum; Jesus autem abscóndit
se et exívit de templo.

Offertorium Ps. 117, 16 Déxtera
Dómini fecit virtútem, déxtera Dó-
mini exaltávit me, non móriar, sed
vivam et narrábo ópera Dómini.

Secreta

DEUS qui próprio Filio tuo Uni-
génito non pepercisti, sed illum
pro nobis ómnibus tradidisti, con-

céde fámulis tuis per oblationem
patriarchæ nostri Abrahæ, ut hoc
sacrificium devotioi nostræ proficiat
et saluti. Per eúmdem Dóminum.

Pro Ss. Martyribus Secreta

O Bláta tibi, Dómine, múnera pó-
puli tui, pro tuorum honore
Sanctórum, súscipe propítius, quæ-
sumus : et eórum nos intercessióne
sanctifica. (Per Dóminum.)

Pro Octava Secreta

SAcrifícium nostrum tibi, Dómine,
quæsumus, sanctæ Terésiae Vírginis
tuæ precatio sancta concíliet :
ut in cujus honore solémniter exhibé-
tur, ejus méritis efficiatur accéptum.
Per Dóminum.

Communio Eccli. 44, 20 Abraham
magnus pater multitúdinis géntium,
et non est invéntus símilis illi in
glória; qui conservávit legem excélsi,
et fuit in testaménto cum illo.

Postcommunio

DEUS, qui in Abrahæ fámuli tui
ópere, humáno géneri obediéntiæ
exempla tribuísti; concéde : ut
in diébus nostris et mérito et número
pópulus tibi sérviens augeátur. Per
Dóminum.

Pro Ss. Martyribus

Postcommunio

SUmptis, Dómine, sacraméntis,
quæsumus : ut, intercedéntibus
beátis Martýribus tuis Dionýsio,
Rústico et Eleuthério, ad redem-
ptiōnis ætérnæ proficiámus aug-
mémentum. (Per Dóminum.)

Pro Octava Postcommunio

Illó nos, Dómine, amoris igne
cælesti mystérium inflámmet :
quo sancta Terésia Virgo tua se tibi
pro homínibus caritatis víctimam
devóvit. Per Dóminum.

Die 10 Octobris

OCTAVA S. TERESIÆ
A JESU INFANTE Virginis,
Patronæ princip. Missionum
Duplex majus

Missa ut in Missali die 3 Octobris,
cum Credo.

Et fit Commemoratio S. Francisci
Borgiæ Conf., ut in Missali, die
10 Octobris.

— Die 21 Octobris —

S. HILARIONIS Abbatis
Duplex

Missa ut in Missali.

Et fit Commemoratio Ss. Ursulæ
et Sociarum Mm., ut in Missali.

— Die 22 Octobris —

S. MARCI Episc. Hierosolym., Mart.
Duplex

Missa Státuit, de Communi unius
Martyris Pontificis, præter seq. :

Oratio

Tntercéssio, quæsumus Dómine,
beáti Marci Mártiris tui atque
Pontificis, tuam nobis non désinat
placare justitiam, et nostrum tibi
devótum efficere famulátum. Per
Dóminum.

Secreta

OBlatiónes nostras, quæsumus,
Dómine, beáti Marci Mártiris
tui atque Pontificis comméndet
oráto; mentésque nostras caritátis
flamma succéndat. Per Dóminum.

Postcommunio

CÆlestis doni benedictióne per-
cépta, te, Dómine, supplíciter
exorámus; ut beáti Marci Mártiris
tui atque Pontificis veráciter fárias

imitatóres, quem per caritátis stú-
dium cælestis aula suscépit. Per
Dóminum.

— Die 23 Octobris —

SS. REDEMPTORIS
Duplex I classis

Missa Gaudens, approbata pro
aliquibus locis, ut in App. Missalis.

— Die 29 Octobris —

S. NARCISSI

Episc. Hierosolym., Conf. Duplex

Missa Státuit, de Communi Con-
fessoris Pontificis, præter seq. :

Oratio

OMnípotens sempitérne Deus,
fidélium tuórum indeficiens con-
servátor, qui hunc diem gloriósi
Confessóris tui atque Pontíficis
Narcíssi glorificare dignátus es so-
lemnitaté; exáudi preces supplí-
cántis Ecclésiæ, et præsta: ut quod
devóte expetit, eo suffragánte cón-
sequi mereátur. Per Dóminum.

Secreta

TN conspéctu tuo, Dómine, quæ-
sumus, tália nostra sint múnera,
quæ, intercedénte beáto Narcíssso
Confessóre tuo atque Pontífice, et
placare te váleant, et nos tibi placere
perficiant. Per Dóminum.

Postcommunio

SUplices te rogámus, omnípo-
tens Deus, ut quos donis cæ-
lestibus satiásti, intercedénte beáto
Narcíssso Confessóre tuo atque Pon-
tíifice, perpétua protectióne custó-
dias. Per Dóminum.

FESTA NOVEMBRIS

Die 5 Novembris

S. ZACHARIAE

Patris Præcursoris Domini, Conf.

Duplex majus

Introitus Luc. 1, 13

NE tímeas, Zacharia, exaudita est oratio tua; et Elísabeth uxor tua páriet tibi filium, et vocábis nomen ejus Joánnes. **Ps. 111** Beátus vir, qui timet Dóminum; in mandátis ejus volet nimis. **¶** Glória Patri.

Oratio

VIgeat, quæsumus Dómine, semper in méntibus nostris divinæ tuæ præséntiæ memória, suffragántibus méritis beati Zachariæ, quem Præcursóris Filii tui patrem esse voluísti: ut, te super ómnia diligétes, ad promissiónes tuas, quæ omne desidérium súperant, sine offensióne currámus. Per eúmdem Dóminum.

Et fit Commemoratio Octavæ Omnium Sanctorum.

Oratio

OMnipotens sempitérne Deus, qui nos ómnium Sanctórum tuórum mérita sub una tribuísti celebritáte venerári: quæsumus; ut desiderátam nobis tuæ propitiatiónis abundántiam, multiplicátis intercessóribus, largiáris.

Deinde Commemoratio S. Elisabeth, Matris Præcursoris Domini.

Oratio

Deus, qui in præclára stérilis beátæ Elísabeth fœcunditáte mundum lætificásti; præsta, quæsumus; ut, per quam cælestis Regis Præcónem in terris audívimus, ejus

quoque præcibus sempitérnæ vitæ gáudia in cælo percípere mereámur. Per Dóminum.

Léctio libri Sapiéntiæ.

Eccli. 31

BÉatus vir, qui invéntus est sine mácula; et qui post aurum non ábiit, nec sperávit in pecúnia et thesáuris. Quis est hic, et laudábimus eum? Fecit enim mirabília in vita sua. Qui probátus est in illo, et perféctus est, erit illi glória ætérna; qui pótuit tránsgredi, et non est transgréssus; fáceré mala et non fecit; ídeo stabilíta sunt bona illíus in Dómino; et eleemosynas illíus enarrábit omnis Ecclésia Sanctórum.

Graduale Ps. 91, 13 Justus ut palma florébit; sicut cedrus Líbani multiplicábitur in domo Dómini. **¶** Ad annuntiandum mane misericórdiam tuam, et veritátem tuam per noctem.

Allelúja, allelúja. **¶** **Jac. 1, 12** Beátus vir, qui suffert tentatióñem, quóniam cum probátus fúerit, accípiet corónam vitæ. Allelúja.

+ Inítium sancti Evangélii secúndum Lucam.

Luc. 1, 5-17

Fuit in diébus Heródis regis Judææ, sacérdos quidam nómine Zachariás, de vice Abía, et uxor illíus de filiábus Aaron, et nomen ejus Elísabeth. Erant autem justi ambo ante Deum, incedéntes in ómnibus mandátis, et justificatióníbus Dómini sine queréla; et non erat illis filius, eo quod esset Elísabeth stérilis, et ambo proces síssent in diébus suis. Factum est autem, cum sacerdótio fungeréatur in órdine vicis suæ ante Deum, secúndum consuetúdinem sacerdóti, sorte éxiit ut incénum póneret, ingréssus in templum Dómini; et omnis multitúdo pòpuli erat orans

foris hora incénsi. Appáruit autem illi Angelus Dómini, stans a dextris altáris incénsi. Et Zacharías turbátus est videns, et timor írruit super eum. Ait autem ad illum Angelus: Ne tímeas, Zacharía, quóniam exaudíta est deprecátió tua; et uxor tua Elísabeth páriet tibi filium, et vocábis nomen ejus Joánnem; et erit gáudium tibi, et exsultátió, et multi in nativitaté ejus gaudébunt; erit enim magnus coram Dómino; et vinum et síceram non bibet, et Spíritu Sancto replébitur adhuc ex útero matris suæ; et multos filiorum Israël convértet ad Dóminum Deum ipsórum. Et ipse præcedet ante illum in spíritu et virtúte Elíæ, ut convértat corda patrum in filios, et incrédulos ad prudéntiam justórum, parare Dómino plebem perféctam.

Et dicitur Credo ratione Octavæ.

Offertorium Ps. 88 Véritas mea, et misericórdia mea cum ipso; et in nómine meo exaltábitur cornu ejus.

Secreta

Super has, quásimus Dómine, benédictio copiosa descéndat: quæ nos, beátó Zacharía intercénte, et a terrénis purget vítiis, et ad cælestia perdúcat. Per Dóminum.

Pro Octava Omníum Sanctorum

Secreta

MUnera tibi, Dómine, nostræ de votiónis offérimus: quæ et pro cunctórum tibi grata sint honore

justórum, et nobis salutária, te mi serántur.

Pro S. Elisabeth

Secreta

Accépta tibi sit, Dómine, quásimus, hodiérnæ sanctæ Elísabeth festivitatis oblátio, et, tua grátia largiénte, per hæc sacro sáncta commércia víncula peccatórum nostrórum absólve. Per Dóminum.

Communio Luc. 1 Per víscola misericórdia Dei nostri visitávit nos Oriens ex alto, in remissióne pec catórum nostrórum.

Postcommunio

Deus, illuminátor ómnium géni tum, qui nos vero lúminis mystério illustrásti; da póulis tuis, qui in ténebris et umbra mortis sedent, perpétua pace gaudére. Per Dóminum.

Pro Octava Omníum Sanctorum

Postcommunio

Da, quásimus, Dómine, fidélibus póulis ómnium Sanctórum semper veneratióne lætári: et eórum perpétua supplicatióne muníri.

Pro S. Elisabeth Postcommunio

Deus, qui nos tanti mystérii tribuísti esse partícipes; da nobis intelligere misericórdiam tuam; ut ex perceptiōne præsentium múnérum firma sit exspectatió futurórum. Per Dóminum.

Die 7 Novemboris

OMNIUM SANCTORUM

Patriarchatus Hierosolymitani

Duplex II classis

Introitus

ACcessistis ad civitatem Dei viventis, Jerusalem caelestem, et Ecclesiam primitivorum, qui conscripti sunt in celis. **Ps. 47, 1** Magnus Dominus et laudabilis nimis; in civitate Dei nostri, in monte sancto ejus. **V.** Gloria Patri.

Oratio

Tribue, quae sumus, omnipotens Deus, omnes Sanctos, quos nostra ferventius veneratur Ecclesia, juciter orare pro nobis, eosque semper clementer exaudiri; ut, quorum intuemur exitum conversationis, fidem imitemur. Per Dominum.

**Et fit Commemoratio B. Mariæ V.
Reginæ Sanctorum Omnis.**

Oratio

Deus, qui beatissimam Virginem Mariam Omnum Sanctorum Reginam et Matrem pulchræ dilectionis nos venerari tribuisti; concede propitiis; ut, ipsa protegente, te in omnibus et super omnia diligamus in terris, et Sanctorum tuorum felici consortio perfruamur in celis. Per Dominum.

Lectio libri Ecclesiastici.

Eccli. 44, 1-15

LAudemus viros gloriósos, et paréntes nostros in generatione sua. Multam gloriam fecit Dominus, magnificéntia sua a saeculo. Domi-

Hebr. 12

nantes in potestatibus suis, homines magni virtute et prudéntia sua prædicti, nuntiantes in prophétis dignitatem prophetarum et imperantes in præsenti populo, et virtute prudéntiae populis sanctissima verba; in peritia sua requirentes modos músicos, et narrantes cármina scripturarum, homines dívites in virtute, pulchritudinis stúdium habentes, pacificantes in domibus suis. Omnes isti in generatióibus gentis suæ gloriam adépti sunt, et in diébus suis habentur in láudibus. Qui de illis nati sunt reliquérunt nomen narrandi laudes eorum. Et sunt quorum non est memória; periérunt quasi non fúerint, et nati sunt, quasi non nati, et filii ipsorum cum ipsis. Sed illi viri misericordiae sunt, quorum pietates non defuerunt: cum sémine eorum pémanent bona, hæréditas sancta nepotes eorum, et in testaméntis stetit semen eorum, et filii eorum propter illos usque in aeternum manent, semen eorum et gloria eorum non derelinquéatur. Córpora ipsorum in pace sepulta sunt, et nomen eorum vivit in generatiómem et generatiómem. Sapiéntiam ipsorum narrant populi, et laudem eorum nuntiet Ecclesia.

Graduale Ps. 33, 10-11 Timéte Dominum omnes Sancti ejus, quóniam nihil deest timéntibus eum. **V.** Inquirentes autem Dominum, non deficient omni bono.

Allelúja, allelúja. **X.** Cum Deus apparuerit, símiles ei érimus; quóniam vidébimus eum sicuti est. Allelúja.

† Sequéntia sancti Evangélii secún-dum Matthæum. **Matth. 5, 1-12**

IN illo témpore : Videns autem Jesus turbas, ascéndit in mon-tém, et cum sedísset, accessérunt ad eum discípuli ejus, et apériens os suum docébat eos dicens : Beáti páuperes spíritu, quóniam ipsórum est regnum cælórum. Beáti mites, quóniam ipsi possidébunt terram. Beáti qui lugent, quóniam ipsi consolabúntur. Beáti qui esúriunt et sítiunt justítiā, quóniam ipsi satu-rabúntur. Beáti misericórdes, quóniam ipsi misericórdiam consequén-tur. Beáti mundo corde, quóniam ipsi Deum vidébunt. Beáti pacífi, quóniam filii Dei vocabúntur. Beáti qui persecutióne patiúntur propter justítiā, quóniam ipsórum est regnum cælórum. Beáti estis cum maledíxerint vobis, et persecúti vos fúerint, et díixerint omne malum advérsu vos, mentiéntes, propter me; gaudéte et exsultáte, quóniam merces vestra copiosa est in cælis.

Credo.

Offertorium Apoc. 8, 3-4 Data sunt Angelo incénsa multa, ut daret de oratióribus Sanctórum ómnium su-per altare áureum, quod est ante thronum Dei; et ascéndit fumus incensórum de oratióribus sanctórum coram Deo.

Secreta

PLacábilem te nobis reddat, Dó-mine, et præsens oblátio, et ómnium intercéssio nostræ Ecclésiæ Sanctórum; ut illórum qui jam de sua immortalité secúri, adhuc de nostra salúte sunt solliciti, concíves esse mereámur. Per Dóminum.

Pro B. M. V. Regina Sanct. Omnia Secreta

LAUDIS tibi, Dómine, hóstias im-molámus, de Genitrícis Fílli tui glória lætántes; cujus suffulti præ-sídio, et præséntibus éxui malis confidimus et futúris. Per eúmdem Dóminum.

Communio Apoc. 5, 10 Occísus es, Dómine, et redemísti nos in Sán-guine tuo, ex omni tribu et lingua et pópulo et natióne; et fecísti nos Deo nostro regnum et sacerdótes.

Postcommunio

DOMINE Deus omnípotens, quem unum sanctum adorámus; fac nos in Ecclésiæ triumphántis com-munióne colléctos, et sanctificatió-nem in timóre perficere, et ex hac cælesti mensa ad peréenne transíre convívium. Per Dóminum.

Pro B. M. V. Regina Sanct. Omnia Postcommunio

CÆlestibus pasti delíciis, te súp-plices deprecámur, Dómine, Deus noster; ut sicut nobis in beatíssima Fílli tui Genitríce tutélam et præsídium constituísti; ita ejus solémnia celebrántibus ætérnæ gló-riæ corónam retríbuas. Per eúmdem Dóminum.

— Die 21 Novembris —

PRÆSENTATIO B. MARIÆ V.

Duplex II classis

Missa ut in Missali.

FESTA DECEMBRIS

Die 3 Decembris

S. FRANCISCI XAVERII

Conf., Patroni principalis
Omnium MissionumDuplex I classis (cum Oct. Communi
pro Clero sacerdotali tantum)Missa ut in Missali. Et dicitur
Credo per totam Octavam.¶ Infra Octavam in Festis occur-
rentibus, quae non sint I vel II cl.,
fit Commemoratio Octavæ juxta
rubricas.

Die 5 Decembris

S. SABBÆ Abbatis

Duplex majus

Introitus Ps. 36, 30-31

OS justi meditabitur sapien-
tiam, et lingua ejus loqué-
tur judicium; lex Dei ejus
in corde ipsius. **Ps. ibid.**, 1
Noli æmulari in malignantibus; ne-
que zelaveris facientes iniquitatem.
V. Glória Patri.

Oratio

Deus, qui beatum Sabbam Abbá-
tem electum famulum tuum, ab-
stractum a mundi turbibibus, tibi soli
militare jussisti; tribue, quæsumus,
familis tuis in tuo servitio perse-
verandi constantiam, et perfectam
usque in finem victoriam. Per Domini-
num.

Et fit Commemoratio Octavæ
S. Francisci Xaverii.

Oratio

Deus, qui Indiarum gentes beati-
Francisci prædicacione et mira-
culis Ecclæsiæ tuae aggregare vo-
luisti: concéde propitijs; ut, cuius
gloriósa mérita venerámur, virtutum
quoque imitémur exempla.

Deinde Commemoratio Feriæ.

Postea Commemoratio B. Nicolai
de Tavileis Martyris.

Oratio

Deus, qui beatum Nicoláum fidei
propagandæ zelo et martyrii
palma gloriósum effecisti; præsta
nobis, quæsumus; ut, ejus exémplo
et intercessione, viam mandatórum
tuórum curréntes, æternæ vitæ bra-
víum accípere mereámur. Per Domini-
num.

Léctio Epistolæ beati Pauli Apóstoli
ad Ephésios. **Eph. 4, 11-15**

Fratres: Christus dedit quosdam
Apóstolos, quosdam autem
prophétas, álios vero evangelistas,
álios autem pastores et doctores ad
consummatiōnem sanctórum in opus
ministérii, in aedificatiōnem cōporis
Christi; donec occurrámus omnes
in unitatē fidei, et agnitiōnis Filiī
Dei, in virum perféctum in mensúram
ætatis plenitūdinis Christi; ut jam
non simus párvuli fluctuantes, et
circumferámur omni vento doctrinæ
in nequitia hóminum, in astútia ad
circumventiōnem erróris. Veritatē
autem facientes in caritatē, crescā-
mus in illo per ómnia, qui est caput
Christus.

Graduale Ps. 20, 45 Dómine, præve-
nisti eum in benedictiōnibus dul-
cēdinis; posuisti in cápite ejus
corónam de lápide pretiōso. **V.** Vi-
tam pétuit a te, et tribuisti ei lon-
gitudinem diérum in sáculum
sáculi.

Allelúja, allelúja. **V. Ps. 91** Justus
ut palma florébit, sicut cedrus Líbani
multiplicabitur. Allelúja.

¶ Sequéntia sancti Evangélii secún-
dum Joánnem. **Joann. 15, 5-9**

TN illo tempore: Dixit Jesus disci-
pulis suis: Ego sum vītis, vos
pálmites; qui manet in me, et ego

in eo, hic fert fructum multum; quia sine me nihil potestis facere. Si quis in me non manserit, mittetur foras sicut palmes; et arescet, et colligent eum, et in ignem mittent, et ardet. Si manseritis in me et verba mea in vobis manserint, quodcumque volueritis petetis, et fiet vobis. In hoc clarificatus est Pater meus, ut fructum plurimum afferatis, et efficiamini mei discipuli. Sicut dilexit me Pater, et ego dilexi vos. Manete in dilectione mea.

Et dicitur Credo ratione Octavae.

Offertorium Ps. 20 Desiderium animae ejus tribuisti ei, Domine, et voluntate labiorum ejus non fraudasti eum; posuisti in capite ejus coronam de lapide pretioso.

Secreta

Ræsta nobis, quæsumus, Domine, terræna despícere et amare cælestia; ut, per hæc sacra quægerimus, et a pravis desideriis expiari mereámur, et incipiámus inhærére perpétuis. Per Dominum.

Pro Octava S. Francisci Xaverii

Secreta

Ræsta nobis, quæsumus, omnípotens Deus: ut nostræ humilitatis oblatione, et pro tuorum tibi grata sit honore Sanctorum, et nos corpore pàriter et mente purifiet.

Deinde Commemoratio Feriae.

Postea pro B. Nicolao de Tavileis

Secreta

Clementissime Deus, munera hæc tua benedictione perfunde; et nos in ea fide confirma, quam beatus Nicoláus Martyr tuus, effuso sanguine, asséruit. Per Dominum.

Communio Luc. 12 Fidélis servus et prudens, quem constituit Domi-

nus super familiam suam; ut det illis in tempore tritici mensuram.

Postcommunio

SUméntes pignus cælestis arcáni, et in terris pósiti, jam supérno pane satiati, supplicámus, Domine: ut, quod in nobis mýstice géritur, veráciter impleátur. Per Dominum nostrum.

Pro Octava S. Francisci Xaverii

Postcommunio

Uásumus, omnípotens Deus: ut, qui cælestia aliménta percipimus, intercedente beato Francisco Confessore tuo, per hæc contra ómnia adversa muniámur.

Deinde Commemoratio Feriae.

Postea pro B. Nicolao de Tavileis

Postcommunio

Fulciat nos, quæsumus, Domine, juge gratiæ tuæ præsidium; ut imitantes beatum Nicoláum Martym tuum, discámus terræna cuncta pro tui nomenis amore despícere, et exoptare cælestia. Per Dominum.

— Die 10 Decembris —

OCTAVA S. FRANCISCI XAVERII
Conf., Patron. princip. Missionum
Duplex majus

Missa ut in Festo, die 3 Decembris.
Et fit Commemoratio Octavæ
Immacul. Concept., Feriae ac S. Melchiadis Papæ et Mart., ut in Missali.

— Die 16 Decembris —

S. EUSEBII Episc. et Mart.
Duplex

Missa ut in Missali.

Die 17 Decembris
**S. LAZARI Resuscitati
 Episcopi et Confessoris
 Duplex majus**

Introitus

Is. 43

ROli timére, quia redémi te, et vocávi te nómine tuo; meus es tu, cum ambuláveris in igne, non comburéris, quia ego Dóminus Deus tuus, Sanctus Israël, Salvátor tuus.

Ps. 17 Díligam te, Dómine, fortítudo mea : Dóminus firmaméntum meum et refúgium meum, et liberátor meus.

XV. Glória Patri.

Oratio

Deus, qui per Unigénitum tuum beátum Lázarum quatriduánum mórtuum suscitásti a monuménto; érige nos de túmulis peccatórum, ut mereámur adipíisci consórtium electórum tuórum. Per eúmdem Dóminum.

Et fit Commemoratio Feriæ.

Léctio libri Sapiéntiæ.

Eccli. 51, 1-12

Confitébor tibi, Dómine rex, et collaudábo te Deum Salvatórem meum. Confitébor nómini tuo, quóniam adjútor et protéctor factus es mihi, et liberásti corpus meum a perditióne, a láqueo linguæ iníquæ, et a lábiis operántium mendácium, et in conspéctu adstántium factus es mihi adjútor. Et liberásti me, secúndum multitúdinem misericórdiæ nóminis tui, a rugiéntibus præparátis ad escam; de mánibus quæréntium ánimam meam, et de portis tribulatiónum, quæ circumdedérunt me, a pressúra flammæ quæ cíumdedidit me, et in médio ignis non sum æstuátus; de altitúdine ventris ínferi, et a lingua coinquináta, et a verbo mendáci, a rege iníquo, et a

lingua injústa. Laudábit usque ad mortem ánima mea Dóminum, et vita mea appropínquans erat in inférno deórsum. Circumdedérunt me úndique, et non erat qui adjuváret; respíciens eram ad adjutórium hóminum, et non erat. Memorátus sum misericórdiæ tuæ, Dómine, et opera-tiōnis tuæ, quæ a sǽculo sunt, quóniam éruis sustinéntes te, Dómine, et liberas eos de mánibus géntium.

Graduale Phil. 2, 17 Si immolor supra sacrificiū et obséquium fidei vestræ, gáudeo et congrátulor ómnibus vobis. **XV.** Idípsum et vos gau-déte, et congratulámini mihi.

Allelúja, allelúja. **XV.** Lázare, festína, pétimus, succúrre nobis, néquier ecce premit nos úndique túrbidus hostis. Allelúja.

† Sequéntia sancti Evangélii secún-dum Joánnem. **Joan. 11, 1-45**

TN illo témpore : Erat quidam languens, Lázarus a Bethánia, de castélo Mariæ et Marthæ soróris ejus. María ergo, cum venísset ubi erat Jesus, videns eum, cécidit ad pedes ejus, et dicit ei : Dómine, si fuísses hic, non esset mórtuus frater meus. Jesus ergo, ut vidi eam plorántem, et Judæos, qui vénérant cum ea plorántes, infrémuit spíritu, et turbávit seípsum, et dixit : Ubi posuístis eum? Dicunt ei : Dómine, veni et vide. Et lacrymátus est Jesus. Dixérunt ergo Judæi : Ecce quómodo amábat eum. Quidam autem ex ipsis dixérunt : Non póterat hic, qui apér-ruit óculos cæci nati, fáceret ut hic non morerétur? Jesus ergo rursum fremens in semetípso, venit ad monuméntum. Erat autem spelúnca, et lapis superpósitus erat ei. Ait Jesus : Tóllite lápidem. Dicit ei Martha, soror ejus qui mórtuus fúerat : Dómine, jam fœtet, quatriduánus est enim. Dicit ei Jesus : Nonne dixi

tibi quóniam si credíderis, vidébis glóriam Dei? Tulérunt ergo lápidem, Jesus autem, elevátis sursum óculis, dixit : Pater, grátias ago tibi quóniam audísti me. Ego autem sciébam quia semper me audis, sed propter pópulum qui circúmstat, dixi ut credant quia tu me misísti. Hæc cum dixísset, voce magna clamávit : Lázare, veni foras. Et statim pródiit qui fúerat mórtuus, ligátus pedes et manus ínstitis, et fácies illíus sudário erat ligáta. Dixit eis Jesus : Sólvite eum, et sínite abíre. Multi ergo ex Judáis, qui vénérant ad Mariám et Martham et viderant quæ fecit Jesus, credidérunt in eum.

Offertorium Col. 1 Gáudeo in pas-siónibus, et adímpleo ea quæ desunt passiónum Christi in carne mea, pro córpore ejus, quod est Ecclésia, cuius factus sum ego miníster.

Secreta

O Blatióne nostram, quæsumus Dómine, benedictiónis suæ rore perfundet Spíritus Sanctus, et nos constántes efficiat in fide veritátis, quam beátus Lázarus, Christi discípulus, et præcónio vocis et sán-guinis effusióne testátus est. Per eúmdem Dóminum.

Communio 2 Cor. 1 Sicut abúndant passiónes Christi in nobis, ita et per Christum abúndat consolátio nostra.

Postcommunio

CÆlestis mensæ virtúte recreátis, præsta nobis, omnípotens Deus; ut, beáti Lázari précibus et exémplo, nec persecútio, nec gládius separáre nos possit a caritaté tua, quæ est in Christo Jesu Filio tuo Dómino nostro : Qui tecum vivit.

Die 29 Decembris

S. DAVIDIS REGIS

Proph. et Conf. Duplex majus

Introitus

Ps. 97, 1



Antáte Dómino cáanticum novum; quia mirabília fecit Dóminus; ante con-spéctum géntium reve-lávit justitiā suam. **Ps. ibid.** Salvávit sibi déxtera ejus; et bráchium sanctum ejus. **V. Glória Patri.**

Oratio

Deus, Pater omnípotens, qui per os David in Spíritu Sancto tuo hymnos cantáre fecisti; tríbue, quæ-sumus : ut ejus intercessióne digne sacrificium laudis perfícere valeá-mus. Per Dóminum... in unitáte ejúsdem Spíritus Sancti...

Et fit Commemoratio S. Thomæ Episcopi et Martyris.

Oratio

Deus, pro cujus Ecclésia gloriósus Póntifex Thomas gládiis impiórum occúbuit : præsta, quæsumus; ut omnes, qui ejus implórant auxílium, petitónis suæ salutárem con-sequántur efféctum.

Deinde Commemoratio Octavæ Nativitatis.

Oratio

COncéde, quæsumus, omnípotens Deus : ut nos Unigéniti tui nova per carnem Natívitas líberet; quos sub peccáti jugo vetústa sérvitus tenet. Per eúmdem Dóminum.

Léctio libri Regum.

I Reg. 16, 4-13

Venit Sámuel in Béthlehem, et admiráti sunt seniores civitá-tis, occurréntes ei, dixerúntque : Pa-cificúsne est ingréssus tuus? Et ait :

Pacíficus; ad immolandum Dómino veni; sanctificámini et veníte mecum ut ímbole. Sanctificávit ergo Isai et filios ejus, et vocávit eos ad sacrificium. Cumque ingréssei essent vidi Eliab, et ait : Num coram Dómino est christus ejus? Et dixit Dóminus ad Samuélem : Ne respicias vultum ejus neque altitúdinem státuræ ejus, quóniam abjéci eum, nec juxta intúitum hóminis ego júdico; homo enim videt ea quæ parent, Dóminus autem intuétur cor. Et vocávit Isai Abínadab, et addúxit eum coram Samuéle, qui dixit : Nec hunc élégit Dóminus. Addúxit autem Isai Samma, de quo ait : Etiam hunc non élégit Dóminus. Addúxit itaque Isai septem filios suos coram Samuéle; et ait Sámuel ad Isai : Non élégit Dóminus ex istis. Dixítque Sámuel ad Isai : Numquid jam compléti sunt filii? Qui respóndit : Adhuc réliquus est párvulus, et pascit oves. Et ait Sámuel ad Isai : Mitte et adduc eum; nec enim discumbémus priúsqam huc ille véniat. Misit ergo et addúxit eum. Erat autem rufus, et pulcher aspéctu, decoráque fácie; et ait Dóminus : Surge, unge eum, ipse est enim. Tulit ergo Sámuel cornu ólei, et unxit eum in médio fratrū ejus; et diréctus est Spíritus Dómini a die illa in David, et déinceps. Surgénsque Sámuel ábiit in Rámatha.

Graduale Ps. 88, 21 Invéni David servum meum, óleo sancto meo unxi eum; manus enim mea auxiliábitur ei, et bráchium meum confortábit eum. **¶** Nihil proficiet ini mícus in eo, et filius iniquitatis non nocébit ei.

Allelúa, allelúa. **¶ Jud. 5, 3** Au-díte, reges, et áuribus percípite, príncipes, ego sum, qui Dómino canam, psallam Dómino Deo Israël. Alle-lúa.

+ Sequéntia sancti Evangélīi secún-dum Matthæum. **Matth. 22, 41-44**

TN illo témpore : Congregátis pharisæis, interrogávit eos Je-sus, dicens : Quid vobis vidétur de Christo? Cujus filius est? Dicunt ei : David. Ait illis : Quómodo ergo David in spíritu vocat eum Dómi-num, dicens : Dixit Dóminus Dó-mino meo; sede a dextris meis, donec ponam inimícos tuos scabél-lum pedum tuórum?

Credo, **ratione Octavæ.**

Offertorium Ps. 24, 1 Ad te levávi ánimam meam; Deus meus, in te con-fido, non erubéscam; neque irrídeant me inimíci mei; étenim univérsi, qui te exspéctant, non confundéntur.

Secreta

DEUS, qui humiliatióne flécteris et satisfactióne placáris, résponce benigne super cor contrítum et humiliátum Sancti David : ut, ejus exémplo, nos spíritu compunctiónis repléti sacrificium tuum digne offérre valeámus. Per Dóminum.

Pro S. Thoma

Secreta

MUnera tibi, Dómine, dicáta sanctifica : et, intercedénte beáto Thoma Mártyre tuo atque Pontífice, per éadem nos placátus inténde.

Pro Octava Nativitatis Secreta

OBláta, Dómine, múnera, nova Unigéniti tui Nativitaté sanctifica : nosque a peccatórum nostrórum máculis emúnda. Per eúmdem Dóminum.

Præfatio et Communicántes de Na-tivitate, ratione Octavæ.

Communio Ps. 88, 36 Semel jurávi in sancto meo; semen ejus in ætérnum manébit, et sedes ejus sicut sol in conspéctu meo, et sicut luna

perfécta in æténum, et testis in
cælo fidélis.

Postcommunio

Domine Deus, cuius Unigénitus dignátus est filius esse David; præsta, quæsumus, ut nos participatióne hujus mystérii filiis Regis regum adoptiόne aggregémur. Per eúmdem Dóminum.

Pro S. Thoma Postcommunio

HÆC nos communio, Dómine, purget a crímine : et, intercedente beáto Thoma Mártyre tuo atque Pontífice, cælestis remédii fáciat esse consórtes.

Pro Octava Nativitatis Postcommunio

Præsta, quæsumus, omnípotens Deus : ut natus hódie Salvátor mundi, sicut divinæ nobis generatiónis est auctor; ita et immortalitatis sit ipse largítor : Qui tecum.

— Die 31 Decembris —

S. Silvestri I Papæ et Conf. Duplex

Missa ut in Missali.

Post Commemorationem Octavæ
Nativitatis :

Commemoratio

S. MELANIÆ JUNIORIS Viduæ

Oratio

Deus, totius caritatis confirmátor et amátor, qui ad hóminem humiliátus inclinári dignátus es, ut ad te homo eréctus levarétur; ánnue, quæsumus, familiæ tuæ in Nativitaté tua exsultánti; ut, per intercessiόnem et mérita sanctæ Melaniæ, in tuo amóre crescámus: Qui vivis et regnas.

Secreta

Domine Jesu Christe, qui pietate tua pro nobis peccatóribus temetípsum exinaniscens, carnem súmere et in mundo húmiliis apparere voluísti; súscipe múnera famulórum tuórum dignánter obláta: et, beátæ Melaniæ suffragántibus méritis, Patri tuo omnipoténti pro nostra salúte commendare dignérис: Qui vivis et regnas.

Postcommunio

Domine Jesu Christe, qui peccatóres vocare dignátus es, dicens: Veníte ad me omnes qui laboráti et oneráti estis, et ego reficiam vos; præsta, ut intercessiōne beátæ Melaniæ peccatórum ónera deponéntes, et, quam dulcis es gustantes, tua refectione sustentári mereámur: Qui vivis et regnas.



FESTA PROPRIA

DIOCESEOS PATRIARCHALIS HIEROSOLYMITANÆ

JANUARIUS

| | |
|--|--|
| <i>Dom. inter Circumcis. et Epiphani. SS. NOMINIS JESU, Eccl. Concathedral. Titularis, dupl. i cl. cum Octava communi.</i> | |
| <i>7 Commemoratio Fugæ D. N. J. C. in Ægyptum</i> | |
| <i>Dom. infra Oct. Epiphani. SS. FAMILIÆ JESU, MARIAE ET JOSEPH, dupl. i classis</i> | |
| <i>13 Commemoratio Relationis Pueri Jesu de Ægypto</i> | |
| <i>16 S. Theodosii Cœnob., Abb., duplex</i> | |
| <i>20 S. Euthymii Magni, Abb., duplex majus</i> | |
| <i>23 DESPONSATIO B. M. V. CUM S. JOSEPH, duplex 2 classis</i> | |
| <i>26 S. Paulæ Romanae, Vid., duplex. Commemoratio S. Eustochii, Virg.</i> | |
| <i>30 S. Matthiæ Ep. Hierosol. Conf., duplex</i> | |

FEBRUARIUS

| | |
|---|--|
| <i>3 S. Cornelii Centur., Episc Cæsareen. Conf. (ex heri), duplex</i> | |
| <i>11 DEDICATIO ECCLES. CONCATHEDRAL. PATRIARCHALIS, duplex i class. cum Octav. communi extra Quadragesim.</i> | |
| <i>13 Inventio Pueri Jesu in Templo, dupl. maj.</i> | |
| <i>14 Die IV infra Octav. Dedicationis (extra Quadragesim.) semiduplex</i> | |
| <i>15 Die V infra Octav. Dedicationis (extra Quadragesim.) semiduplex</i> | |
| <i>16 Die VI infra Octav. Dedicationis (extra Quadragesim.) semiduplex</i> | |
| <i>17 Die VII infra Octav. Dedicationis (extra Quadragesim.) semiduplex</i> | |
| <i>18 S. SIMEONIS, II EPISC. HIEROSOLYM., Conf., duplex 2 class. Com. diei Octavæ Dedicationis (extra Quadragesim.)</i> | |
| <i>19 S. Zambdæ Ep. Hierosol., Conf., duplex</i> | |
| <i>26 S. Porphyrii Episc. Gazen., Conf., dupl. Fer. III post Dom. Septuagesim. Orationis D. N. J. C., duplex majus</i> | |

| | |
|--|--|
| <i>Fer. III post Dom. Sexagesim. Columnæ Flagellationis D. N. J. C. dupl. maj.</i> | |
| <i>Fer. III post Dom. Quinquagesim. Commemorationis Passionis D. N. J. C. duplex majus</i> | |
| <i>Fer. VI post Cineres. S. Spineæ Coronæ D. N. J. C., duplex majus</i> | |
| <i>Fer. VI post Dom. I Quadragesim. SS. Lanceæ et Clavorum D. N. J. C., dupl. maj.</i> | |
| <i>Fer. VI post Dom. II Quadragesim. S. Sindonis D. N. J. C., duplex majus</i> | |
| <i>Fer. VI post Dom. III Quadragesim. SS. Quinque Vulnerum D. N. J. C., dupl. maj.</i> | |

Fer. VI post Dom. IV Quadragesim. Mysteriorum Viæ Crucis, duplex majus 17

MARTIUS

| | |
|---|----|
| <i>3 S. Gerasimi, Abb., semiduplex</i> | 19 |
| <i>6 Commemoratio S. Cyrilli Constantini, Ord. Carm. Conf.</i> | 20 |
| <i>10 S. Macarii Ep. Hierosol., Conf., duplex</i> | 20 |
| <i>11 S. Sophronii Patriarch. Hierosolym., Conf., duplex majus</i> | 21 |
| <i>15 S. Longini Militis Mart., duplex</i> | 22 |
| <i>17 S. Joseph ab Arimatæa, Conf., duplex</i> | 23 |
| <i>18 S. CYRILLI EPISC. HIEROSOLYM., Conf. et Eccl. Doct., duplex 2 classis</i> | 24 |
| <i>20 S. Alexandri Ep. Hierosol., Mart., duplex</i> | 24 |
| <i>26 S. Boni Latronis, Conf. (ex heri), dupl.</i> | 25 |
| <i>27 S. JOANNIS DAMASCENI, Conf. Eccl. Doct., duplex 2 classis</i> | 26 |
| <i>29 S. Bertholdi, Ord. Carm. Conf., duplex</i> | 26 |

APRILIS

| | |
|--|----|
| <i>9 SS. Mariae Cleophae et Aliarum Christi Discipularum, duplex majus</i> | 26 |
| <i>23 S. GEORGII MART., duplex 2 classis</i> | 27 |

MAJUS

| | |
|--|----|
| <i>10 S. JACOBI AP., I. Hierosolym. Ep. et Patroni Dioces. et S. PHILIPPI AP., dupl. i classis cum Octava Communi.</i> | 27 |
| <i>12 INVENTIO S. CRUCIS, dupl. i class.</i> | 28 |
| <i>14 Commemoratio SS. Silvani Episc., Clericorum et 39 Soc. Mart.</i> | 28 |
| <i>15 S. Maximi Ep. Hierosol., Mart., duplex</i> | 28 |
| <i>12 Octava SS. Jacobi et Philippi App., duplex majus</i> | 29 |
| <i>11 S. Jeremiæ Proph. Mart. (ex i hujus), duplex</i> | 29 |
| <i>12 S. Epiphanii Ep. Salamin., Conf., duplex</i> | 30 |
| <i>13 Commemoratio S. Joannis Silentii, Episc. Conf.</i> | 31 |
| <i>16 Commemoratio SS. Monachorum Mart. Lauræ S. Sabbæ</i> | 32 |
| <i>24 Festum B. M. V. « Auxilium Christianorum », duplex majus</i> | 32 |
| <i>28 Commemoratio SS. Monachorum Mart. Thecuæ</i> | 32 |
| <i>Sabb. in Octav. Ascensionis. Festum B. M. V. « De Cœnaculo », duplex majus</i> | 32 |
| <i>Feria II post Fest. SS. Trinitat. FESTUM DIVISIONIS APOSTOLORUM. dupl. 2 cl. Commemoratio B. M. V. REGINÆ APOSTOLORUM</i> | 34 |
| <i>Sabb. post Fest. SS. Cordis Jesu. PURISSIMI CORDIS B. M. V. dupl. 2 class.</i> | 35 |
| <i>Fer. V post Oct. SS. Cordis Jesu. FEST. EUCHARISTICI CORDIS JESU, dupl. 2 cl..</i> | 35 |

JUNIUS

| | | |
|----|---|----|
| 6 | S. Philippi Diac., Conf., <i>duplex</i> | 35 |
| 11 | (Pro Ins. Cypro :) S. BARNABÆ AP., PATRONI CYPRI, <i>dupl. 1 cl.</i> cum Octava communi | 37 |
| 14 | Commemoratio S. Elisei Proph., Conf. | 37 |
| 15 | (Pro Cypro :) Die V infra Octav. S. Barnabæ Ap., <i>semiduplex</i> | 38 |
| 16 | (Pro Cypro :) Die VI infra Octavam S. Barnabæ Ap., <i>semiduplex</i> | 38 |
| 17 | (Pro Cypro :) Die VII infra Octavam S. Barnabæ Ap., <i>semiduplex</i> | 38 |
| 18 | (Pro Cypro :) Octava S. Barnabæ Ap., <i>duplex majus</i> | 38 |
| 22 | Commemoratio SS. 1480 Martyrum Samariæ | 38 |

JULIUS

| | | |
|----|--|----|
| 5 | Commemoratio S. Athanasii Diac., Mart. | 39 |
| 9 | S. Isaiæ proph. Mart. (ex 6 hujs), <i>duplex</i> | 39 |
| 15 | FESTUM SS. SEPULCRI D. N. J. C., BASILIC. CATHEDRAL. HIEROSOLYM. TITULARIS, <i>duplex 1 classis cum Octava communi</i> | 40 |
| 16 | COMMEMORATIO B. M. V. DE MONTE CARMELO, <i>dupl. 1 class.</i> | 42 |
| 20 | S. Eliæ Proph., Conf., <i>dupl. maj. Com.</i> Octavæ et S. Josephi Justi Conf.. | 43 |
| 21 | S. Eliæ Episc. Hierosolym. Conf., <i>dupl. Com. Octavæ SS. Sepulcri</i> | 46 |
| 22 | S. MARLÆ MAGDALENÆ PENIT., <i>dupl. 2 cl. Com. diei Octavæ SS. Sepulcri</i> | 46 |
| 29 | S. Martha Virg., <i>duplex</i> | 46 |

AUGUSTUS

| | | |
|--|---|----|
| 3 | Inventio S. Stephani Protomart. <i>dupl. maj. Commemoratio</i> Ss. Gamalielis, Nicodemi et Abibonis Conf. | 48 |
| 6 | TRANSFIGURATIO D. N. J. C. <i>dupl. 1 classis</i> | 48 |
| Domin. infra Octav. Assumpt. FESTUM B. M. V. « REGINÆ PALÆSTINÆ », Patronæ Dieces., <i>dupl. 1 cl.</i> | 48 | |
| 18 | S. HELENÆ IMPERATR. Vid., <i>dupl. 2 cl.</i> | 49 |
| 23 | S. Zachæi Ep. Hierosol., Conf., <i>duplex</i> | 49 |
| 25 | S. Ludovici Regis Conf., <i>duplex majus</i> | 50 |
| 29 | (Pro Transjordania :) DECOLLATIO S. JOANNIS BAPT., Patroni Transjord., <i>dupl. 1 class. cum Octava Communi</i> | 50 |

SEPTEMBER

| | | |
|---|--|----|
| 1 | (Pro Transjord.) Die IV infra Octav. Decollationis S. Joannis B., <i>semidupl.</i> | 50 |
|---|--|----|

A. M. D. G.

| | | |
|----|---|----|
| 2 | S. Brocardi Ord. Carm. Conf., <i>duplex</i> | 50 |
| 3 | (Pro Transjord.) Die VI infra Octav. Decollationis S. Joannis B., <i>semidupl.</i> | 51 |
| 4 | S. Moysis Legislatoris Conf., <i>dupl. maj. Commem.</i> S. Aaron Primi Sacerd. C. | 52 |
| 5 | (Pro Transjord.) Octava Decollationis S. Joannis B., <i>duplex majus</i> | 53 |
| 8 | NATIVITAS B. M. V., <i>dupl. 1 class.</i> | 54 |
| 14 | EXALTATIO S. CRUCIS, <i>dupl. 1 cl.</i> | 54 |
| 25 | S. Alberti Patriarch. Hierosolym., Legislator. Ord. Carm., Conf., <i>dupl. maj. Commem.</i> S. Cleophae Discip. Mart. | 54 |
| 30 | S. HIERONYMI PRESB. C. E. D. <i>duplex 2 classis.</i> | 55 |

OCTOBER

| | | |
|----|--|----|
| 3 | S. THERESIAE A JESU INF. Virg., Patron. Princip. Missionum, <i>duplex 1 classis. (Cum Octava communi pro Clero sæcul.)</i> | 55 |
| 5 | Die III infra Octav. S. Theresiae a Jesu Inf. V., <i>semidupl.</i> | 55 |
| 8 | S. Simeonis Senis Conf., <i>duplex. Commemoratio</i> S. Annæ Prophetissæ Vid. | 56 |
| 9 | S. Abrahæ Patriarchæ Conf., <i>dupl. maj.</i> | 58 |
| 10 | Octava S. Theresiae a Jesu Inf. V., <i>duplex majus</i> | 60 |
| 21 | S. Hilarionis Abb., <i>duplex</i> | 60 |
| 22 | S. Marci Episc. Hierosolym. Mart., <i>dupl.</i> | 60 |
| 23 | SS. REDEMPTORIS, <i>duplex 1 classis.</i> | 60 |
| 29 | S. Narcissi Ep. Hierosol., Conf., <i>duplex.</i> | 60 |

NOVEMBER

| | | |
|----|--|----|
| 5 | S. Zachariae, Patris Præcursor. Domini Conf., <i>duplex majus. Commemoratio</i> S. Elisabeth | 61 |
| 7 | OMNIUM SANCTORUM PATRIARCHATUS HIEROSOL. <i>dupl. 2 cl. Commem.</i> B. M. V. Reginae Sanctorum omnium. | 63 |
| 21 | PRÆSENTATIO B. M. V., <i>dupl. 2 class.</i> | 64 |

DECEMBER

| | | |
|----|--|----|
| 3 | S. FRANCISCI XAVERII Conf., Patron. Princip. Missionum, <i>dupl. 1 cl. (Cum Octava communi pro Clero sæcul.)</i> | 65 |
| 5 | S. Sabbæ Abb., <i>dupl. maj. Commemoratio</i> B. Nicolai de Tavileis, O. F. M. Mart. | 65 |
| 10 | Octava S. Francisci Xaverii Conf., <i>duplex majus</i> | 66 |
| 16 | S. Eusebii Episc. Mart., <i>duplex</i> | 66 |
| 17 | S. Lazari Resuscitati Episc., Conf. <i>dupl. majus</i> | 67 |
| 29 | S. Davidis Regis Proph. Conf., <i>dupl. maj.</i> | 68 |
| 31 | Commemoratio S. Melaniæ Juniores Vid. | 70 |